

Mathia

Chĩc Atõng Parnai O Tẽ Yê-su Crĩt

Santoiq Atõng

Mathia bữn ramứh Lê-vi hữ. Án la manoaq tẽ tốp muoi chít la bar náq ca rien tẽ Yê-su. Tẽ nhũang, án la cũai parôm ít práq thẽq. Án chĩc saráq nâi sám 50 toáq 60 cumo ntun Yê-su canõt. Mathia chĩc atõng parnai o tẽ Yê-su, án ca Yiang Sursĩ khoiq ữq tâng Parnai Par-ữq Tiaq. Tam Mathia chĩc parnai o nâi yõn tốp I-sarel dáng raloaih, parnai nâi tở cõn yõn óng cũai I-sarel sâng, ma yõn nheq tữh cũai.

Mathia chĩc atõng tẽ nheq dõi tamoong Yê-su. Án atõng tẽ Yê-su canõt, roap batẽm, ramóh yiang Satan chim, cốp pỡq atõng parnai Yiang Sursĩ. Yê-su táq ranáq salễh sa-ữi ramứh. Án palai satoaq máh cũai a-ĩ õt tâng máh vil cruang Cali-lê. Chơ, tẽ ki án chõn chu vil Yaru-salem. Ớt tâng ntốq ki án chĩuq noau táq án, noau téh án tâng aluang sangcáng. Chơ án cuchĩt cốp tamoong loah.

Mathia chĩc atõng yõn hái dáng Yê-su la thâi bữn chớq lứq. Cốp án bữn ớc roan rangoaiq, đõq aloõh ngê tẽ phễp rit Yiang Sursĩ, cốp atõng nheq tữh cũai dáng tẽ Yiang Sursĩ cõt sớt.

*Atõng Tẽ Achúc Achiac Yê-su
(Luca 3:23-38)*

¹ Yê-su Crĩt toaq tẽ tống toiq Davĩt; cớp Davĩt toaq tẽ tống toiq A-praham. Nheq tũh ramứh achúc achiac Yê-su la neq;

² A-praham la mpoaq I-sac. I-sac la mpoaq Yacóp. Yacóp la mpoaq Yuda cớp nheq tũh sêm ai án. ³ Yuda la mpoaq Pharêr cớp Sê-rah; mpiq alói bar nác ki la Tamar. Pharêr la mpoaq Hê-trôn. Hê-trôn la mpoaq Aram.* ⁴ Aram la mpoaq Ami-nadap. Ami-nadap la mpoaq Nasôn. Nasôn la mpoaq Sal-môn. ⁵ Sal-môn la mpoaq Bô-at; mpiq Bô-at la Rahap. Bô-at la mpoaq Ô-bêr; mpiq Ô-bêr la Rutở. Ô-bêr la mpoaq Yê-sai. ⁶ Yê-sai la mpoaq puo Davĩt.

Davĩt la mpoaq Sa-lamôn; cớp mpiq Sa-lamôn la Bat-si-ba. Tẽ nhũang mpiq án la lacuoi Uria. ⁷ Sa-lamôn la mpoaq Rê-habũam. Rê-habũam la mpoaq Abia. Abia la mpoaq Asa. ⁸ Asa la mpoaq Yê-hô-saphat. Yê-hô-saphat la mpoaq Yô-ram. Yô-ram la mpoaq Usiah. ⁹ Usiah la mpoaq Yô-tham. Yô-tham la mpoaq Ahat. Ahat la mpoaq Hê-sakia. ¹⁰ Hê-sakia la mpoaq Ma-nasê. Ma-nasê la mpoaq Amôn. Amôn la mpoaq Yô-sia. ¹¹ Yô-sia amia Yê-cania cớp nheq tũh sêm ai án bo cũai Ba-bulôn đứng asuoi cũai I-sarel pởq ỏt pở cruang Ba-bulôn ẽn.

¹² Vớrt noau cớp đứng cũai I-sarel pở cruang Ba-bulôn, ngkíq Yê-cania amia Sial-tiel. Sial-tiel la mpoaq Saru-babel. ¹³ Saru-babel la mpoaq

* **1:3** 1:3 Ramứh Aram noau đớq Ram hỡ.

Abi-yut. Abi-yut la mpoaq Alia-kim. Alia-kim la mpoaq Asô. ¹⁴ Asô la mpoaq Sadôc. Sadôc la mpoaq Achim. Achim la mpoaq E-li-yut. ¹⁵ E-li-yut la mpoaq E-lia-sơ. E-lia-sơ la mpoaq Mathan. Mathan la mpoaq Yacốp. ¹⁶ Yacốp la mpoaq Yô-sep. Yô-sep la cayac Mari. Mari la mpiq Yê-su, án ca noau đợq Crĩt.†

¹⁷ Ngkíq, tễ dôi A-praham toau toâq dôi Davĩt la muoi chít la pỗn dôi cũai. Noap tễ dôi Davĩt toâq dôi noau cỗp cũai I-sarel đững pỡ cruang Ba-bulôn la muoi chít la pỗn dôi cũai. Cớp tễ dôi noau cỗp cũai I-sarel đững pỡ cruang Ba-bulôn toau toâq dôi Yê-su Crĩt la muoi chít la pỗn dôi cũai tê.

*Sết Yê-su Crĩt
(Luca 2:1-7)*

¹⁸ Yê-su Crĩt sết puai máh parnai nài atống. Mari, mpiq Yê-su, khoiq sampuoq Yô-sep. Yô-sep tỡ yũah racoaiq Mari, Mari khoiq ốt mumiaq chơ tễ Raviei Yiang Sursĩ. ¹⁹ Yuaq Yô-sep la cũai mantoat, án tỡ ểq yỗn Mari casiet táq noau. Án ốt chanchóm tâng mút án ể táh Mari, ma tỡ ểq noau dáng. ²⁰ Bo án noâng ốt chanchóm ngê ki, án láu mpáu. Án hữm ranềng Yiang Sursĩ tễ paloống toâq pỡ án. Ranềng ki pai neq: “Yô-sep ơi! Mớí la cũai tễ tống toiq Davĩt. Mớí chỗi pê pahồm ít Mari táq lacuoi mớí, yuaq án ốt mumiaq cỗ tễ Raviei Yiang Sursĩ. ²¹ Nỡ-ra án

† **1:16** 1:16 Ramứh ‘Crĩt’ parlong loah la ‘án ca Yiang Sursĩ ruoh đợq chuai amoong cũai’.

canõt con samiang. Mói cóq amúh con ki la Yê-su, yuaq án ẽ chuai amoong nheq tữh cũai cóp táh lóih alóih.”

²² Nheq ranáq nâi cõt santruoq cóp parnai Yiang Sursĩ khoiq atõng saccoaiq na cũai tang bõq Yiang Sursĩ tẽ mbõq. ²³ Cũai ki khoiq pai neq: “Chumát bữn manoaq cumũr plot õt mumiaq, chơ án canõt con samiang.

Noau amúh con ki Ê-manual.”[☆]

(Santoiq Ê-manual nâi parlong loah la ‘Yiang Sursĩ õt cóp hái’.)

²⁴ Tữ Yô-sep tamỡ, án trĩh nheq máh santoiq ranẽng Yiang Sursĩ atõng án yõn ít Mari táq lacuoi. ²⁵ Ma án tỡ bữn bẽq parnõi cóp Mari yõn toau toâq tangái Mari canõt con samiang clúng. Cóp án amúh con ki la Yê-su.

2

Cũai Tamoi Toâq Tẽ Angia Mandang Loõh

¹ Yê-su khoiq sết tâng vil Bet-lahem, cruang Yudê, bo dõih Hê-rõt cõt puo. Vót ki bữn cũai rien tẽ mantõr toâq pỡ vil Yaru-salem tẽ cruang alóih coah angia mandang loõh. ² Alóih blóh neq: “Pỡ léq manoaq mbõiq sết, ma nữ-ra án cõt puo tốp Yuda? Hẽq khoiq hữm mantõr án tẽ angia mandang loõh. Ngkíq hẽq toâq ẽ sang toam án.”

³ Tữ puo Hê-rõt sâng ốc nâi, án sâng croõq lứq, cóp nheq máh cũai tâng vil Yaru-salem la sâng croõq tê. ⁴ Ngkíq Hê-rõt parõm nheq tữh cũai sốt tốp tẽng rit sang Yiang Sursĩ, cóp máh

[☆] **1:23** 1:23 Ê-sai 7:14

cũai yống rit tốp I-sarel tâng cruang ki. Án blóh alói neq: “Põ léq Crít sết?”

⁵ Alói ta-õi neq: “Crít sết tâng vil Bet-lahem, cruang Yudê. Yuaq bữn manoaq tang bỗq Yiang Sursĩ khoiq chĩc tể mbỗq neq:

⁶ ‘O vil Bet-lahem tâng cruang Yuda oi!

Mới la vil bữn chóc tở bữn cacót,
khân talĩ cốp máh vil canóh tâng cruang
Yuda.

Yuaq bữn manoaq toâq tể mới, án bữn chóc sốt
toâr lứq.

Án ayông máh cũai proai cứq, la cũai I-
sarel.’”[✧]

⁷ Vót ki Hê-rôt arô clỗp máh cũai rien tể
mantỏr. Chơ án blóh alói ki samoât samoi neq:
“Bo léq anhia hữm mantỏr ki loỏh?”

⁸ Ngkíq án ón tốp rien tể mantỏr pỡq chu vil
Bet-lahem, cốp án atỡng alói neq: “Anhia pỡq
chuaq samoât samoi con ki. Toâq anhia tamóh
con ki, anhia toâq atỡng cứq nơ. Cứq ể pỡq sang
án tề.”

⁹ Moâm alói tamúng parnai puo atỡng, alói
pỡq loah. Alói hữm loah mantỏr ki ốt coah angia
mandang loỏh. Mantỏr ki pỡq nhũang alói, cốp
tangút rayư ntốq con ki ốt. ¹⁰ Toâq cũai rien tể
mantỏr hữm loah mantỏr ki, alói sâng bũi hữr
lứq. ¹¹ Tữ alói mut tâng đống, alói hữm con ki
cốp Mari, mpiq án. Alói sacốh racốl sang con ki.
Chơ alói pớh hữp ca bữn crọng ngoaih aloỏh yỗn
con ki, bữn: yểng, trâm, cốp siet phuom.

✧ 2:6 2:6 Mi-ca 5:2

12 Chơ Yiang Sursĩ atỡng loah alóí toâq parnáu mpáu yõn alóí chõỉ chu noâng pở dống Hê-rôt. Ngkíq alóí chu pở cruang alóí, ma alóí chu na rana canõh ẽn.

Yô-sep, Mari, Cóp Con Pởq Pở Cruang Ê-yip-tô

13 Toâq vót cũai rien tẽ mantõr chu, chơ ranẽng Yiang Sursĩ toâq loah pở Yô-sep na parnáu mpáu, pai neq: “Mói yuor toâp, dững con cóp mpiq án loõh cóp pởq chu cruang Ê-yip-tô. Anhia õt dỡ cruang ki voai toau cứq atỡng loah anhia yõn chu, yuaq puo Hê-rôt yoc ẽ cachĩt con ki.”

14 Ngkíq Yô-sep yuor tayứng. Bo noâng canám án dững con cóp mpiq con ki mut õt cruang Ê-yip-tô ẽn. 15 Alóí õt pở ki toau toâq tangái Hê-rôt cuchĩt.

Ranáq nâi lứq rapĩeiq máh parnai Yiang Sursĩ khoiq pai na cũai tang bởq Yiang Sursĩ tẽ mbởq neq:

“Cứq arô con samiang cứq loõh tẽ cruang Ê-yip-tô.”✧

Hê-rôt Cachĩt Nheq Tữh Con Samiang

16 Toâq Hê-rôt dáng cũai rien tẽ mantõr phẻq án, ngkíq án sâng ũan lứq. Án ớn noau cachĩt nheq tửh carnẽn samiãng tẽ bar cumo asẻng tâng vil Bet-lahem cóp máh vil õt mpẻr vil ki. Án noap tẽ tangái cũai rien tẽ mantõr khoiq atỡng yõn án dáng.

✧ 2:15 2:15 Hô-sĩa 11:1

¹⁷ Ngkíq cõt rapĩeiq parnai Yê-ramia, la cũiai tang bỗq Yiang Sursĩ, khoiq pai tễ mbỗq neq:

¹⁸ “Noau sâng srong cuclỗiq cucling tễ vil Rama; la srong Rachel nhiam atễh sanhữ máh con án.

Án tỡ bữn tamứng máh santoiq noau aliam án, yuaq con án tỡ bữn noâng.”✧

Yô-sep, Mari, Cóp Con Chu Tễ Cruang Ê-yip-tô

¹⁹ Vốt Hê-rôt cuchĩt chơ, ngkíq ranễng Yiang Sursĩ toâq loah pỡ Yô-sep tâng cruang Ê-yip-tô na parnáu rláu mpáu sĩa. ²⁰ Ranễng ki pai neq: “Yuor tayứng. Dững con cóp mpiq án chu loah pỡ cruang I-sarel, yuaq cũiai yoc ễ cachĩt con ki khoiq cuchĩt chơ.”

²¹ Ngkíq Yô-sep yuor tayứng, dững con cóp mpiq con ki chu loah pỡ cruang I-sarel.

²² Ma toâq Yô-sep sâng noau pai Achê-lau cõt puo tâng cruang Yudê, pláih loah Hê-rôt mpoaq án, ngkíq Yô-sep tỡ khớh chu pỡ ki. Ma Yiang Sursĩ toâq atỡng loah án na parnáu rláu mpáu. Ngkíq án pỡq ốt pỡ cruang Cali-lê ễn. ²³ Án toâq ốt tâng vil Na-sarết. Ngkíq cõt rapĩeiq samoât parnai cũiai tang bỗq Yiang Sursĩ pai tễ mbỗq neq:

“Noau dỗq án la cũiai Na-sarết.”

3

Yang Ca Táq Batễm

(Mac 1:1-8; Luca 3:1-18; Yang 1:19-28)

¹ Bo ki, Yang táq batẽm toâq atõng tẽ ngê Yiang Sursĩ pỡ ntõq aiq tâng cruang Yudê. ² Ân atõng neq: “Cóq anhia ngin lôih lêq cõt mứt tamái ẽn, yuaq khoi q cheq lứq chơ tangái Yiang Sursĩ táq sớt.”

³ Ê-sai la cũi tang bõq Yiang Sursĩ, khoi q atõng tẽ Yang neq:

“Bữn sường sabau atõng casang tẽ ntõq aiq neq: ‘Cóq anhia atức rana yõn Ncháu hái.

Cháh báng yõn tanoang rana yõn án pỡq.’ ”✧

⁴ Yang nâi dõq tâc tampác noau táq toâq sóc charán lac-da. Cóp án cantoân parnoân ngcâr tâng ngkĩng án. Ân cha lam cốp nguai q dõq khĩal tẽ aruih. ⁵ Bữn cũi proai tẽ vil Yaru-salem cốp chũop nheq cruang Yudê, dẽh cũi õt mpẽr crõng Yôr-dan hỡ toâq pỡ án. ⁶ Alói ngin lôih, chơ Yang táq batẽm yõn alói tâng crõng Yôr-dan.

⁷ Từ Yang hữm cứng cũi tẽ tốp Pha-rasi cốp tốp Sa-dusê toâq pỡ án, ẽq án táq batẽm yõn alói, ngkĩq án pai chók alói neq: “Anhia la pla ariang cusân tur. Anhia tỡ têq viaq vót tẽ Yiang Sursĩ táq anhia toâq án táq máh cũi lôih tâng tangái parsót. ⁸ Cóq anhia táq ranáq o. Nâi la tếc anhia khoi q ngin lôih lêq cõt mứt tamái ẽn. ⁹ Chõ chanchóm anhia têq viaq vót tẽ tột cũi anhia pai neq: ‘A-praham la achúc achiac hếq.’ Cứq atõng anhia samoât lứq, khân Yiang Sursĩ yoc, têq án ỉt tamáu cốp tẽng cõt tống toi q A-praham. ¹⁰ Sanua ariang pai bữn muoi pla achát payư cheq nỡm

aluang. Nỡm aléq ma tỡ bữn cõt palâi o noau ẽ tamư, chơ sarpút tâng ùih. ¹¹ Cựq táq batẽm yỗn anhia na dỡq, la táq tếc anhia ngin lôih lêq cõt mút tamái ẽn. Ma án ca toâq ntun cứq, án ki bữn chớq clũi tẽ cứq. Cựq tỡ bữn dũ chớq dếh ayẽq cỡp án, yuaq chớq cứq la cacót lứq. Án ki ẽ táq batẽm yỗn anhia na Raviei Yiang Sursĩ cớp ùih. ¹² Atĩ án yống taving, chơ án u-ũm nheq tữh saro án. Aléq chong, ki án dỡq tâng sanic. Aléq hũat, ki án apống tâng ùih blữ tỡ nai pát yỗn cat nheq.”

*Yang Táq Batẽm Yỗn Yê-su
(Mac 1:9-11; Luca 3:21-22)*

¹³ Bo ki Yê-su loõh tẽ cruang Cali-lê pỡq chu crõng Yờ-dan, yuaq án ẽq Yang táq batẽm yỗn án. ¹⁴ Ma Yang suon tỡ ẽq táq batẽm yỗn án. Yang pai neq: “Pĩeiq lứq la anhia táq batẽm yỗn cứq. Cỗ nỡq anhia toâq pỡ cứq ẽq cứq táq batẽm yỗn anhia?”

¹⁵ Ma Yê-su ta-ỡi loah bỗq Yang neq: “Sanua cóq mới táq batẽm yỗn cứq. Ngkíq, hái cóq táq dũ ramứh Yiang Sursĩ ớn hái táq.”

Moâm Yê-su pai ngkíq, chơ Yang táq batẽm yỗn Yê-su.

¹⁶ Moâm Yê-su roap batẽm, chơ án chõn tẽ dỡq. Chơ paloõng samoât riang noau pớh, cớp Yê-su hữm Raviei Yiang Sursĩ sễng tẽ paloõng ariang chóm tariap, chơ póc tâng tỗ án. ¹⁷ Muoi prớh ki bữn sường Yiang Sursĩ sabau atõng tẽ

paloõng neq: “Nâi la Con cứq, án ca cứq ayooq lứq. Ntróu án táq, la cứq bũi pahõm nheq.”

4

Yiang Satan Chim Yê-su Ê Radững Án Táq Lôih (Mac 1:12-13; Luca 4:1-13)

¹ Vót ki Raviei Yiang Sursĩ dững Yê-su pởq chu ntốq aiq, yõn yiang Satan chim Yê-su ẽ radững án táq ranáq lôih. ² Yê-su ót sana nheq pỗn chít tangái pỗn chít sadâu. Vót ki án sâng panhieih lứq. ³ Chơ yiang Satan toâq toâp pỗ Yê-su, cốp pai neq: “Khân mới lứq Con Yiang Sursĩ, âu mới táq máh tamáu nâi yõn cữt crơng sana.”

⁴ Ma Yê-su ta-ỡi án neq: “Tâng tâm saráq Yiang Sursĩ khoiq chĩc neq:

‘Cũai tỡ bữn tamoong cỗ nhơ tẽ cha crơng sana sâng,

ma cũai bữn tamoong cỗ nhơ tẽ dũ santoiq loõh tẽ bỗq Yiang Sursĩ.’ ”✧

⁵ Vót ki yiang Satan dững Yê-su mut tâng vil Yaru-salem, la vil miar khong Yiang Sursĩ. Án yõn Yê-su chõn tayứng tâng anũol Dõng Sang Toâr, ⁶ cốp án pai neq: “Khân mới lứq Con Yiang Sursĩ, âu mới pỡng asẽng, yuaq tâm saráq Yiang Sursĩ khoiq chĩc neq:

‘Yiang Sursĩ lứq ớn máh ranẽng án tẽ paloõng bán kĩaq níc mới.

Alóí lứq dỡ mới toâq atĩ alóí,

✧ 4:4 4:4 Patâp Loah 8:3

tở yõn ayũng mới cõt bớc chũl ntrầu tâng tamáu.’ ”✧

⁷ Ma Yê-su ta-õi loah án neq: “Ma lứq tâng tâm saráq Yiang Sursĩ án khoi q pai neq tê:

‘Anhia chõih chim Yiang Sursĩ, Ncháu anhia.’ ”✧

⁸ Chơ yiang Satan dũng Yê-su chõn tâng cóh sarõih lứq ẽn. Án sapáh yõn Yê-su hũm nheq máh cruang sớt, cruang toâr cốp dũ ramứh chóc tâng cutẽq nãi. ⁹ Cốp án atõng Yê-su neq: “Nheq tửh ramứh nãi cứq ẽ chiau yõn mới, khân mới sacõh racól sang cứq.”

¹⁰ Yê-su ta-õi án neq: “Mới priang yong tẽ nãi, yiang Satan. Yuaq tâng tâm saráq Yiang Sursĩ khoi q chĩc chơ neq:

‘Cóp anhia sang toam Yiang Sursĩ la Ncháu anhia,

cốp táq ống ranáq án sâng.’ ”✧

¹¹ Chơ yiang Satan loõh toáp tẽ Yê-su, cốp ranẽng Yiang Sursĩ tẽ paloõng toáq chuai Yê-su.

Yê-su Tabỏq Táq Ranáq Án Tâng Cruang Cali-lê

(Mac 1:14-15; Luca 4:14-15)

¹² Toáq Yê-su sâng noau khoi q cốp Yang, ngkíq án pỏq pỏ cruang Cali-lê. ¹³ Moâm án loõh tẽ vil Na-sarết, chơ án mut õt tâng vil Cabê-na-um ẽn. Vil nãi õt tâng tor dỏq mut, cheq raloan cruang Sa-bulôn cốp cruang Nep-tali. ¹⁴ Án táq ngkíq yõn cõt rapĩei q máh parnai Ê-sai, la cũai tang bỗq Yiang Sursĩ ¹⁵ khoi q pai neq:

✧ 4:6 4:6 Ûat Khẽn 91:11-12 ✧ 4:7 4:7 Patáp Loah 6:16 ✧ 4:10 4:10 Patáp Loah 6:13

“Cruang Sa-bulôn cốp cruang Nep-tali ơi!
 Cruang anhia ốt yáng tooh crông Yô-dan,
 bân rana pởq chu clóng Cali-lê.
 Cruang Cali-lê bữn cũai tở cởn cũai I-sarel
 ốt.

16 Mách cũai ca ốt tâng nốq canám,
 alóí bữn hữm ọc poang tránh lứq.
 Cốp mách cũai ốt tâng nốq cuchĩt,
 alóí bữn hữm poang claq chu alóí.”*✧

17 Noap tễ ki, Yê-su tabởq atông tễ ngê Yiang
 Sursĩ. Án atông neq: “Cóq anhia ngin lờih lêq
 cởt mút tamái ễn, yuaq cheq chơ Yiang Sursĩ táq
 sốt.”

*Yê-su Ớn Pởn Náq Ca Chuaq Sĩaq Puai Án
 (Mac 1:16-20; Luca 5:1-11)*

18 Bo Yê-su pởq mpễ tor clóng Cali-lê, án hữm
 bar náq sễm ai, Si-môn (noau đởq Phi-er) cốp
 Anrê. Alóí ki ốt yoang alieiq tâng clóng, yuaq
 alóí la cũai táq ranáq chuaq sĩaq. 19 Yê-su pài
 chóq alóí neq: “Anhia puai cứq, chơ cứq táq yỗn
 anhia cởt cũai chuaq cũai samoât anhia chuaq
 sĩaq tê.”

20 Bo ki toáp alóí táh alieiq; chơ alóí puai Yê-su.

21 Yê-su pởq bĩq ễn; chơ án hữm bar náq sễm
 ai canỏh ễn ramứh Yacở cốp Yang. Alóí bar náq
 ốt clam loah alieiq tâng tuoc parnỏi cốp mpoaq
 alóí, ramứh Sê-badê. Yê-su arô bar náq sễm ai

* **4:16** 4:16 Nốq canám cốp nốq cuchĩt là sacâm tễ cũai tở yũah
 dáng tễ ngê Yiang Sursĩ. Ma poang claq chóq alóí, yỗn alóí dáng
 tễ ngê Yiang Sursĩ tê. ✧ **4:16** 4:16 Ê-sai 9:1-2

ki. ²² Bo ki toâp alóí bar náq táh tuoc, cóp pờq tễ mpoaq alóí, chơ puai Yê-su.

Yê-su Atỡng Cóp Táq Bán Máh Cũai A-ĩ
(Luca 6:17-19)

²³ Yê-su pờq chũop cruang Cali-lê atỡng tâng máh đống sang cũai I-sarel parnai o tễ Yiang Sursĩ táq sốt. Cóp án táq bán máh cũai tễ đũ ramứh alóí a-ĩ. ²⁴ Máh ranáq Yê-su táq cốt parhan đũ nốq tâng cruang Si-ri. Cóp noau đưng pờ án chững cũai ca bữn sa-ũĩ ramứh a-ĩ neq: a-ĩ tráuq, yiang sâuq payốh, a-ĩ yúh cusong, cóp a-ĩ coang tồ. Yê-su táq bán nheq tữh cũai a-ĩ ki. ²⁵ Ngkíq chững lứq cũai puai Yê-su. Alóí toâq tễ cruang Cali-lê, cruang De-ca-palot, vil Yaru-salem, cruang Yudê, cóp cruang yáng tooh crống Yờ-dan hỡ.

5

Yê-su Atỡng Bo Ớt Tâng Cóh
(Luca 6:20-23)

¹ Toâq Yê-su hữm chững lứq cũai ớt ngki, án chồn tâng cóh; chơ án tacu. Tồp rien tễ án tacu cheq án. ² Chơ Yê-su tabỏq atỡng alóí neq:

³ “Bốn lứq cũai aléq ngin mút pahồm alóí tỡ bữn o ntróu,

yuaq Yiang Sursĩ cốt sốt tâng mút pahồm alóí.

⁴ Bốn lứq cũai aléq sâng ngua tâng dời nâi, yuaq nữ-ra Yiang Sursĩ toâp aliam alóí.

⁵ Bốn lứq cũai aléq bữn mút lamên,

- yuaq nỡ-ra Yiang Sursĩ yõn alói ndõm cõc cutẽq nãi.
- 6 Bõn lứq cũai aléq ẽr áiq yoc ẽ táq ranáq tanõang o,
yuaq nỡ-ra Yiang Sursĩ yõn alói bữn ariang pahõm alói yoc.
- 7 Bõn lứq cũai aléq sâng ayooq táq cũai canõh,
yuaq nỡ-ra Yiang Sursĩ sâng ayooq táq alói tẽ.
- 8 Bõn lứq cũai aléq bữn mút pahõm tỡ bữn lôih ntróu,
yuaq nỡ-ra alói bữn hữm Yiang Sursĩ.
- 9 Bõn lứq cũai aléq radững ốc ratoì,
yuaq nỡ-ra Yiang Sursĩ đõq cũai ki la con acái án.
- 10 Bõn lứq cũai aléq ramóh máh ramứh túh coat cõ tian alói puai ngê Yiang Sursĩ,
yuaq nỡ-ra alói bữn ndõm ntõq Yiang Sursĩ sõt tâng paloõng.
- 11 “Bõn lứq anhia toáq cũai canõh sieu anhia, táq anhia, cớp tũn anhia táq nheq máh ốc sâuq, cõ anhia puai ngê cứq. 12 Cớq anhia ốt bũi cớp ốn chỡ, yuaq nỡ-ra anhia bữn kia sa-ũĩ tâng paloõng. Yuaq máh cũai tang bõq Yiang Sursĩ tẽ mbõq khoiq chũuq noau táq alói machớng anhia tẽ.”

Yê-su Atõng Tẽ Boi Cớp Ốc Poang
(Mac 9:50; Luca 14:34-35)

- 13 “Anhia la samoát riang boi yõn cũai canõh ốt tâng cõc cutẽq nãi. Ma khân boi cõt ntiah, nõq ẽ táq yõn cõt báq loah? Lứq tỡ tẽq táq ntróu nõng boi ki. Háì tồh táh yõn cũai tĩn chíq.

14 “Anhia la samoât riang poang claḡ yõn nheḡ cũai tâng cõc cutẽḡ nâi. Anhia la samoât riang muoi vil toâr tâng anũol cóh. Tõ bữn noau têḡ capáng chíḡ poang tẽ vil ki. 15 Machóng ki tê, tõ bữn noau tacât chóp tóu, chơ catúp chóc khang. Ma lứḡ noau đõḡ tâng rông yõn poang claḡ chu nheḡ tữh cũai tâng đõḡ. 16 Machóng ki tê, anhia cóḡ yõn poang tẽ anhia claḡ yõn cũai canõh hữm. Ngkíḡ toâḡ alóí hữm máh ranáḡ o anhia táḡ, alóí lứḡ khẽn Mpoaḡ anhia tâng paloõḡ.”

Yê-su Atõng Tẽ Phễḡ Rit Mõi-se Yõn

17 “Anhia chõi chanchóm cứḡ toâḡ pữ nâi ẽ pupứḡ chíḡ phễḡ rit Mõi-se, tõ la ngê máh cũai tang bõḡ Yiang Sursĩ tẽ mbõḡ. Cứḡ tõ bữn toâḡ ẽ pupứḡ ngê ki, ma cứḡ toâḡ ẽ yõn ngê ki cõt rapĩeiḡ. 18 Cứḡ atõḡ anhia samoât lứḡ, khân noâng bữn paloõḡ cớḡ cutẽḡ, lứḡ tõ bữn pứḡ muoi óc ntróu tẽ phễḡ rit nâi toau sõt nheḡ đõi. 19 Ngkíḡ, khân cũai aléḡ táh muoi óc ntróu tẽ phễḡ rit ki cớḡ atõḡ cũai canõh yõn táh tê, cũai ki tõ têḡ cõt sõt ntróu tâng tốp Yiang Sursĩ sõt. Ma cũai aléḡ ma trĩh phễḡ rit ki cớḡ atõḡ yõn cũai canõh trĩh tê, cũai ki cõt sõt lứḡ tâng tốp Yiang Sursĩ sõt. 20 Ngkíḡ cứḡ atõḡ anhia, khân anhia yoc ẽ mut tâng tốp Yiang Sursĩ sõt, anhia cóḡ puai ngê Yiang Sursĩ yõn o clữi tẽ máh cũai yõḡḡ rit cớḡ máh cũai Pha-rasi.”

*Yê-su Atông Tê Cũai Mút Nsóq
(Luca 12:57-59)*

21 “Anhia khoiq sâng chơ noau atông tể mbỏq neq:

‘Anhia chõih cachĩt cũai.

Cũai aléq ma cachĩt cũai canõh,
noau lứq sữq án.’[✧]

22 Ma cứq atông anhia neq: Khân cũai aléq sâng nsóq mút chóq sểm ai án, Yiang Sursĩ lứq sữq cũai ki. Aléq ralõih cớq sểm ai, cớq pai sểm ai án neq: ‘Mớih sacũl lứq,’ ki tềq cũai tâng đống sang parchĩn. Ma cũai aléq báih cớq pupap sểm ai án, cũai ki Yiang Sursĩ apõng tâng pống sarloac.

23 Ngkíq, khân anhia đưng cớng ẽ chiau sang yõn Yiang Sursĩ pữ prông sang, ma anhia sanhữ loah sểm ai anhia noâng ùan cớq anhia, ²⁴ cóq anhia đợq cớng sang ki tâng đống sang. Chơ cóq anhia pĩh chu ra-o loah cớq sểm ai anhia voai. Ki nớq anhia chiau sang cớng yõn Yiang Sursĩ.

25 “Toâq anhia ralõih cớq cũai canõh, cớq cũai ki ẽ đưng anhia pữq ramóh cũai sớt, cóq anhia pruum ratoih loah bo anhia tữ yũah toâq pữ cũai sớt. Khân anhia tữ bữn pruum ratoih cháih, cõh lơ cũai sớt ki đưng anhia toâq pữ cũai sớt hỡn ẽn yõn án rasữq anhia. Ngkíq cũai sớt ki ẽ chiau anhia yõn noau kháng anhia tâng cuaq tữ.

26 Anhia tữ tềq loõh tể cuaq toau anhia culáh đũ nheq máh práq cũai sớt ki pai.

✧ 5:21 5:21 Loõh Tể Ê-yip-tô 20:13; Patáp Loah 5:17

Yê-su Atông Tê Cũai Cooc Lacuoi Tờ La Cayac Noau

²⁷ “Anhia khoiq sâng noau atông neq:
 ‘Chôi cooc lacuoi tờ la cayac cũai canõh.’[☆]
²⁸ Ma cứq atông anhia neq: Cũai aléq ma nhêng chu cũai mansẽm cớp mút pahõm án chanchóm yoc ẽ bữn mansẽm ki, lôih mút pahõm cũai ki la machóng án khoiq cooc mansẽm ki chơ. ²⁹ Khân ốc moat anhia ma dững anhia táq lôih, cóq anhia culáiq táh chíq ốc moat ki. O hỡn anhia pút ốc moat anhia sâng, saláng anhia pút nheq tở chác tâng pống sarloac. ³⁰ Cớp khân atĩ anhia ma dững anhia táq lôih, cóq anhia cớh voang chíq atĩ ki. O hỡn anhia pút atĩ sâng, saláng anhia pút nheq tở chác tâng pống sarloac.

*Yê-su Atông Tê Cũai Táh Lacuoi
 (Mathia 19:9; Mac 10:11-12; Luca 16:18)*

³¹ “Bữn noau khoiq chĩc neq:
 ‘Cũai aléq ma yoc táh lacuoi án,
 án cóq táq choaiq ratáh yõn lacuoi.’[☆]
³² Ma cứq atông anhia neq: Khân cũai aléq táh lacuoi án ma lacuoi án tờ bữn bẻq parnơi cớp samiang canõh, cũai ki táq yõn lacuoi án cớt lôih khân án ít cayac tamái. Cớp cũai canõh noap án bữn lôih samoat riang án cooc lacuoi noau.

Yê-su Atông Tê Cũai Thẽ Dũan

³³ “Anhia khoiq sâng chơ noau pai tẽ mbốq neq:

[☆] **5:27** 5:27 Loõh Tê Ê-yip-tô 20:14; Patâp Loah 5:18 [☆] **5:31** 5:31 Patâp Loah 24:1

‘Khân anhia thẽ dũan ntróu ma taléq ramúh
Yiang Sursĩ,
ki anhia tở têq táh.’✧

³⁴ Ma cứq atõng anhia neq: Khân anhia ẽ pruan
ntróu, anhia chõ taléq ramúh ntróu. Chõ taléq
paloõng, yuaq paloõng la ntóq Yiang Sursĩ õt.

³⁵ Chõ taléq cóc cutẽq, yuaq cutẽq la Yiang Sursĩ
toáp ndõm. Chõ taléq vil Yaru-salem, yuaq
vil ki la vil Yiang Sursĩ, án ca Puo Sõt Toâr.

³⁶ Cóp anhia chõ taléq dẽh plõ sóc anhia, yuaq
anhia tở têq táq muoi ntreh sóc cloc tở la cũm.

³⁷ Khân pĩeiq, ki anhia pai ‘Pĩeiq.’ Khân tở pĩeiq,
ki anhia pai ‘Tở pĩeiq.’ Khân anhia pai sa-ũĩ
santoiq canõh, ỏc ki toáq tẽ yiang Satan.

*Yê-su Atõng Tẽ Cũai Carláh Dõq
(Luca 6:29-30)*

³⁸ “Anhia khoiq sâng chơ noau pai neq:
‘Moat pláih loah moat;
canẽng pláih loah canẽng.’✧

³⁹ Ma cứq atõng anhia neq: Chõ carláh dõq chóc
cũai táq anhia. Khân noau tapáh rêng báng
anhia coah atoam, ki cóq anhia sato yõn án tapáh
coah avêr hỡ. ⁴⁰ Khân noau dũng anhia toáp
ramóh cũai sũq cõ yoc ẽ ãt au tâng clõng tẽ tở
anhia, ki anhia tũot dẽh au tuar yáng tiah hỡ,
chơ yõn pỡ án. ⁴¹ Khân noau ẽp anhia yõn pỡq
muoi ki-lô-mết, ki cóq anhia pỡq loáng bar ki-
lô-mết cóp án. ⁴² Khân cũai aléq sũq ntróu tẽ

✧ **5:33** 5:33 Ngh Proai 30:2 ✧ **5:38** 5:38 Loõh Tẽ Ê-yip-tô 21:24;
Lê-vi 24:20; Patáp Loah 19:21

anhia, anhia yõn án aki. Cóp khân cũai aléq yoc
ẽ mian ntróu tẽ anhia, ki anhia yõn án mian.

Yê-su Atõng Cóg Ayooq Máh Cũai Par-ũal
(Luca 6:27-28, 32-36)

⁴³ “Anhia khoiq sâng chơ noau pai neq:
'Cóg anhia ayooq yóu anhia,
cóp kêt cũai ca yoc ẽ táq anhia.’[✧]

⁴⁴ Ma cứq atõng anhia neq: Cóg anhia ayooq
máh cũai yoc ẽ táq anhia, cóp cóq anhia câu yõn
cũai ca táq túh coat anhia. ⁴⁵ Táq ngkíq anhia lứq
cốt con acái Mpoaq anhia tâng paloõng. Yuaq án
yõn moat mandang án claq pữ cũai o cóp cũai
loài. Cóp án yõn mia rooh cũai tanoang o, cóp
cũai tở bữn tanoang o. ⁴⁶ Khân anhia ayooq ống
cũai ayooq anhia sâng, ki ntróu Yiang Sursĩ yõn
anhia bữn cóng? Lứq samoât, cũai ít práq thẽq
la táq machóng ki tê. ⁴⁷ Cóp khân anhia tabõp
tabéh o ống sểm ai anhia sâng, ki anhia tở bữn
salẽh ntróu tẽ cũai canõh. Dẽh cũai tở nai sâng
tẽ Yiang Sursĩ la táq machóng ki tê. ⁴⁸ Ngkíq,
cóq anhia bữn mút pahõm samoât Mpoaq anhia
tâng paloõng, án tở bữn ốq muoi ramứh o ntróu.

6

Yê-su Atõng Tẽ Chuai Máh Cũai Cadĩt

¹ “Cóg anhia nhêng samoât! Toáq anhia táq
ranáq Yiang Sursĩ, anhia chõĩ táq yáng moat cũai
ẽq noau hữm. Khân anhia táq ngkíq, Mpoaq

[✧] 5:43 5:43 Lê-vi 19:18

anhia tâng paloõng tở bữn yõn cớng tễ ranáq anhia táq.

² “Toâq anhia ẽ chuai cũai cadĩt, anhia chõĩ apáh yõn cũai canõh dáng, ẽq noau khễn anhia. Sa-ũĩ náq cũai đốq táq ngkíq tâng đống sang cớp tâng rana. Alóĩ ẽq lứq cũai canõh hữm cớp khễn alóĩ. Ma cứq atõng anhia samoât lứq, alóĩ ki khoiq bữn chơ cớng alóĩ. ³ Ma toâq anhia ẽ chuai cũai cadĩt, cóq anhia táq rangiac, chõĩ yõn cũai canõh hữm.* ⁴ Lứq anhia táq rangiac, ma Mpoaq anhia tâng paloõng hữm máh ranáq anhia táq, cớp án yõn anhia bữn cớng tễ máh ranáq anhia táq.

*Yê-su Atõng Tễ Parnai Câu
(Luca 11:2-4)*

⁵ “Toâq anhia câu, anhia chõĩ tũoiq cũai ca táq nan sâng. Cũai ki đốq tayúng câu tâng đống sang cớp tâng rana, ẽq cũai hữm alóĩ câu, chơ khễn alóĩ. Cứq atõng anhia samoât lứq, alóĩ ki khoiq bữn chơ cớng tễ ranáq alóĩ táq. ⁶ Ma toâq anhia câu, cóq anhia mut tâng clống miar cớp catáih toong. Ồt nốq ki anhia câu pở Mpoaq anhia, ca anhia tở bữn hữm. Ma lứq án hữm anhia câu tâng nốq clốp ki, cớp án culáh cớng yõn anhia.

⁷ “Toâq anhia câu, anhia chõĩ câu alứp-adữq tở cõt ốc ariang cũai tở bữn dáng ngê Yiang Sursĩ. Alóĩ chanchóm cóq câu sa-ũĩ santoiq nốq tềq

* **6:3** 6:3 Tâng parnai Créc rana nâi pai neq: ‘Chõĩ yõn aĩ avèr dáng aĩ atoam táq ntrầu.’

Yiang Sursĩ sâng. ⁸ Anhia chỗi táq riang alói ki. Lứq Mpoaq anhia tâng paloông dáng chơ ramứh ntrớu anhia ốq tễ nhũang anhia tỡ yũah sễq tễ án.

⁹ “Ngkíq toâq anhia câu cóq anhia câu neq: ‘Cucốh Mpoaq hếq ốt tâng paloông! Sễq anhia yỗn nheq tữh cũai yám noap ramứh anhia.

¹⁰ Sễq anhia cốt sốt nheq tữh cũai tâng cutễq nâi. Cóp sễq anhia yỗn noau trĩh ngê anhia tâng cutễq nâi
machống noau trĩh ngê anhia tâng paloông tê.

¹¹ Sễq anhia yỗn hếq khám cha tangái nâi.

¹² Sễq anhia táh lôi hếq,
machống hếq táh lôi noau táq chók hếq.

¹³ Sễq anhia chỗi yỗn hếq ramóh ốc chim ntâng lứq,
cóp chỗi yỗn yiang Satan radững hếq táq ranáq sâuq.

Yuaq nheq ramứh sốt, nheq ramứh chóc, cóp nheq ramứh ang-ữr ốt níc cóp anhia, sốt dời lơi cumo. Amen.†

¹⁴ “Khân anhia táh lôi cũai canốh táq chók anhia, Mpoaq anhia tâng paloông táh tê lôi anhia táq. ¹⁵ Ma khân anhia tỡ bữn táh lôi cũai canốh táq chók anhia, Mpoaq anhia tâng paloông tỡ bữn táh tê lôi anhia táq.

Yê-su Atỡng Tễ Ót Sana

† 6:13 6:13 Bữn choàiq tiaq ca tỡ bữn bữn parnai parsốt nâi

16 “Toâq anhia ót sana ẽ sang Yiang Sursĩ, anhia chõĩ táq moat múh churq ngõq riang cũai táq nan sâng. Alói ki táq yõn moat múh alói churq ẽq cũai canõh dáng alói ót sana. Cúq atõng anhia samoât lúq, alói ki khoiq bữn roap chơ cóng tẽ ranáq alói táq. 17 Ma toâq anhia ót sana ẽ sang Yiang Sursĩ, cóq anhia culĩaq moat múh cóp siet sóc pòi. 18 Chõĩ yõn cũai canõh dáng anhia ót sana. Ma óng Mpoaq anhia toâp, án ca anhia tở bữn hữm, án hữm máh ranáq cõp anhia táq. Cóp án culáh cóng tẽ máh ranáq anhia táq.

Yê-su Atõng Tẽ Cũai Sốc
(Luca 12:33-34)

19 “Anhia chõĩ parõm pachúm sanốc ntữn tâng dõĩ nâi, yõn lamooch cóp saréh cha, cóp savẽng dõq mut tutuoiq. 20 Ma cóq anhia pachúm mun tâng paloõng, la nốq tở bữn lamooch cóp saréh cha, cóp tở bữn savẽng mut tuoiq ít. 21 Yuaq nốq aléq anhia dõq máh mun anhia, mút pahõm anhia õt chanchóm níc chu nốq ki.

Yê-su Sacâm Ốc Poang Tâng Tõ Cũai
(Luca 11:34-36)

22 “Moat cũai la samoât riang tabong yõn tở. Khân moat anhia ma hữm, ki nehq tở anhia cõt poang tê. 23 Ma khân moat anhia cõt sỡm, nehq tở anhia cõt canám til-nhil tê. Cóp khân ngê anhia chanchóm poang, ma tở bữn lúq poang, ki anhia cõt canám lúq lơ.

Yê-su Atõng Tẽ Cờng Cróu Cũai
(Luca 16:13; 12:22-31)

24 “Lứq tở bữn cũai aléq ma têq cõt sũl yõn bar náq ncháu. P̄ieiq án kêt ncháu nâi, ma ayooq ncháu ki, tở la án yám ncháu nâi, ma mumat ncháu ki.

“Machõng ki tê anhia tở têq puai ngê Yiang Sursĩ p̄riap cốp ngê ham sanốc tâng dõi nâi.

25 “Yuaq ngkíq cứq atõng anhia, chõĩ clong tẽ sana anhia ẽ cha, dõq anhia ẽ nguaiq, cốp tampác anhia ẽ tâc. Lứq samoât, hái bữn tamooing la toâr hõn tẽ hái bữn sana cha. Cốp hái bữn tở chác la toâr hõn tẽ hái bữn tampác tâc. 26 Anhia nhêng chu máh chõm pâr tâng paloõng. Án tở bữn choat choi, tở bữn sot, cốp tở bữn parõm dõq sana ntróu tâng dõng. Ma lứq Mpoaq anhia tâng paloõng chũm siem án. Casõn anhia, Yiang Sursĩ paséq hõn tẽ máh chõm. 27 Tở bữn cũai aléq ma têq to anhúq án yõn cõt cuti hõn cõ tẽ án clong la-õq.

28 “Cốp nõq anhia ma lua cút la-õq tẽ máh tampác tâc? Anhia nhêng chu piar bát. Piar ki tở bữn túh táq ranáq ntróu tẽ tampác tâc. 29 Ma cứq atõng anhia samoât lứq, puo Sa-lamôn ca sốc lứq, án tở bữn sóp tampác nêuq ìn piar nâi. 30 Lứq Yiang Sursĩ toáp yõn piar bát cõt nêuq. Ma piar ki tamooing mahõĩ sâng. Tangái nâi án cháh; tangái parnõ án rangôm. Lứq samoât, clũĩ tẽ piar ki Yiang Sursĩ yõn anhia bữn tampác tâc. Cõ nõq anhia sa-âm bĩq lứq?

31 “Ngkíq anhia chõĩ clong, cốp pai neq: ‘Nõq hái ẽ táq yõn bữn sana cha, bữn dõq nguaiq, tở la bữn tampác tâc tâng tangái ntun?’

³² Máh ramúh nâi, cũai tở bữn dáng Yiang Sursĩ đốq công. Ma Mpoaq anhia tâng paloong khoiq dáng chơ, anhia cóq bữn máh ramúh ki. ³³ Nhữang lứq, cóq anhia chuaq Yiang Sursĩ yỗn cõt sốt tâng mút pahõm anhia cóp chuaq ngê tanoang o tễ án. Chơ án lứq chuai anhia bữn máh ramúh ki. ³⁴ Ngkíq anhia chõỉ công ntrầu tễ tangái parnỡ. Parnỡ la pún parnỡ. Túh coat tangái léq, anhia chĩuq tangái ki.

7

Yê-su Atõng Manoaq Chõỉ Tểq Manoaq (Luca 6:37-38, 41, 42)

¹ “Anhia chõỉ tểq cũai canõh, đốq Yiang Sursĩ tở bữn tểq loah anhia. ² Yuaq maléq anhia tểq cũai canõh, ki Yiang Sursĩ tểq loah anhia máh ki tê. Cóp maléq anhia noap lôih yóu, ki Yiang Sursĩ noap lôih anhia máh ki tê. ³ Nốq anhia hữm brếh tâng moat yóu, ma anhia tở bữn dáng khlểc pian catáng moat anhia? ⁴ Cóp nốq anhia clốq pai chóq yóu neq: ‘Yỗn cứq taváih ít chíq brếh tể moat mới,’ ma anhia tở bữn dáng khlểc pian sadal chíq moat anhia? ⁵ Anhia la cũai ểm bĩq parnai sâng! Cóq anhia ít chíq khlểc pian tể moat anhia voai. Ki nốq tềq anhia hữm raloaih, cóp tềq ít brếh tể moat yóu.

⁶ “Anhia chõỉ ít công miar khong Yiang Sursĩ, chơ yỗn chíq acho. Cóp chõỉ ít công ngoaih, chơ yỗn chíq alic. Máh charán ki tở dáng pasếq. Moâm án tĩn sapiar công ki, chơ án pĩh loah cáp anhia.”

*Yê-su Ởn Cóg Sẻq, Chuaq, Cóp Cucỏq
(Luca 11:9-13)*

⁷ “Khân anhia sẻq, ki anhia bữn. Khân anhia chuaq, ki anhia ramóh. Khân anhia cucỏq toong, ki noau pớh yỏn. ⁸ Yuaq dũ náq cũai ca sẻq, ki án bữn. Alẻq chuaq, ki án ramóh. Alẻq cucỏq toong, ki noau pớh yỏn. ⁹ Máh anhia ca bữn con chớ, khân con anhia sẻq bẻng, ki anhia yỏn án tamáu tở? ¹⁰ Cóp khân án sẻq sĩaq, ki anhia yỏn án cusân tở? ¹¹ Anhia la moang cũai loài, ma noâng anhia dáng yỏn cớng o pờ con anhia. Casởn Mpoaq anhia tâng paloỏng, án lứq yỏn cớng o hỡn tẻ ki ẻn, khân cũai sẻq tẻ án.

¹² “Ngkỉq máh ranáq ntrớu anhia yoc cũai canỏh táq chỏq anhia, cóq anhia táq machớng ki tẻ chỏq alới. Táq ngkỉq, anhia puai samoát samới máh phẻp rit Yiang Sursỉ patáp na Mỏi-se, cóp na cũai tang bỏq án.”

*Yê-su Atởng Tẻ Toong Cóp Rana Hẻp
(Luca 13:24)*

¹³ “Cóg anhia mut ngoah toong hẻp, yuaq toong la-a cóp rana toâr, ki pỏq chu pớng sarloac. Clứng cũai rườh pỏq rana ki. ¹⁴ Ma ngoah toong hẻp cóp rana coat, ki pỏq chu ntỏq tamỏng. Mỏ bỉq náq cũai ramóh rana ki.”

*Yê-su Atởng Tẻ Aluang Cóp Palài
(Luca 6:43-44)*

¹⁵ “Cóg anhia nhẻng samoát, ngcỏh bữn cũai táq nan tang bỏq Yiang Sursỉ toâq pờ anhia. Roâp alới la samoát charán cũu ma mút pahỏm

alóí la samoât acho cruang, pla lúq. ¹⁶ Têq anhia saccoal alóí toâq anhia hũm máh ranáq alóí táq. Nõm sarlia tacõng tõ nai cõt palâi nho. Cóp nõm sarlia cáng tõ nai cõt palâi tarúng. ¹⁷ Aluang o cõt palâi o, cóp aluang sâuq cõt palâi sâuq. ¹⁸ Aluang o tõ têq cõt palâi sâuq, cóp aluang sâuq tõ têq cõt palâi o. ¹⁹ Aluang aléq tõ bũn cõt palâi o, ki noau poâiq, chơ sarpút táng ùih. ²⁰ Machóng ki tê, anhia têq saccoal cũai táq nan tang bõq Yiang Sursĩ toâq anhia hũm máh ranáq alóí táq.”

*Yê-su Pai Tõ Bũn Dũ Náq Têq Mut Tânq Ntõq
Yiang Sursĩ Sõt
(Luca 13:25-27)*

²¹ “Tõ bũn dũ náq đõq cứq Ncháu ma têq mut tânq ntõq Yiang Sursĩ sõt tânq paloõng. Ông alóí ca táq puai rangũh Mpoaq cứq tânq paloõng toâp têq mut. ²² Toâq tangái ki, bũn sa-ũĩ cũai pai chóq cứq neq: ‘Ncháu ơi! Ncháu ơi! Nơ ramứh anhia hếq atõng parnai Yiang Sursĩ. Nơ ramứh anhia hếq tuih yiang sâuq cóp táq sa-ũĩ ranáq salẽh.’ ²³ Ma cứq ta-õĩ alóí neq: ‘Cứq tõ bũn dáng anhia. Anhia põq chíq tẽ nâi. Anhia la cũai táq ranáq sâuq.’ ”

*Yê-su Atõng Tẽ Táq Dõng Tânq Tamáu Tõ La
Tânq Chũah
(Luca 6:47-49)*

²⁴ “Ngkíq, cũai aléq tamúng cóp trĩh parnai cứq atõng nâi, án la samoât cũai rangoaiq patúng dõng tânq tamáu lancar. ²⁵ Toâq mia choân, đõq ralôq, cóp cuyal rapuq hâp, ma dõng

ki tung tờ bữn dóm, yuaq cũai patúng đồng tâng tamáu. ²⁶ Ma cũai aléq tamúng santoiq cúq, ma án tờ bữn trĩh parnai ki, án ki la samoát cũai sacũl patúng đồng tâng chũah. ²⁷ Toâq mia choân, đõq ralôq, cốp cuyal rapuq hâp, đồng ki sarũq cõt ralốh nheq!”

Máh Cũai Ca Tamúng Yê-su Atõng Sâng Dót Lứq

²⁸ Moâm Yê-su atõng máh parnai ki, máh cũai cứng õt mpẽr ki sâng dót lứq tẽ parnai án atõng, ²⁹ yuaq án atõng ariang án la cũai bữn chóc lứq, cốp tờ bữn ariang cũai yõng rit đõq atõng.

8

*Yê-su Táq Bán Cũai A-ĩ Tut
(Mac 1:40-45; Luca 5:12-16)*

¹ Toâq Yê-su sễng tẽ cóh, bữn cứng cũai puai ntun clĩ án. ² Bữn manoaq samiang a-ĩ tut toâq sacõh racól choâng moat Yê-su, cốp pai neq: “Ncháu ơi! Khân Ncháu yoc, Ncháu têq táq yõn cúq cõt bán.”

³ Yê-su satoaq atĩ tâng cũai a-ĩ ki, cốp pai neq: “Cúq yoc. Yõn mới cõt bán.”

Bo ki toâp cũai a-ĩ tut cõt bán. ⁴ Chơ Yê-su patâp án neq: “Chõi atõng yõn cũai canõh dáng tẽ ranáq nâi. Ma cóq mới pỡq apáh tở mới yõn cũai tễng rit sang Yiang Sursĩ nhêng. Chơ mới chiauh sang yõn Yiang Sursĩ máh ramứh Mõi-se patâp tẽ mbỏq. Nâi la tếc apáh yõn cũai canõh dáng mới khoiõq cõt bán chơ.”

*Yê-su Táq Bán Muoi Náq Cũai Sũl Tahan
(Luca 7:1-10)*

⁵ Bo Yê-su mut tâng vil Cabê-na-um, bữn manoaq cũai Rô-ma, án sớt muoi culám tahan, án toâq pữ Yê-su cốp sểq neq: ⁶ “Ncháu ơi! Manoaq cũai táq ranáq tâng đống cứq a-ĩ coang tráuq lứq.”

⁷ Yê-su ta-ôi án neq: “Cứq lứq pữq táq yỗn án cõt bán.”

⁸ Ma cũai sớt tahan ki pai neq: “Ncháu ơi, cứq tữ khốn pữq coâiq Ncháu yỗn mut tâng đống cứq. Ma cứq sểq Ncháu pai sâng yỗn cũai táq ranáq cứq cõt bán la dĩ chơ. ⁹ Cứq bữn cũai sớt cứq, cốp cứq cõt sớt cũai canõh tê. Khân cứq ớn cũai nâi: ‘Pữq!’ ki án pữq. Khân cứq ớn cũai ki: ‘Toâq pữ nâi!’ ki án toâq. Khân cứq ớn cũai táq ranáq cứq: ‘Táq neq!’ ki án táq.”

¹⁰ Bo Yê-su sâng santoiq ki, án sâng dót lứq. Chơ án pai chóc máh cũai ốt mpễ án neq: “Cứq atõng anhia samoât lứq, cứq tữ nai hữm noau tể cũai I-sarel ma sa-âm riang cũai nâi. ¹¹ Cốp cứq atõng anhia neq tê: Nỡ-ra bữn cứng cũai toâq tể angia mandang loõh, cốp angia mandang pát. Alói bữn tacu cha tâng nốq Yiang Sursĩ sớt tâng paloõng parnơi nững A-praham, I-sac, cốp Yacốp. ¹² Ma máh cũai I-sarel ca noau đốq proai Yiang Sursĩ, mỗ tữ bữn sa-âm, Yiang Sursĩ ẽ sarpút alói tâng nốq canám, la nốq nhiam cu-ôi pupróm cốp carũot canẽng tabang sâng túh arúc lứq.”

13 Moâm ki, Yê-su atõng cũai sõt tahan ki neq: “Mới chu pở đồng. Mách ọc mới sa-âm, ki lứq mới bữn.”

Bo ki toâp sũl cũai sõt tahan ki cõt bán.

*Yê-su Táq Bán Clứng Cũai
(Mac 1:29-34; Luca 4:38-41)*

14 Bo Yê-su mut tâng đồng Phi-er, án hữm yacán Phi-er bẻq tua cõ án a-ĩ cutâu tở. 15 Yê-su satoaq tâng tở ayoaq ki, chơ ọc cutâu cõt pút nheq. Án yuor cốp aloõh sana yõn Yê-su cha.

16 Toâq tabữ noau dững pở Yê-su clứng cũai bữn yiang sâuq payõh. Yê-su tuih aloõh yiang sâuq ki na láih parnai án. Cốp án táq bán dũ náq cũai ca a-ĩ canõh hỡ. 17 Án táq ranáq ki yõn cõt rapĩeiq máh santoiq Ê-sai, la cũai tang bõq Yiang Sursĩ, khoiq pai neq:

“Án chũuq tanhĩ ọc túh tang hái,
cốp ỉt dững nheq ramứh hái a-ĩ.”✧

*Cóq Hái Táq Nỏq Ê Puaì Ngê Yê-su Crĩt
(Luca 9:57-62)*

18 Toâq Yê-su hữm clứng cũai õt pẻn án, chơ án ón tốp rien along án coah tooh clóng. 19 Bữn manoaq cũai yõng rit toâq pở án cốp pai neq: “Thâi oĩ! Pở léq thâi pỏq, cứq puaì thâi pỏ ki tê.”

20 Ma Yê-su ta-õi án neq: “Ayoõng bữn cụp, chóm bữn sóh, ma Con Yiang Cõt Cũai tở bữn ntốq yõn án bẻq.”

21 Bữn manoaq ẽn ca rien tẽ án, pai neq: “Ncháu ơi! Yõn mpoaq cứq cuchĩt voai. Toâq moâm cứq túp mpoaq cứq, cứq lứq puai Ncháu.”

22 Ma Yê-su ta-õĩ án neq: “Mớĩ puai cứq sâng. Dõq yõn alóĩ ca tỡ bữn muoi mút cớp cứq, chửm siem alóĩ ca tỡ bữn muoi mút cớp cứq.”*

*Yê-su Sươq Cuyal Cớp Dỡq
(Mac 4:35-41; Luca 8:22-25)*

23 Chơ Yê-su chõn tâng tuoc, cớp tốp rien tẽ án puai án tẽ. 24 Vớt ki, santar bữn rapuq hập lứq táq yõn dỡq lampóh lampoâp rêng lứq tâng tuoc mán tuoc ẽ dớp. Ma bo ki Yê-su bẻq. 25 Tốp rien tẽ Yê-su pỡq amoaih án, pai neq: “Ncháu ơi! Chuai tồh! Háĩ cheq ẽ cuchĩt chơ!”

26 Yê-su ta-õĩ alóĩ neq: “Nỡq anhia ngcõh? Nỡq anhia sa-âm bĩq lứq?”

Chơ Yê-su yuor tayứng sươq cuyal cớp dỡq lampóh. Ngkĩq dỡq cớp cuyal tangút toâp. 27 Dũ náq cũai sâng dớt lứq cớp pai neq: “Nỡq cũai nài? Dẻh cuyal rapuq cớp dỡq lampóh ma tẻq án!”

Yê-su Táq Bán Bar Náq Ca Bữn Yiang Sâuq Payõh

(Mac 5:1-20; Luca 8:26-39)

28 Toâq Yê-su clong toâq coah tooh clóng ki, án mut tâng cruang Yê-rasê.† Án ramóh bar náq cũai bữn yiang sảuq payõh ntỏm loỏh tẻ clỏm cumuiq. Alóĩ tachoât lứq; cớp tỡ bữn noau khỏn

* 8:22 8:22 Tâng parnai Créc, santoiq Yê-su pai ki la: ‘Dõq yõn cũai cuchĩt túp cũai cuchĩt.’ † 8:28 8:28 Bữn noau dỡq ramứh ntỏq nài la Ca-dara.

pha ntốq alóí ốt. ²⁹ Bo alóí hữm Yê-su, alóí hễ casang lứq neq: “O Con Yiang Sursĩ ơ! Ntróu anhia yoc ẽ táq chóc hếq? Hếq tở yũah ngư chũuq tởiq bap. Ma anhia ẽ táq yỗn hếq chũuq tởiq bap sanua tở?”

³⁰ Cheq ntốq ki bữn muoi cantóh alic sa-ữi lứq ốt chuaq cha. ³¹ Yiang sấuq ki sếq cucóh Yê-su neq: “Khân anhia lứq tuih aloỏh hếq, sếq anhia yỗn hếq mut tâng cantóh alic ki.”

³² Yê-su ớn yiang sấuq ki neq: “Anhia pờq toáp!”

Chơ yiang sấuq ki loỏh toáp tễ tở cũai ki cớp mut tâng cantóh alic ễn. Chơ cantóh alic ki lủh cháí lứq tễ leh tarhar, pống chu clóng đởq, chơ cuchĩt clooc nheq. ³³ Mách cũai bán alic lủh chu vil cớp atống dũ ốc tễ alóí bar náq ca yiang sấuq payỏh, yỗn noau dáng tê. ³⁴ Chơ dũ náq cũai tâng vil ki loỏh tễ vil ẽ ramóh Yê-su. Toáp alóí hữm Yê-su, alóí sếq án loỏh chíq tễ cruang alóí.

9

Yê-su Táq Bán Cũai A-ĩ Coang (Mac 2:1-12; Luca 5:17-26)

¹ Yê-su chỏn loah tâng tuoc. Chơ án clong loah yáng tooh đởq clóng, cớp mut tâng vil án. ² Bữn máh cũai samiang đứng pở Yê-su manoaq a-ĩ coang. Án bếq tâng cantrang. Yê-su hữm mút alóí ki sa-âm lứq. Ngkíq án pai chóc samiang a-ĩ coang ki neq: “Yóu ơ! Chỗi ngcỏh ntróu! Lỏih mới cứq táh yỗn!”

³ Bo ki bữn cũai yống rit ốt ngki tê. Alóí tếng tâng mút neq: “Cũai nâi yoc ê táq chóc máh Yiang Sursĩ tê. Ngkíq máh santoiq án pai la machóng án acrieiq Yiang Sursĩ chơ.”

⁴ Ma Yê-su khoiq dáng alóí chanchóm ngkíq. Chơ án blóh alóí neq: “Nốq anhia chanchóm ốc sâuq ngkíq tâng mút anhia? ⁵ Santoiq aléq anhia sâng ien hỡn yỗn cứq atỡng? Ien cứq atỡng cũai a-ĩ coang neq: ‘Lôih mới cứq táh yỗn,’ tỡ la ‘Mới yuor tayúng, chơ pỡq.’ ⁶ Ma sanua cứq ê táq yỗn cũai a-ĩ nâi cõt bán, đốq yỗn anhia dáng samoât samoi, cứq Con Yiang Cốt Cũai bữn chóc tâng đõi nâi. Cứq têq táh lôih cũai.”

Moâm ki Yê-su atỡng cũai a-ĩ coang neq: “Cứq ón mới yuor tayúng! Mới ít dõl cantrang mới! Chơ mới chu loah pỡ đống mới!”

⁷ Chơ cũai a-ĩ ki yuor tayúng cốp chu pỡ đống án. ⁸ Bo cũai cứng ki hữm ranáq nâi, alóí sâng dót lứq, cốp alóí khễn Yiang Sursĩ cõ án yỗn cũai bữn chóc ngkíq.

*Yê-su Arô Mathia
(Mac 2:13-17; Luca 5:27-32)*

⁹ Chơ Yê-su loõh tễ ntốq ki. Bo án pỡq án hữm manoaq samiang ramứh Mathia tacu táq ranáq tâng đống noau parỗm ít práq thễq. Yê-su ón án neq: “Mới puai cứq!”

Chơ Mathia yuor tayúng cốp puai Yê-su.

¹⁰ Moâm ki Yê-su tacu cha tâng đống Mathia. Ớt ngki bữn cứng cũai toáq cha parnơi nững Yê-su cốp tốp rien tễ án. Alóí ki la cũai parỗm ít práq thễq cốp máh cũai lôih canốh hỡ. ¹¹ Bữn

cũai tẽ tốp Pha-rasi hũm ọc ki, chơ alóí blóh tốp rien tẽ Yê-su neq: “Nỏq thâi anhia cha parnơi cớp cũai parôm ít práq thẽq cớp cũai lờih canỏh?”

¹² Tữ Yê-su sâng alóí pai ngkíq, án ta-ỡi alóí neq: “Cũai bán o tỡ bữn sẽq yỏn noau palai. Ma ổng cũai a-ĩ sâng cóq sẽq yỏn noau palai. ¹³ Tâng tâm saráq Yiang Sursĩ tẽ mbỏq, án khoi q pai neq: ‘Cứq yoc anhia manoaq ayooq táq manoaq hữn tẽ cứq yoc anhia dũng máh charán chiau sang yỏn cứq.’

Cóq anhia pỡq rien yỏn dáng raloaih santoiq ki. Cứq tỡ bữn toâq pỡ nâi đỏq arô cũai ca ngin alóí tanoang o, ma cứq toâq pỡ nâi đỏq arô cũai ca dáng alóí bữn lờih.”

*Yê-su Atỡng Tẽ Ót Sana
(Mac 2:18-22; Luca 5:33-39)*

¹⁴ Moâm ki tốp rien tẽ Yang toâq pỡ Yê-su, cớp alóí blóh án neq: “Nỏq tốp hẽq cớp tốp Pha-rasi đỏq rườh tangái ót sana, đỏq hẽq chanchỏm tẽ ngê Yiang Sursĩ sâng, ma tốp rien tẽ thâi, alóí tỡ bữn táq machỏng hẽq?”

¹⁵ Yê-su ta-ỡi alóí neq: “Khân bữn samiang ít lacuoi, bo yớu án pỡq racoai q cớp án, alóí sâng bũi. Ma tữ alóí chu tẽ racoai q, alóí miar ỡt. Tữ ki alóí ót sana đỏq sanhữ loah yớu alóí.*

* **9:15** 9:15 Tâng parnai nâi, Yê-su sacâm án la samoât cũai ít lacuoi. Bo Yê-su noâng ỡt cớp tốp rien tẽ án, alóí noâng chỉ-cha. Ma tữ án chỏn chu paloỏng, alóí ót sana tẽ đỏq chanchỏm loah máh santoiq án khoi q atỡng alóí.

16 “Tở bữn noau tamoal aroâiq tamái tâng tampâc khiq anhõh. Khân noau táq ngkíq, ramoal ki carón cốp ra-óc aroâiq anhõh. Ngkíq raháq ki cõt la-a lứq ẽn. 17 Cốp tở bữn noau chiaq blống tamái tâng aluoi ngcâr khiq tiaq chơ. Khân noau táq ngkíq, blống ki cõt puaiq, cốp acán pa-át ki táq yõn aluoi ngcâr padõh. Chơ aluoi ngcâr cốp blống ki pút nheq. Ma blống tamái cớq chớq tâng aluoi ngcâr tamái.”†

*Yê-su Táq Bán Bar Náq Mansẽm
(Mac 5:21-43; Luca 8:40-56)*

18 Bo Yê-su atõng alới ki, bữn manoaq samiàng ndõm muoi dõng sang tốp I-sarel toâq pở Yê-su. Cũai ki sacõh racól yáng moat Yê-su, cốp pai neq: “Con mansẽm cứq khiq cuchit chơ. Cứq sẽq thâi toâq satoaq atĩ tâng tở án, chơ án bữn tamoong loah.”

19 Ngkíq Yê-su yuor tayúng pởq parnơi cốp mpoaq con ki. Dếh tốp rien tẽ Yê-su hữ pởq.

20 Bo ki bữn manoaq mansẽm toâq yáng clĩ Yê-su. Mansẽm ki a-ĩ toõh siet khiq muoi chít la bar cumo chơ, ma aham tở nai yốt. Ngkíq án satoaq tuoiq chêu au tuar Yê-su. 21 Mansẽm ki chanchóm tâng mút án neq: “Khân cứq satoaq tampâc Yê-su, cứq lứq cõt bán.”

22 Yê-su pih luliaq chu clĩ. Tữ án hữm mansẽm ki, chơ án pai neq: “Niang ời, mới chõi ngcõh

† 9:17 9:17 Yê-su atõng tẽ aroâiq cốp blống la sacâm cũai ca bữn mút pahõm tiaq, tở tẽq ít parnai tamái Yê-su atõng alới. Ống alới ca bữn mút tamái sâng tẽq ít parnai ki.

ntróu. Cỗ mới sa-âm, tỗ mới cõt bán chơ.” Bo ki toáp mansẽm ki cõt bán.

²³ Moâm ki Yê-su mut tâng đống cũai ndõm đống sang tốp I-sarel. Án hũm alóí nhiam u-õỉ casang lứq. ²⁴ Án atõng alóí neq: “Nheq từh anhia loõh toáp tẽ đống nâi! Mansẽm nâi tở bữn cuchĩt; án bẻq sâng!”

Ma máh cũai ki cacháng cớp ayê ra-ac Yê-su. ²⁵ Toáq máh cũai cứng loõh nheq tẽ đống, Yê-su mut tâng clống mansẽm ca khioq cuchĩt. Chơ án tếc atĩ amõq ki. Ngkíq amõq ki yuor tayúng. ²⁶ Ranáq nâi cõt parhan la-ũt la-ũỉ dũ ntốq tâng cruang ki.

Yê-su Táq Bán Bar Náq Cũai Sũt Moat

²⁷ Từ Yê-su loõh tẽ ntốq ki, bữn bar náq cũai sũt moat puai ntun clĩ án. Alóí sabau casang lứq neq: “Ncháu ơi! Ncháu ca tẽ tống toiq puo Davĩt! Sẻq Ncháu sarũiq táq hẻq nứng!”

²⁸ Bo Yê-su mut tâng đống, bar náq cũai sũt ki toáq pở án. Yê-su blóh alóí neq: “Anhia lứq sa-âm cứq tẻq táq ranáq nâi tở?”

Alóí bar náq ki ta-õỉ neq: “Hẻq lứq sa-âm, Ncháu ơi!”

²⁹ Chơ Yê-su satoaq atĩ tâng moat alóí bar náq ki, cớp án pai neq: “Machớng anhia sa-âm, lứq cõt ngkíq!”

³⁰ Ngkíq moat bar náq ki cõt blang loah. Ma Yê-su patáp alóí samoat lứq neq: “Anhia chõỉ atõng yõn cũai canõh dáng tẻ ốc nâi!”

³¹ Ma vót alóí loõh tẽ đống ki, alóí atõng la-ũt la-ũi tẽ ranáq Yê-su táq tâng dũ nốq tâng cruang ki.

Yê-su Táq Bán Cũai Ngong

³² Bo bar náq cũai sũt moat loõh tẽ nốq ki, bữn cũai canõh đưng pỡ Yê-su manoaq cũai ngong. Án cõt ngong cõ bữn yiang sâuq táq án. ³³ Moâm Yê-su tuih aloõh yiang sâuq tẽ cũai ngong ki, chơ cũai ngong ki têq táq nống loah. Nheq tữh cũai cứng ki sâng dót lứq, cớp alóí pai neq: “Hái tỡ nai hữm ranáq nneq toâq pỡ cruang I-sarel!”

³⁴ Ma tốp Pha-rasi pai neq: “Yiang ca sốt nheq máh yiang sâuq, yiang ki toâp yõn cũai nâi bữn chóc têq tuih aloõh yiang sâuq.”

Yê-su Sâng Sarũiq Táq Máh Cũai

³⁵ Yê-su pỡq sa-óh vil toâr vil cõt, atõng tâng máh đống sang cũai I-sarel. Án atõng parnai o tẽ Yiang Sursĩ táq sốt, cớp án táq bán dũ ramứh cũai bữn a-ĩ. ³⁶ Toâq án hữm cũai cứng, mút án sâng sarũiq táq máh cũai ki, yuaq alóí tỡ dáng táq ntrứu, cớp alóí parsáng-parsaiq, samoât riang charán cữu ốq cũai mantán. ³⁷ Ngkíq Yê-su pai chóq tốp rien tẽ án neq: “Saro tâng sarái la-a khoiq chĩn lứq chơ, ma bữn bĩq náq cũai pỡq sot saro ki. ³⁸ Cớq anhia câu sêq tẽ Ncháu sarái, yõn án ón sa-ũi náq pỡq sot saro ki.”

10

*Tốp Muoi Chít La Bar Náq Rien Tẽ Yê-su
(Mac 3:13-19; Luca 6:12-16)*

¹ Yê-su arô tốp muoi chít la bar náq rien tễ án toâq pở án. Án yỗn alóí bữn chớc têq tuih aloỏh yiang sâuq tễ tỗ cũai cớp têq táq bán đũ ramứh cũai a-ĩ. ² Ramứh tốp muoi chít la bar náq ayững atĩ Yê-su la neq: dâu lứq la Si-môn, án ca noau đợc Phi-er hỡ, cớp Anrê a-ểm Si-môn. Ntun ển, bữn bar náq sểm ai, alóí la con samiang Sê-badê, ramứh Yacỗ cớp Yang. ³ Ntun ển, bữn Phi-lip, Batê-lami, Thô-mat, cớp Mathia, la cũai parôm ỉt práq thễq. Bữn Yacỗ con samiang Al-phê, cớp Thadê. ⁴ Bữn Si-môn Sê-lôt cớp Yuda I-cari-ôt, án ca chềq Yê-su yỗn noau cachĩt.

*Yê-su Ớn Tốp Muoi Chít La Bar Náq Pởq Atỡng
(Mac 6:7-13; Luca 9:1-6)*

⁵ Yê-su ớn muoi chít la bar náq nâi pởq táq ranáq án. Án patâp alóí neq: “Anhia chỗi pởq chu cruang cũai tỡ cỡn cũai I-sarel, cớp chỗi mut tâng vil cũai Sa-mari. ⁶ Ma anhia pởq chu cũai I-sarel sâng; alóí la samoât riang charán cữu khoiq clốc rana. ⁷ Anhia pởq atỡng neq: ‘Khoiq cheq lứq chơ Yiang Sursĩ táq sốt!’ ⁸ Cớq anhia táq bán máh cũai a-ĩ, cớp amoong cũai ca khoiq cuchĩt. Cớq anhia táq bán cũai a-ĩ tut cớp tuih aloỏh yiang sâuq tễ tỗ cũai. Anhia khoiq roap chơ máh ramứh cứq chuai miat anhia. Ngkíq sanua cớq anhia chuai miat cũai canỏh tê. ⁹ Anhia chỗi đững yểng, práq, tỡ la sapoan tâng toai anhia. ¹⁰ Chỗi poac tũi riang cũai susểq cớng sana tễ cũai canỏh. Chỗi đững muoi ploah au canỏh, tỡ la muoi cu cởp canỏh, tỡ la muoi

ntreh ralõng canõh ẽn. Cũai aléq ma táq ranáq chuai cũai canõh, cóq cũai ki chuai loah yõn án ki bữn crõng sana.

¹¹ “Bo anhia toáq pữ vil toâr tở la vil cót, cóq anhia mut tâng vil ki cóp chuaq cũai ca roap cóp tabõp tabéh o anhia. Chơ anhia õt tâng đồng cũai ki toau toáq tangái anhia loõh tẽ vil ki. ¹² Bo anhia mut tâng đồng, cóq anhia blóh carhan o cóp cũai tâng đồng sũ ki. ¹³ Khân cũai tâng đồng ki roap tabõp tabéh o anhia, ki anhia câu yõn alóí bữn bán sũan ien khẽ. Ma khân alóí tở bữn roap tabõp tabéh o anhia, ki anhia chõí câu ngkíq yõn alóí. ¹⁴ Khân bữn muoi đồng tở la muoi vil, ma cũai tở bữn tabõp tabéh anhia o cóp tở ẽq tamúng parnai anhia atõng, bo anhia loõh tẽ ntóq ki cóq anhia trutrẻh phõn cutẽq tẽ ayũng, táq tếc cũai tâng ntóq ki tở bữn roap anhia. ¹⁵ Cúq atõng anhia samoát lứq, toáq tangái Yiang Sursĩ rablớh nheq tữh cũai, án táq yõn alóí ca õt tâng vil ki bữn túh coat hõn tẽ cũai tâng vil Sadôm cóp vil Camô-rơ tẽ mbốq.”

Yê-su Atõng Tẽ Ramúh Túh Coat

(Mac 13:9-13; Luca 21:12-19; 12:11-12)

¹⁶ “Nâi! Cúq ớn anhia pữq samoát riang charán cũu pữq mpúng dĩ acho cruang. Ngkíq cóq anhia rangoiq khẽuq riang cusân, cóp khũn mantoat o ariang chóm tariap. ¹⁷ Cóq anhia nhêng o cũai canõh, yuaq alóí ẽ cõp anhia, chơ dũng anhia toáq pữ cũai sớt. Cóp alóí toân anhia tâng máh đồng sang tốp I-sarel. ¹⁸ Cỗ anhia puai cúq, bữn cũai canõh ẽ dũng anhia toáq

põ cũai sôt cớp toàq pỡ cũai puo hỡ. Ngkíq anhia bữn atỡng tẻ ngê cớq yáng moat alới, cớp yáng moat cũai tỡ cỡn cũai I-sarel hỡ. ¹⁹ Toàq noau dừng anhia pỡ cũai sôt, anhia chỡi cớng nhũang ntrớu anhia yoc ẻ pai. Bo ki anhia lứq bữn roap máh santom q anhia yoc ẻ pai. ²⁰ Santom q ki tỡ bữn tẻ anhia bữm, ma santom q ki loỏh tẻ Raviei Mpoaq anhia tâng paloỏng. An atỡng yỏn anhia dáng santom q ki.

²¹ “Lứq sẻm ai ẻ cớp ratuàq sẻm ai, cớp chiau yỏn noau cachít, cớp mpoaq táq machớng ki tẻ chớq con án. Con acái ra-ủan chớq mpiq mpoaq alới, cớp alới chiau mpiq mpoaq yỏn noau cachít alới. ²² Nheq tửh cũai lứq kệt anhia cỏ tian anhia puai ngê cớq. Ma cũai aléq rơi tanhữ toau sôt anhúq án, Yiang Sursỉ lứq chuai amoong cũai ki. ²³ Toàq cũai táq túh coat chớq anhia tâng muoi vil, ki anhia lúh pỡq chu vil canỏh ẻn. Cớq atỡng anhia samoát lứq, anhia tỡ yủah táq moám máh ranáq anhia ẻ táq tâng dủ vil tâng cruang cũai I-sarel nhũang cớq Con Yiang Cốt Cũai toàq loah pỡ cutẻq nài.

²⁴ “An ca rien tỡ bữn toàr hỡn tẻ thài. Cớp án ca sủl tỡ bữn toàr hỡn tẻ cũai ncháu. ²⁵ Ngkíq, án ca rien cớq pruam chửuq túh coat machớng thài án tẻ. Cớp án ca sủl cớq pruam chửuq túh coat machớng ncháu án tẻ. Khàn noau acrieiq án ca ncháu đống, pai án la ramứh Bên-sabul,*

* **10:25** 10:25 Ramứh Bên-sabul nài la machớng cớq yiang Satan tẻ.

ntâng hõn ẽn noau acrieiq cũai canõh tâng đống ki.”

Yê-su Atõng Chõỉ Ngõh Cũai
(Luca 12:2-9)

²⁶ “Ngkíq anhia chõỉ ngõh cũai canõh. Tõ bữn ramứh ntróu noau pul cutooq sanua, ma chumát ramứh ki noau tở têq pul cutooq noâng. Cóp ranáq ntróu noau táq clõp sanua, chumát noau tở têq táq clõp noâng. ²⁷ Máh santoiq ntróu cứq atõng anhia sanua, cóq anhia atõng loah santoiq ki yõn dũ náq cũai canõh dáng tê. Cóp santoiq ntróu cứq atõng yõn ống tốp anhia sâng, cóq anhia atõng loah santoiq ki yõn dũ cruang canõh dáng tê. Nài la samoát riang cứq atõng anhia tâng ntốq canám, mỗ anhia atõng loah santoiq ki tâng ntốq poang tráh ẽn. ²⁸ Anhia chõỉ ngõh cũai têq cachĩt tở anhia, ma raviei anhia alóỉ tở têq cachĩt. Ma cóq anhia ngõh ống Yiang Sursĩ sâng, yuaq Yiang Sursĩ têq cachĩt tở anhia, cóp raviei anhia têq án apống tâng pống sarloac. ²⁹ Anhia đốq chõng bar lám chóm téc-téc, ma kia án nghẽl lứq. Ma khân bữn muoi lám chóm téc-téc ki cuchĩt, lứq Mpoaq anhia tâng paloõng khoiq dáng tẽ ramứh ki. ³⁰ Dũ ntreh sóc tâng plở anhia, lứq Yiang Sursĩ khoiq nghĩ chơ. ³¹ Ngkíq, anhia chõỉ ngõh ntróu noâng, yuaq rangứh anhia la Yiang Sursĩ pasếq hõn tẽ sa-ữỉ lám chóm téc-téc.

³² “Cũai aléq ma ngin yáng moat cũai canõh, pai án puai muoi mút cóp cứq, machóng ki tê cứq ngin loah án yáng moat Mpoaq cứq tâng

paloŋg. ³³ Ma cūai aléq calõih cứq yáng moat cūai canõh, machóng ki tê cứq calõih loah án yáng moat Mpoaq cứq tâng paloŋg.”

Yê-su Atõng Cóq Anhia Ayooq Ân Hõn Tẽ Cūai Canõh

(Luca 12:51-53; 14:26-27)

³⁴ “Anhia chõih chanchóm cứq toâq pỡ nâi yõn dũ náq cūai tâng cutẽq nâi õt ien khẽ. Cứq toâq pỡ nâi tỡ bữn táq yõn cūai õt ien khẽ, ma lứq cứq dững pla dau. ³⁵ Cứq toâq dõq táq yõn manoaq tỡ bữn pruam chóg manoaq. Con samiang ẽ chíl mpoaq. Con mansẽm ẽ chíl mpiq. Cumân ẽ chíl yacán. ³⁶ Dếh cūai õt muoi đồng sũ la manoaq cõt par-ũal chóg manoaq.✧

³⁷ “Cūai aléq ma ayooq mpiq mpoaq hõn tẽ án ayooq cứq, cūai ki tỡ bữn p̃ieiq cõt cūai cứq. Cóp cūai aléq ma ayooq con samiang tỡ la con mansẽm hõn tẽ án ayooq cứq, cūai ki tỡ bữn p̃ieiq cõt cūai cứq. ³⁸ Cūai aléq ma tỡ bữn ìt dõl aluang sangcáng án bữm, chơ puai cứq, cūai ki tỡ bữn p̃ieiq cõt cūai cứq. ³⁹ Cūai aléq ma paséq rangúh án tâng dõi nâi, rangúh cūai ki lứq pút. Ma cūai aléq ma chũuq pút rangúh án tâng dõi nâi cõ tian án ẽ puai cứq, raviei cūai ki lứq bữn tamong mantái níc.”

Yê-su Atõng Tẽ Cóng Cūai Ca Chuai

(Mac 9:41)

⁴⁰ “Cūai aléq tabõp tabéh o anhia, la samoât án tabõp tabéh o cứq tê. Cóp cūai aléq tabõp tabéh

✧ **10:36** 10:36 Mi-ca 7:6

o cứq, la samoât án tabõp tabéh o Ncháu ca ón cứq toâq tê. ⁴¹ Cũai aléq tabõp tabéh o chốq cũai tang bõq Yiang Sursĩ yuaq án la tang bõq Yiang Sursĩ, cũai ki bữn cóng ỉn cũai tang bõq Yiang Sursĩ tê. Cóp cũai aléq tabõp tabéh o cũai tanoang o, yuaq án la cũai tanoang o, cũai ki lứq bữn cóng machống cũai tanoang o tê. ⁴² Khãn cũai aléq yõn manoaq cũai cacót lứq tâng tốp rien tể cứq nguaiq muoi cachoc đờq leng yuaq cũai cacót ki sa-âm cứq, lứq samoât án ca chuai tở bữn ốq cóng tể ranáq án táq.”

11

Yê-su Atõng Tể Yang Ca Táq Batẽm (Luca 7:18-35)

¹ Moâm Yê-su patâp tốp muoi chít la bar náq rien tể án máh ốc ki; chơ án loõh tể ntốq ki, cóp pờq atõng tâng máh vil mpễ ki ễn.

² Bo ki Yang noâng ốt tâng cuaq tũ. Án sâng noau táq ntõng tể ranáq Crĩt táq. Ngkíq án ón cũai tể tốp rien tể án toâq pờ Yê-su. ³ Án ón alóí ki blốh Yê-su neq: “Thâi ơi! Lứq ma tở bữn, thâi la manoaq Yiang Sursĩ ruroh đờq chuai amoong nheq tữh cũai? Tở la cóq hếq nguang cũai canõh ễn?”

⁴ Yê-su ta-õi alóí neq: “Anhia chu atõng loah Yang tể máh ranáq anhia khoi q sâng cóp khoi q hữm. ⁵ Cũai sũt cõt blang. Cũai yõt tẽq pupõq. Cũai a-ĩ tut cõt bán. Cũai túng cõt sâng. Cũai khoi q cuchĩt tẽq yuor tamoong loah. Cóp máh

cũai cãđĩt bũn sãng tẽ parnai o tẽ Yiang Sursĩ.
 6 Bõn lứq cũai ca tở bũn táh ngẽ cứq.”

7 Toãq tốp rien tẽ Yang chu loah pở án, chơ
 Yê-su atõng tẽ Yang yõn cũai cứng ki dáng. Án
 blớh alới neq: “Bo anhia pởq ramóh Yang tãng
 ntốq aiq, ntróu anhia yoc ẽ hữm tãng ntốq ki?
 Anhia yoc ẽ hữm cuyal phát bát tưng-tooc tở?

8 Khãn tở bũn ngkĩq, ntróu anhia yoc ẽ hữm?
 Anhia yoc ẽ hữm manoaq sóp au nõuq tở? Cũai
 sóp au nõuq ki õt tãng đõng puo. 9 Ma ntróu
 anhia yoc ẽ hữm tãng ntốq ki? Anhia yoc ẽ hữm
 cũai tang bõq Yiang Sursĩ tở? Cứq atõng anhia
 samoât lứq, Yang la cũai tang bõq Yiang Sursĩ tẽ,
 ma án bũn chóc toãr hõn tẽ cũai tang bõq canõh.

10 Tãng tâm sarãq Yiang Sursĩ tẽ mbõq, cũai tang
 bõq Yiang Sursĩ khoiq chĩc atõng saccoaiq tẽ Yang
 neq:

‘Cứq Yiang Sursĩ ớn cũai ranẽng cứq pởq
 nhũang,

dõq thrũan rana yõn mới.’☆

11 Cứq atõng anhia samoât lứq, nheq tữh cũai ca
 mansẽm canõt tãng cóc cutẽq nãi, tở bũn noau
 toãr hõn tẽ Yang, án ca đõq táq batẽm. Ma cứq
 atõng anhia neq tẽ: Cũai aléq ma tở bũn toãr
 ntróu tãng tốp Yiang Sursĩ sớt, lứq Yiang Sursĩ
 yõn cũai ki bũn chóc clũi tẽ chóc Yang. 12 Tẽ
 tangái Yang táq batẽm toau toãq sanua, bũn cũai
 atõng tẽ Yiang Sursĩ táq sớt. Sa-ũi lứq cũai yoc ẽ
 mut tãng tốp Yiang Sursĩ sớt, ma alới chanchóm

☆ 11:10 11:10 Ma-laki 3:1

alói têq mut cõ nhơ tẽ rêng alói bữm. ¹³ Yiang Sursĩ khoiq atõng saccoaiq nõ-ra án táq sớt, na cũai tang bõq Yiang Sursĩ tẽ mbõq cốp na phếp rit Mõi-se. Án atõng na alói ki toau toaq dõĩ Yang. ¹⁴ Khãn anhia sa-âm satoi q noau pai tẽ mbõq tẽ Ê-li, ngkĩq anhia têq dáng Yang nãi la machõng Ê-li tẽ. ¹⁵ Aléq bữn cutũr yoc ẽ tamúng, ki tamúng.

¹⁶ “Máh cũai tang dõĩ nãi la samoat ntróu? Máh cũai tang dõĩ nãi la riang carnẽn õt loiq tang nchõh. Muoi tốp carnẽn ki arô yóu alói, ¹⁷ pai neq: ‘Hếq khoiq plóng тариал cốp loiq táq rayuac. Ma anhia tở bữn mut ayũn cốp puan sarai nứng hếq! Cốp hếq loiq tanúh cũai cuchĩt, ma anhia tở bữn pruan mut nhiam u-õĩ nứng hếq!’ ¹⁸ Yang toaq pở nãi, án tở bữn nguaiq cha riang cũai canõh, mỗ án cha ống lam cốp nguaiq dõq khĩal. Ngkĩq noau pai án bữn yiang sâuq. ¹⁹ Ma cứq Con Yiang Cõt Cũai, cứq toaq nguaiq cha machõng cũai canõh tẽ. Ngkĩq noau pai cứq neq: ‘Ki! Án ki nguaiq cha tham lứq! Cốp án cõt yóu cốp cũai parõm ỉt práq thẽq, cốp cũai lỏih canõh hỡ!’ Ma cũai rangoaiq, nõ-ra cũai canõh ngin án la lứq rangoaiq, yuaq alói hữm máh ranáq án táq.”

Bữn Vil Tở Êq Sa-âm Yê-su
(Luca 10:13-15)

²⁰ Chơ Yê-su sâng ngua lứq, yuaq máh cũai tang vil án khoiq táq sa-ũĩ ranáq salẽh, tở bữn ngin lỏih lêq cõt mút tamái ẽn. ²¹ Án pai chóq

alóí neq: “Bap lúq toâq pở anhia ca ốt tâng vil Cờ-sín! Cớp bap lúq yỗn anhia ca ốt tâng vil Bet-sada! Khân cứq ma táq ranáq salễh tâng vil Ti-rờ cớp vil Sadôn machớng cứq khioq táq tâng vil anhia, ki dũn chớ máh cũai tâng vil ki ngin lôih lêq cớt mút tamái ễn. Cớp dũn chớ alóí ki tâc tampác tanúh, cớp pức bớh tâng tỗ alóí, táq tếc alóí sâng ngua cỗ alóí bữn lôih. ²² Ma cứq atỡng anhia, toâq tangái Yiang Sursĩ rablớh nheq tữh cũai, tangái ki án sâng sarũiq táq chóq cũai tâng vil Ti-rờ cớp vil Sadôn hỡn tễ án sâng sarũiq táq chóq anhia. ²³ Anhia ca ốt tâng vil Cabê-na-um ời! Anhia chanchóm tềq chỗn bữm chu paloống tỡ? Nỡ-ra Yiang Sursĩ apống anhia tâng pống sarloac. Khân cứq ma táq ranáq salễh tâng vil Sadôm machớng cứq khioq táq tâng vil anhia, ki vil Sadôm noâng níc toau sanua. ²⁴ Ma cứq atỡng anhia, toâq tangái Yiang Sursĩ rablớh nheq tữh cũai, tangái ki án sâng sarũiq táq chóq cũai tâng vil Sadôm hỡn tễ án sâng sarũiq táq chóq anhia.”

*Aléq Bữn Túh Coat Ntrớu Cớq Toâq Pở Yê-su
(Luca 10:21-22)*

²⁵ Bo ki Yê-su câu neq: “Mpoaq ời! Mpoaq la Ncháu paloống cớp cutểq! Cứq sa-ỡn mới, yuaq mới khioq apáh ngê mới yỗn cũai ariang carnễn cacót, alóí ca tỡ yũah rien ntrớu. Ma mới cutooq ngê nâi tễ cũai rangoaiq, alóí ca rien sa-ữi. ²⁶ Lúq pẽiq, Mpoaq ời! Cứq khễn mới, yuaq ốc ki o lúq yáng moat mới. ²⁷ Dũ ramứh Mpoaq cứq khioq chiau yỗn cứq. Tỡ bữn noau dáng Con Yiang

Sursĩ; lứq ớng Mpoaq án toáp dáng án. Cóp tở bữn noau dáng Mpoaq tâng paloõng; lứq ớng Con án toáp dáng án. Cũai aléq Con Yiang Sursĩ rườh, lứq án apáh yõn cũai ki dáng tễ Mpoaq tâng paloõng.”

²⁸ Moâm Yê-su câu ngkíq, chơ án pai neq: “Nheq tữh anhia ca lakéh lakiei cóp dồl crong ntâng ơ! Yõn anhia toáp pở cứq! Cứq ể táq yõn anhia cõt pứt lakéh lakiei. ²⁹ Cứq bữn mút pahõm khũn, cóp cứq tở bữn chuaq ểq noau khẽn cứq. Cóg anhia ìt máh ngê cứq atõng anhia, cóp cóq anhia rien tễ cứq. Ngkíq raviei anhia bữn ốt ien khẽ níc. ³⁰ Yuaq raluang cứq la khẽ, cóp pardõl cứq la nghẽl.”

12

Yê-su Atõng Tễ Rit Tangái Rlu (Mac 2:23-28; Luca 6:1-5)

¹ Bo ki bữn muoi Tangái Rlu, Yê-su cóp tốp rien tễ án mut tâng sarái noau chóh saro bali. Bo alóit mut tâng sarái ki, tốp rien tễ Yê-su sâng panhieih. Ngkíq nton alóit pởq, nton alóit rút cha saro bali. ² Toáp cũai Pha-rasi hữm ngkíq, alóit pai chóq Yê-su neq: “Ki! Tốp rien tễ thài táq tở cõt rit cuang tâng Tangái Rlu.”

³ Ma Yê-su ta-õi loah alóit neq: “Nốq riang pai anhia tở nai doc tâng tâm saráq Yiang Sursĩ tễ puo Davĩt khoiq táq ntrứu? Davĩt cóp tốp puai án, alóit sâng panhieih lứq. ⁴ Ngkíq Davĩt mut tâng đống sang Yiang Sursĩ. Án cóp yóu án cha

bêng noau đợc yáng moat Yiang Sursĩ. Ma puai phếp rit cũai I-sarel, ki án cớp yóu án tở têq cha bêng ki. Yuaq bêng ki ống máh cũai têng rit sang Yiang Sursĩ sâng têq cha. ⁵ Cớp riang pai anhia tở nai doc tâng phếp rit Môi-se tễ máh cũai têng rit sang Yiang Sursĩ đợc mut táq ranáq tâng Dống Sang Toâr tâng Tangái Rlu? Ma tở bữn noau pai alóí ki táq lôih. ⁶ Ma cứq atởng anhia neq: Ớt ntốq nâi sanua bữn manoaq toâr hữn tễ Dống Sang Toâr ki. ⁷ Tâng tâm saráq Yiang Sursĩ tễ mbỏq, án atởng neq:

‘Cứq yoc anhia manoaq ayooq táq manoaq hữn tễ cứq yoc anhia đững máh charán chiau sang yỏn cứq.’[☆]

Khân lứq anhia dáng raloaih tễ santoiq ki, lứq anhia tở khỏn pai alóí ki bữn lôih cõ táq ranáq tâng Tangái Rlu. ⁸ Cứq, Con Yiang Cốt Cũai, la Ncháu tê Tangái Rlu.”

Yê-su Táq Bán Cũai Yỏt Atĩ
(Mac 3:1-6; Luca 6:6-11)

⁹ Yê-su pởq tễ ntốq ki, chơ án mut tâng đống sang tốp I-sarel. ¹⁰ Ớt ngki bữn manoaq cũai yỏt atĩ. Máh cũai tâng đống sang ki blóh Yê-su neq: “Puai rit hái, têq tở hái táq bán cũai a-ĩ tâng Tangái Rlu?”

Cũai blóh ngkíq, la alóí chuaq ralíh yoc ẽ cauq Yê-su.

¹¹ Yê-su ta-ỏi alóí neq: “Khân manoaq tễ anhia ma bữn charán cữu sapứl tâng prúng tâng

[☆] 12:7 12:7 Hô-sĩa 6:6

Tangái Rlu, lúq án acốq cũu ki aloõh tễ prúng, pñeiq tở? ¹² Yiang Sursĩ pasếq rangứh cũai hỡn tễ án pasếq rangứh charán cũu. Yuaq ngkíq tềq hái manoaq chuai manoaq tâng Tangái Rlu.”

¹³ Chơ Yê-su atỡng cũai yỗt atĩ ki neq: “Mới aloõh atĩ mới!”

Tữ cũai ki aloõh atĩ, chơ atĩ án cõt bán toập, cõt o loah machớng atĩ coah canõh tề. ¹⁴ Mách cũai Pha-rasi loõh tễ đống sang, cớp alới sarhớng ễ cachĩt Yê-su.

¹⁵ Tữ Yê-su dáng alới ễ cachĩt án, ngkíq án loõh tễ ntốq ki, cớp bữn cứng cũai puai án. Cớp Yê-su táq bán dữ náq cũai a-ĩ ki. ¹⁶ Yê-su patập alới chõĩ yỗn cũai canõh dáng án la noau. ¹⁷ Án patập ngkíq yỗn cõt rapñeiq máh santoiq Ê-sai, la cũai tang bớq Yiang Sursĩ, khoiq pai tễ mbớq neq:

¹⁸ “Nài la cũai táq ranáq cứq,
án ca cứq khoiq rườh chơ.

Cứq ayooq lúq án,
cớp mút pahỡm cứq sâng bũi lúq cớp án.

Cứq yỗn án bữn Raviei cứq.
Cớp nỡ-ra án dững ốc tanoang tapứng yỗn
dữ cruang cũai.

¹⁹ Án tở bữn rasuon cớp tở bữn pai casang chốq
noau.

Cớp án tở bữn loai casang ntrớu tâng vil.

²⁰ Mách cũai la samoât riang aroỡng khoiq lết
nanõr,

ma án tở bữn déh tữm;

cớp alới ariang chớp tóu lalıu ễ pát,
ma án tở bữn pupát tữm,

toau toâq tangái ốc tanoang tapúng tể Yiang Sursĩ toâq.

²¹ Nheq tũh cũai ốt nguang án chuai amoong alói.”*[†]

Yê-su Cóp Bên-sabul

(Mac 3:20-30; Luca 11:14-23; 12:10)

²² Vót ki noau dững pở Yê-su manoaq samiang ca bữn bar ramứh a-ĩ. Moat án sũt cốp bỗq án ngong, yuaq yiang sâuq táq án. Yê-su táq yỗn moat án cõt blang cốp yỗn án têq táq ntởng loah.

²³ Nheq máh cũai ki sâng dốt lứq. Cốp alói blóh neq: “Yê-su nâi la cũai tể tổng toiq puo Davĩt, án ca hái nguang tở?”

²⁴ Ma toâq tốp Pha-rasi sâng cũai cứng pai ngkíq, alói pai neq: “Án nâi tuih aloỏh yiang sâuq cỗ nhơ yiang Bên-sabul yỗn án bữn chóc táq ranáq ki. Yiang Bên-sabul nâi la sốt nheq yiang sâuq.”*

²⁵ Yê-su dáng sarnóm alói chanchóm ngkíq. Chơ án pai chóq alói neq: “Khân bữn muoi cruang ma manoaq rachíl manoaq, tở bữn cõt noâng cruang. Cốp khân bữn muoi vil tở la muoi đồng ma manoaq rachíl manoaq, tở bữn cõt noâng vil tở la đồng. ²⁶ Khân yiang Satan ma tuih tốp án bữm, tốp ki lứq cõt ratáh. Chơ tở bữn cõt tốp noâng. ²⁷ Anhia pai cứq tuih aloỏh yiang sâuq cỗ nhơ yiang Bên-sabul yỗn cứq bữn chóc táq ranáq ki. Ma khân cũai puai anhia mỗ táq ranáq machóng ki tê, anhia tở bữn pai alói

* **12:21** 12:21 Ê-sai 42:1-4 * **12:24** 12:24 Bữn noau dốq yiang Satan la ramứh yiang Bên-sabul hỡ.

bữn chóc tể yang Bê-n-sabul. Yuaq ngkíq, bữn cũai tể tốp anhia toáp tểq loah anhia. ²⁸ Ma khân cứq tuih aloỏh yang sâuq cũ Raviei Yang Sursĩ yỏn cứq táq, lứq ranáq ki apáh yỏn anhia dáng Yang Sursĩ táq sớt khoi q toáq chơ pở anhia.

²⁹ “Khân noau yoc ể mut đống cũai bán rêng cốp ỉt nheq cớng án, cóq noau chốq chíq cũai ki voai. Ki nốq tềq talỏh đống cũai ki cốp ỉt máh cớng án.†

³⁰ “Cũai aléq ma tở bữn pruam muoi mút cốp cứq, cũai ki lứq tở ểq cứq. Cốp cũai aléq ma tở bữn táq ranáq đốq chuai cũai canỏh yỏn pruam cốp cứq, la machớng cũai ki tở ểq yỏn cũai canỏh puai ngê cứq. ³¹ Ngkíq cứq atớng anhia neq: Cũai aléq ma bữn lỏih ntrớu, cốp cũai aléq ma acrieiq ramứh Yang Sursĩ, nheq ramứh lỏih ki táh tềq. Ma khân cũai aléq acrieiq Raviei Yang Sursĩ, lứq Yang Sursĩ tở nai táh lỏih ki. ³² Cũai aléq ma pai sâuq tể cứq Con Yang Cốt Cũai, lứq Yang Sursĩ táh lỏih ki. Ma khân cũai aléq ma pai sâuq tể Raviei Yang Sursĩ, lứq Yang Sursĩ tở nai táh lỏih ki tể đỏi nâi toau toáq đỏi ntun.”

Aluang Cốp Palâi
(Luca 6:43-45)

³³ Yê-su atớng ển neq: “Khân ể bữn palâi o, cóq bữn nỏm aluang o. Khân bữn nỏm tở o, ki palâi la tở o tề. Khân anhia hữm palâi, ki anhia dáng đếh nỏm. ³⁴ Anhia la samoát cusân bữn

† 12:29 12:29 Yê-su pai ngkíq cũ án ểq alỏi dáng neq: ‘Khân cứq yoc ể talỏh máh cớng yang Satan, cóq cứq bán rêng hỡn tể án. Ki nốq tềq cứq talỏh chíq cớng án.’

pih! Nốq anhia cũai sâuq ma têq pai santoiq o? Ngê ntróu tâng mút pahõm cũai, bõq cũai ki pai aloõh. ³⁵ Cũai mantoat o bữn ngê o tâng mút pahõm án. Ngkíq ranáq o loõh tẽ mút cũai ki. Cóp cũai loâi bữn ngê sâuq tâng mút pahõm án. Ngkíq ranáq sâuq loõh tẽ mút cũai ki. ³⁶ Ma cứq atõng anhia neq: Cũai atõng parnai tở cõt ốc, Yiang Sursĩ ẽ rablớh án tẽ ốc ki, toâq tangái Yiang Sursĩ rablớh nheq tửh cũai. ³⁷ Yuaq ngkíq, Yiang Sursĩ ẽ rablớh anhia tẽ máh santoiq anhia pai. Khân anhia pai santoiq o, ki án dáng anhia la cũai tanoang o. Ma khân anhia pai santoiq tở o, ki án dáng anhia la cũai sâuq cóp án táq tột anhia.”

Tõp Pha-rasi Sẻq Yê-su Táq Ranáq Salẻh
(*Mac 8:11-12; Luca 11:24-32*)

³⁸ Vót ki, bữn cũai yống rit cóp cũai tẽ tởp Pha-rasi sẻq tẽ Yê-su neq: “Thâi ời! Hẻq yoc ẽ hữm thâi táq ranáq salẻh.”

³⁹ Ma Yê-su ta-ỡi alới neq: “Cũai tâng dời nâi la loâi lứq, cóp alới tở ẻq sang noâng Yiang Sursĩ. Anhia sẻq tẽ cứq muoi ramứh tẻc salẻh, ma cứq tở bữn táq yỡn. Anhia khoiq bữn chơ ramứh tẻc salẻh tẽ Yô-na, la cũai tang bõq Yiang Sursĩ tẽ mbỏq. ⁴⁰ Yô-na ớt tâng púng sĩaq toâr bữn pái tangái pái sadâu. Machóng ki tê cứq Con Yiang Cõt Cũai ớt tâng ping cumuiq tâng cutẻq bữn pái tangái pái sadâu tê. ✧ ⁴¹ Yô-na pỡq atõng parnai Yiang Sursĩ pỡ vil Ni-navê. Chơ cũai tâng vil ki ngin lôih lẻq cõt mút tamái ẻn. Ngkíq, máh cũai

✧ 12:40 12:40 Yô-na 1:17

ki ẽ tẽq cũai tâng dõih nâi toâq tangái Yiang Sursĩ rablõh nheq tũh cũai. Yuaq sanua, tâng ntõq nâi bũn manoaq toâr hõn tẽ Yô-na! ⁴² Cóp puo mansẽm tẽ mbõq ca sốt cruang Sê-ba, án lứq tẽq cũai tâng dõih nâi toâq tangái Yiang Sursĩ rablõh nheq tũh cũai. Án tẽq tẽq ngkíq yuaq án toâq tẽ cruang yong lứq yoc ẽ tamúng ngê rangoaiq tẽ puo Sa-lamôn atõng. Ma sanua, tâng ntõq nâi bũn manoaq rangoaiq hõn tẽ Sa-lamôn!

⁴³ “Toâq yiang sâuq loõh vót tẽ tũ cũai, chơ yiang sâuq ki põq tâng ntõq sa-õt chuaq ntõq án tẽq rlu, ma án tũ bũn ramóh. ⁴⁴ Chơ án chanchóm neq: ‘Cứq ẽ chu loah põ ntõq cứq khoiq loõh tẽ nhũang.’ Tũ án chu loah põ ntõq ki, án hũm ống ntõq miat sâng. Ntõq ki bráh briel, cúp crong tâng ntõq ki khoiq atức carsiat chơ. ⁴⁵ Chơ án põq dũng achu tapul náq yiang sâuq canõh ẽn yõn õt parnõi cúp án tâng ntõq ki. Alói la sâuq hõn tẽ án. Ngkíq thrõq cũai ki sâuq clũih tẽ nhũang ẽn. Lứq samoât dõih sâuq nâi la machõng riang ki tẽ.”

*Mpiq Cóp Sẽm Ai Yê-su
(Mac 3:31-35; Luca 8:19-21)*

⁴⁶ Bo Yê-su noâng táq ntõng cúp cũai clứng ki, bũn mpiq cúp sẽm ai án õt tayúng yoah tiah. Alói yoc táq ntõng cúp án. ⁴⁷ Bũn manoaq cũai toâq atõng Yê-su neq: “Ki! Mpiq cúp sẽm ai thâi õt yáng tiah. Alói yoc ẽ táq ntõng cúp thâi.”

⁴⁸ Ma Yê-su blõh án neq: “Noau la mpiq cứq, cúp noau la sẽm ai cứq?”

49 Chơ Yê-su sadoi chu tốp rien tễ án, cớp án pai neq: “Nâi la mpiq cớp sễm ai cứq! 50 Mách cūai táq puai ngê Mpoaq cứq tâng paloõng, alõi la lứq sễm ai sễm õi cớp mpiq cứq.”

13

Parnai Sacâm Cūai Trứh Ốc (Mac 4:1-9; Luca 8:4-8)

1 Tâng tangái ki Yê-su loõh tễ dõng cớp pớq tacu cheq tor dớq clóng. 2 Bữn clứng cūai õt rôm pễ án. Ngkíq án chõn tacu tâng tuoc. Ma máh cūai clứng ki noâng õt tayứng tâng tor. 3 Chơ Yê-su atõng máh cūai ki sa-ũi ramứh toâq parnai sacâm. Án atõng neq: “Bữn manoaq cūai pớq trứh ốc. 4 Bo án trứh, bữn ốc satooh tâng rana. Chơ chóm srứh tot chíq ốc ki. 5 Bữn ốc canõh satooh tâng cutểq cada, pựn moang lantar. Ốc ki dách chái lứq, yuaq cutểq ki tỡ bữn yarũ. 6 Ma toâq moat mandang loõh phũac lứq, bát ki cõt khõ, yuaq rêh án tỡ bữn yarũ. Án roõh, chơ cuchĩt. 7 Bữn ốc canõh ễn satooh tâng cutểq bữn rêh bát sarlia. Tỡ bát sarlia ki dách, án éc chíq bát mbõiq dách tễ ốc cūai ki trứh. 8 Cớp bữn ốc canõh ễn satooh tâng cutểq o. Ốc ki dách o cớp cõt palâi o. Muoi nỡm cõt muoi culám ốc. Muoi nỡm canõh cõt tapoât chít ốc. Cớp muoi nỡm canõh ễn cõt pái chít ốc. 9 Aléq bữn cutữr yoc ễ tamứng, ki tamứng.”

Nớq Yê-su Atõng Toâq Parnai Sacâm? (Mac 4:10-12; Luca 8:9-10)

10 Tốp rien tễ Yê-su toâq pở án cớp blóh án neq: “Cỗ nỏq thâi atởng toâq parnai sacâm chỏq máh cũai ki?”

11 Yê-su ta-õi alói neq: “Cỗ Yiang Sursĩ khoiq yỗn anhia dáng chơ máh parnai cartooq tễ Yiang Sursĩ táq sỏt, ma án tở bữn yỗn alói ki dáng.

12 Cũai aléq khoiq bữn chơ, cứq yỗn cũai ki bữn sa-ữi lứq ẽn. Ma cũai aléq ỏq, máh ỏc cũai ki khoiq bữn, lứq cởt pút loah nheq. 13 Cứq atởng cũai ki toâq parnai sacâm, la cỗ alói nhêng ma alói tở bữn hữm, alói tamúng ma alói tở bữn sâng, cớp alói tở bữn dáng ntróu thág.

14 Ngkíq, cỗ tễ alói ki cởt rapĩeiq satoioq Ê-sai, cũai tang bỗq Yiang Sursĩ khoiq pai neq:

“Tam anhia tamúng níc,
ma anhia tở bữn sapúh.

Tam anhia nhêng níc,
ma lứq anhia tở bữn hữm ntróu thág.

15 Yuaq nheq tữh cũai nâi bữn mút coang,
ngkíq alói cupât chíq cutữ, tở ẽq sâng.
Cớp alói canhĩt chíq moat, tở ẽq hữm.

Khân moat alói lứq hữm, cutữ alói lứq sâng,
cớp mút pahỏm alói lứq dáng,
cỏh lơ alói ẽ pĩh loah lêq cởt mút tamái ẽn,
chơ cứq tahâu yỗn alói cởt bán.’☆

16 “Ma anhia bữn ỏc bốn sa-ữi lứq. Anhia bữn moat têq hữm cớp bữn cutữ têq sâng. 17 Cứq atởng anhia samoât lứq, bữn sa-ữi náq cũai tang bỗq Yiang Sursĩ tễ mbỏq, cớp bữn clúng cũai tanoang o canỏh tê, nheq tữh alói ẽr áiq yoc ẽ

☆ 13:15 13:15 Ê-sai 6:9-10

hữm máh ranáq anhia hữm sanua, ma alóí tở dáng bữn hữm. Cóp alóí ki yoc lứq sâng máh ọc anhia sâng sanua, ma alóí tở dáng bữn sâng.

*Yê-su Atỡng Tễ Parnai Sacâm Trứh Ớc
(Mac 4:13-20; Luca 8:11-15)*

¹⁸ “Ngkíq, anhia tamúng yỗn chễng parnai sacâm tễ manoaq trứh ọc la sacâm ntróu. ¹⁹ Bữn cũai tamúng parnai o tễ Yiang Sursĩ táq sớt, ma án tở bữn sapúh ntróu. Chơ yiang Satan toâq pữr ít chíq parnai o ki tễ mút pahõm án. Cũai ki samoât riang cutễq noau tĩn tâng rana. Ớc ki satooh, ma tở bữn dát ntróu. ²⁰ Bữn cũai canõh samoât riang cutễq cada pữn moang lantar. Tữ noau atỡng parnai Yiang Sursĩ, án tamúng parnai ki. Chái lứq án ít cốp pruan sa-âm parnai ki bũi ỡn lứq. ²¹ Ma án tở bữn cõt rêh yarũ. Ngkíq án bữn tamoong mahõi sâng. Khân bữn túh coat toâq pữ án cữ tian án sa-âm parnai Yiang Sursĩ, ki án tở bữn sa-âm noâng. ²² Bữn cũai canõh samoât riang cutễq bữn rêh bát sarlia. Tữ noau atỡng parnai Yiang Sursĩ, án tamúng parnai ki. Ma mút án ỡt lua cứt tâng dõi nâi, cốp án ham sốc bữn. Máh ramứh ki éc chíq parnai Yiang Sursĩ yỗn tở bữn cõt palâi ntróu. ²³ Ma bữn cũai canõh samoât riang cutễq o. Tữ noau atỡng parnai Yiang Sursĩ, án tamúng parnai ki cốp án sâng samoât samoi. Án ki cõt palâi. Muoi nỡm cõt palâi muoi culám ọc. Muoi nỡm canõh cõt palâi tapoât chít ọc. Cốp muoi nỡm canõh ển cõt palâi pái chít ọc.”

Yê-su Sacâm Saro Cóp Bát Canõh

²⁴ Yê-su atõng alóí toâq parnai sacâm ên neq: “Yiang Sursĩ táq sớt la samoât riang manoaq samiang choat sarô o tâng sarái án. ²⁵ Ma bữn muoi sadâu, bo nheq tửh cũai bẻq, án ca sâng ùan chỏq cũai ndỡm sarái, án mut trứh ỏc payuac yoaq nian tâng sarái ki. Moâm cũai ki trứh ỏc, chơ án loõh tẻ sarái. ²⁶ Toâq sarô ki dách cốp parlủm, ỏc payuac dách tẻ. ²⁷ Ngkíq máh cũai táq ranáq yỗn ncháu ki toâq atõng ncháu alóí neq: ‘Ncháu ơi! Lứq ma tỡ bữn, ncháu choat ống ỏc sarô sâng tâng sarái ncháu? Khân ngkíq, ki tẻ lẻq payuac yoaq nian ki toâq?’ ²⁸ Ncháu ta-ỡi alóí neq: ‘Bữn manoaq ca sâng ùan chỏq cứq táq ranáq ki.’ Alóí ca táq ranáq ki blớh sĩa neq: ‘Ncháu yoc hẻq pỡq rỏq chíq nỡm payuac yoaq nian ki tỡ?’ ²⁹ Ncháu ki ta-ỡi loah neq: ‘Tỡ bữn. Cứq ngcõh bo anhia rỏq nỡm payuac, anhia lứq rỏq dẻh nỡm sarô hỡ. ³⁰ Háí dỏq nỡm sarô cốp nỡm payuac ki dách parnơi yỗn toau toâq ngư tangái háí sớt. Tỡ tangái ki toâq, cứq ớn alóí ca sớt sarô neq: Anhia rỏq chíq nỡm payuac voai. Chơ anhia curỏm cốp apỏng tâng ùih máh nỡm ki. Moâm ki, anhia sớt sarô cốp chỏq tâng ntỏq cứq dỏq.’ ”

Yê-su Sacâm Tẻ Ốc Cacót Clũi Tẻ Canõh (Mac 4:30-32; Luca 13:18-19)

³¹ Yê-su atõng alóí toâq parnai sacâm sĩa neq: “Yiang Sursĩ táq sớt la samoât riang muoi ỏc cuplỏq lavúng. ³² Bữn cũai ỉt ỏc nãi dửng trứh tâng sarái án. Ốc nãi la cacót hỡn nheq tẻ máh

ốc canõh. Ma toâq án dánh, án toâr hõn nheq tẽ máh bát canõh. Án cõt samoât aluang, têq chõm táq sóh tâng abễng án.”

Yê-su Sacâm Cờng Táq Yõn Bễng Mi Cõt Pluoih

(Luca 13:20-21; Mac 4:33-34)

³³ Yê-su atõng alới muoi parnai sacâm ễn neq: “Yiang Sursĩ táq sốt la samoât riang cờng noau táq yõn bễng mi cõt pluoih. Bữn mansêm ít manhũt cờng ki; chơ án talốc cớp bốt mi tâng adéh pống. Chơ bốt mi ki cõt pluoih nheq.”

³⁴ Yê-su atõng dũ ramứh nâi na parnai sacâm chỏq cũai cứng ki. Án tỡ bữn atõng alới ốc ntrầu khân tỡ bữn atõng na parnai sacâm. ³⁵ Án táq ngkíq yõn cõt rapĩeiq santonq manoaq tang bỗq Yiang Sursĩ tẽ mbốq khoiq pai tẽ Yê-su neq:

“Bo cúq táq ntõng cớp alới,
 cúq atõng toâq parnai sacâm tẽ ốc cartoog
 tẽ tangái Yiang Sursĩ tễng paloõng cớp
 cutẽq.”✧

Yê-su Atõng Tẽ Parnai Sacâm Saro Cớp Bát Canõh

³⁶ Moâm ki Yê-su yõn cũai cứng ki chu; chơ án mut tâng đồng. Tõp rien tẽ án toâq sễq tẽ án neq: “Thâi ơi! Hếq sễq thâi aloõh ngê tẽ parnai sacâm saro cớp payuac yoaq nian.”

³⁷ Yê-su ta-õi alới neq: “Án ca choat saro o la Con Yiang Cõt Cũai. ³⁸ Sarái sacâm tẽ máh

cruang tâng cutêq nâi. Ốc o sacâm tễ nheq tửh cũai ca cốt con acái Yiang Sursĩ. Payuac yoaq nian sacâm tễ nheq tửh cũai ca cốt con acái yiang Satan. ³⁹ Án ca choat payuac yoaq nian la yiang Satan, án ũan Ncháu sarái ki. Ngư sot sarô la tangái Yiang Sursĩ rablớh nheq tửh cũai. Alói ca sot sarô, la máh ranêng Yiang Sursĩ. ⁴⁰ Alói ễ rợq cớp curóm payuac, chơ apống tâng ũih. Machớng ki tễ Yiang Sursĩ ễ táq chớq cũai tâng tangái án rablớh nheq tửh cũai. ⁴¹ Con Yiang Cốt Cũai ễ ớn ranêng án pợq dũ nốq án sốt, yỗn parôm máh cũai táq lôih cớp máh cũai paryống cũai canốh táq lôih. ⁴² Chơ ranêng ki ễ apống máh cũai lôih tâng pống sarloac. Nốq ki alói chiuq tởiq bap lứq. Alói nhiam u-ổi cớp carũot canêng tabang cồ sâng túh coat lứq. ⁴³ Bô ki máh cũai tanoang o bữn ốt tâng nốq Mpoaq alói tâng paloống sốt. Alói cốt samoât riang moat mandang claq tâng nốq ki. Aléq bữn cutữ yoc ễ tamứng, ki tamứng.”

Yê-su Sacâm Mun Moat Noau Túp Tâng Sarái

⁴⁴ “Yiang Sursĩ táq sốt la samoât noau túp cớng moat lứq tâng sarái. Toâq cũai canốh ramóh cớng ki, án cuból yỗn clờp loah, cớp án ớn lứq. Chơ án chu chềq nheq máh mun tâng đống án, chơ án pợq chỡng tâm sarái ki.”

Yê-su Sacâm Tễ Hốt Tiaq

⁴⁵ “Yiang Sursĩ táq sốt la samoât riang manoaq chuaq yoc ễ chỡng hốt tiaq o lứq. ⁴⁶ Toâq án ramóh muoi ốc hốt o hỡn tễ canốh, chơ án pợq

chếq chíq nheq máh mun án. Moâm ki án pờq chõng ốc hốt tiaq ki.”

Yê-su Sacâm Tễ Alieiq Táq Sĩaq

⁴⁷ “Cớp cứq sacâm neq: Yiang Sursĩ táq sốt la samoât riang alieiq sĩaq noau yoang tâng dõq. Án cớp dũ ramúh sĩaq. ⁴⁸ Tữ sĩaq chuat poân alieiq, máh cũai chuaq sĩaq ti alieiq achõn tâng tor. Chơ alóí tacu pác sĩaq. Sĩaq o, alóí chóc tâng adũ. Sĩaq sũaq, alóí táh. ⁴⁹ Toâq tangái Yiang Sursĩ rablớh nheq tữh cũai, án táq machõng ki tê. Án ón máh ranẽng án pờq pác cũai. Alóí ẽ parõm máh cũai, cớp cayoah cũai sũaq tễ cũai tanoang o. ⁵⁰ Chơ alóí ẽ apõng chíq máh cũai sũaq tâng põng sarloac. Tâng ntốq ki alóí chũuq tởiq bap lứq. Alóí nhiam u-õĩ cớp carũrot canẽng tabang cõ sâng túh arức lứq.”

⁵¹ Moâm ki Yê-su blớh tốp rien tễ án neq: “Máh ramúh nâi, anhia sapúh nheq ma tỡ bữn?”

Alóí ta-õĩ án neq: “Oq. Hếq sapúh chơ.”

⁵² Yê-su atõng ẽn neq: “Yuaq ngkíq, dũ náq cũai yõng rit tốp I-sarel ca khoiq rien tễ ngê Yiang Sursĩ táq sốt, tẽq atõng tễ ngê tiaq cớp ngê tamái yõn cũai canõh dáng. Nâi la samoât riang cũai ncháu đõng aloõh mun án tễ cớng tiaq cớp cớng tamái.”

*Yê-su Chu Pỡ Vil Na-sarết
(Mac 6:1-6; Luca 4:16-30)*

⁵³ Toâq Yê-su atõng moâm parnai sacâm ki, án loõh tễ ntốq ki. ⁵⁴ Án chu loah pỡ vil án, la vil Na-sarết. Ồt ngki án tabốq atõng tâng đõng sang

tõp I-sarel. Alói ca tamúng santomq án atõng ki sâng dót lúq. Chơ alói blóh neq: “Tẽ léq án bữn ngê rangoiq nâi? Cóp yuaq nõq án têq táq ranáq salễh ki? ⁵⁵ Lúq ma tỡ bữn, án nâi la con cũai Chiang táq pian? Lúq ma tỡ bữn, Mari la mpiq án, cóp Yacõ, Yô-sê,* Si-môn, cóp Yude la a-ễm án? ⁵⁶ Cóp lúq ma tỡ bữn, máh amuaq án õt muoi vil cóp hái? Ma tẽ léq án bữn máh ngê ki?”

⁵⁷ Chơ alói mumat Yê-su; alói sâng ũan lúq án atõng ngkíq. Yê-su atõng alói ễn neq: “Khân bữn manoaq cũai tang bõq Yiang Sursĩ pờq atõng tâng vil canõh, cũai tâng vil ki lúq yám noap án. Ma khân án atõng tâng vil án bữm, cóp tâng đống án bữm, alói ki tỡ bữn yám noap án.”

⁵⁸ Ngkíq Yê-su tỡ bữn táq sa-ữi ranáq salễh tâng vil ki, cõ alói tỡ bữn sa-âm.

14

Noau Cachĩt Chĩq Yang, Án Ca Táq Batẽm (Mac 6:14-29; Luca 9:7-9)

¹ Bo ki puo Hê-rôt sâng parnai noau atõng tẽ Yê-su. ² Án atõng cũai ranễng án neq: “Lúq án nâi la Yang ca đốq táq batẽm. Án yuor tamoong loah tẽ ping. Ngkíq yuaq án bữn chóc têq táq ranáq salễh.”

³ Hê-rôt pai ngkíq yuaq tẽ nhũang án khiq ớn tahan cõp cóp chốq Yang, chơ chốq tâng cuaq.

* **13:55** 13:55 Yô-sê nâi noau đốq Yô-sep hỡ.

Hê-rôt táq ngkíq cõ tian Hê-rô-dia, lacuoi án. Dâu lúq Hê-rô-dia la lacuoi Phi-lip, a-ẽm Hê-rôt. ⁴ Yang khoiq atõng puo Hê-rôt neq: “Yiang Sursĩ tở ẽq mới ít lacuoi a-ẽm mới!”

⁵ Ngkíq Hê-rôt ẽ cachĩt Yang, ma án ngcõh cũai proai, yuaq alóí pai Yang la cũai tang bõq Yiang Sursĩ.

⁶ Ma toâq muoi tangái Hê-rôt táq pêl bũi sanhữ tangái mpiq canõt án; chơ con cumữ Hê-rô-dia, toâq puan sarai yáng moat máh cũai tamoi ki. Cóp Hê-rôt sâng bũi lúq. ⁷ Án ữq cóp án thể dũan chók mansẽm ki neq: “Ntróu mới sẽq, cứq lúq yõn aki.”

⁸ Ngkíq mansẽm ki sẽq ariang mpiq án khoiq ón neq: “Cứq sẽq plở Yang, án ca dõq táq batẽm. Sẽq mới chók plở án tâng padien sanua toâp!”

⁹ Puo sâng ngua lúq. Ma cõ án khoiq thể dũan yáng moat máh tamoi, ngkíq án ón noau táq ariang mansẽm ki sẽq. ¹⁰ Án yõn noau mut cõh tacong Yang tâng cuaq. ¹¹ Noau chók plở Yang tâng padien cóp dũng asuoi yõn mansẽm ki. Chơ mansẽm ki chiau yõn mpiq án. ¹² Moâm ki tốp rien tẽ Yang toâq ít túp tở Yang, cóp alóí pởq atõng Yê-su tẽ ranáq nài.

*Yê-su Siem Cũai Sõng Ngìn Náq
(Mac 6:30-44; Luca 9:10-17; Yang 6:1-14)*

¹³ Tữ Yê-su sâng tẽ ranáq ki, án loõh tẽ ntõq án õt. Án chõn tâng tuoc cóp pởq chu ntõq tở bữn noau õt, yoc ẽ õt manoaq án sâng. Ma clứng cũai sâng noau pai án pởq; ngkíq alóí loõh tẽ

vil, cóp pởq ayũng puai Yê-su. ¹⁴ Tũ Yê-su sễng tễ tuoc, án hũm cũai cứng ki. Án sâng sarũiq táq chỏq alói, chơ án táq bán máh ỏc a-ĩ alói.

¹⁵ Cheq moat mandang tahỏr, tốp rien tễ Yê-su toàq pở án, pai neq: “Ntốq nài yong tễ cũai ỏt, cóp moat mandang khoiq cheq sadâu chơ. Sễq thài ỏn máh cũai cứng nài chu tễ nài mut tâng vil mpễr nài yỏn alói chỡng bũm cớng sana cha.”

¹⁶ Yê-su ta-ỏi alói neq: “Alói tở bũn cóq chu tễ nài. Anhia toàp yỏn alói bũn cớng sana cha.”

¹⁷ Ma alói atỡng Yê-su neq: “Hếq tở bũn ntrớu ễ yỏn alói cha. Bũn ớng sỡng lám bễng cóp bar lám sĩaq sâng.”

¹⁸ Yê-su ỏn alói neq: “Dũng bễng cóp sĩaq pở cúq.”

¹⁹ Yê-su ỏn máh cũai cứng ki tacu tâng cutễq. Chơ án ỉt sỡng lám bễng cóp bar lám sĩaq. Án tapoang achỏn chu paloỏng cóp sa-ỏn Yiang Sursĩ yỏn bũn cớng sana cha nài. Moâm ki án pĩh bễng ki. Chơ án chiau yỏn tốp rien tễ án tampễq yỏn máh cũai ki cha. ²⁰ Nheq tữh cũai cha pasai dũ náq. Moâm alói cha, tốp rien tễ Yê-su parỏm loah máh ngách bũn muoi chít la bar crớ. ²¹ Nheq tữh cũai ca cha ki, sám sỡng ngin náq, noap ớng cũai carsai samiang, ma tở bũn noap cũai mansễm cóp carnễn.

*Yê-su Tayáh Tâng Cloong Dỡq Clóng
(Mac 6:45-52; Yang 6:16-21)*

22 Moâm ki Yê-su ớn tốp rien tễ án chôn tâng tuoc cớp pớq nhũang án pớ yáng tooh dờq ki. Chơ án ớn máh cũai cứng ki chu pớ vil alói. 23 Vót cũai cứng ki chu nheq, Yê-su chôn tâng cóh manoaq án ể câu ngki. Toâq sadâu chơ, Yê-su ốt manoaq án tâng cóh ki. 24 Ma tốp rien tễ Yê-su ốt tâng tuoc mpúng dĩ clóng. Bữn dờq lampóh clúh tuoc alói hập lứq, yuaq cuyal ốt ploaq níc tuoc alói.

25 Cheq paloông rừm-rừm Yê-su toâq pớ alói. Án tayáh tâng cloong clóng dờq. 26 Từ tốp rien tễ Yê-su hữm án tayáh pớq tâng cloong clóng dờq, alói sâng ngcõh lứq, cớp alói pai neq: “Nâi la yiang cumuiq, oiq!”

Ngkíq alói hễ casang lứq cõ alói sâng ngcõh.

27 Bo ki toâp Yê-su atõng alói neq: “Yõn mút anhia ốt ien khễ. Nâi la tở cứq. Anhia chõi ngcõh ntrớu.”

28 Chơ Phi-er pai neq: “Ncháu ơi! Khân lứq Ncháu, cứq sễq Ncháu yõn cứq pớq ayững tâng cloong dờq toâq pớ Ncháu.”

29 Yê-su ta-õi án neq: “Toâq pớ nâi!”

Chơ Phi-er sễng tễ tuoc. Án tayáh tâng cloong dờq ể toâq pớ Yê-su.

30 Ma bo Phi-er sâng cuyal phát tâng tở án, án sâng ngcõh lứq. Chơ toâq án ể cloâm asễng tâng dờq, án arô casang lứq neq: “Ncháu ơi! Chuai tồh!”

31 Bo ki toâp Yê-su satoâp atĩ Phi-er, cớp âc achõn án tễ dờq. Cớp Yê-su atõng án neq: “Mới

sa-âm bĩq lứq! Nốq mới tở bữn sa-âm samoât samoi?”

³² Chơ Yê-su cớp Phi-er chõn tâng tuoc, cớp cuyal tở bữn phát noâng. ³³ Tốp rien tể Yê-su ca ốt tâng tuoc ki, alói cucõh sang Yê-su, cớp pai neq: “Lứq samoât Ncháu la Con Yiang Sursĩ!”

Yê-su Chuai Cũai A-ĩ Tâng Cruang Canê-saret (Mac 6:53-56)

³⁴ Vót alói clong clóng dõq, alói toâq pở cruang Canê-saret. ³⁵ Cũai tâng cruang ki saccoal Yê-su. Ngkĩq alói atõng yõn noau dững máh cũai a-ĩ tâng cruang ki toâq pở Yê-su. ³⁶ Cớp alói sểq tể Yê-su yõn máh cũai a-ĩ tềq satoaq chểu au tuar án. Cũai aléq ma satoaq, ngkĩq tở cũai ki cõt bán.

15

Yê-su Atõng Tể Rit Achúc Achiac (Mac 7:1-13)

¹ Ntun ki bữn máh cũai tể tốp Pha-rasi cớp tể tốp yõng rit, alói toâq pở Yê-su tể vil Yarusalem, cớp alói blóh Yê-su neq: ² “Nốq tốp rien tể thài tở bữn puai phểp rit achúc achiac hái? Nốq nhũang alói chi-cha ma alói tở bữn ariau atĩ puai phểp rit ki?”

³ Yê-su ta-õi alói neq: “Nốq anhia táh chíq ọc Yiang Sursĩ patâp, ma anhia puai rit anhia bữm ễn? ⁴ Lứq Yiang Sursĩ khoiq patâp neq: ‘Cóq anhia yám noap mpiq mpoaq anhia.✧ Cớp cũai aléq ma lóc acrieiq mpiq mpoaq,

✧ 15:4 15:4 Loõh Tể Ê-yip-tô 20:12; Patâp Loah 5:16

cũai ki cóq chũuq cuchĩt.' ✧

⁵ Yiang Sursĩ atõng ngkíq, ma anhia atõng neq: "Têq noau pai cóq mpiq mpoaq neq: "Máh ramúh cứq têq chuai anhia, ki cứq khiq ỹq sang yõn Yiang Sursĩ chơ." ⁶ Khân ngkíq, tở chuai mpiq mpoaq la thõi.' Ma cũai ki lứq tở bữn yám noap mpiq mpoaq án. Ngkíq anhia patõng níc tễ rit cũai, ma anhia táh chíq máh ốc Yiang Sursĩ patâp. ⁷ Anhia la cũai táq nan sâng! Lứq pñeiq máh santoiq Ê-sai pai tễ anhia neq:

⁸ 'Máh cũai nài khẽn cứq ống bỗq sâng, ma mút pahõm alói õt yong tễ cứq.

⁹ Alói sang cứq ma alói sang tở cõt ốc.

Alói atõng rit cốp phếp rit cũai chõng aloõh sâng.' " ✧

Ntróu Táq Yõn Cũai Cõt Sâuq?

(Mac 7:14-23)

¹⁰ Moâm ki Yê-su arô cũai cứng toâq pở án. Án atõng alói neq: "Anhia tamúng yõn samoât!

¹¹ Nheq tữh cớng sana cũai cóq tâng bỗq tở bữn táq yõn cũai cõt sâuq. Ma ngê ca bữn tâng mút, bỗq lứq pai aloõh, chơ ngê ki táq yõn cũai cõt sâuq."

¹² Moâm ki tốp rien tễ Yê-su toâq atõng án neq: "Thâi dáng ma tở bữn, tốp Pha-rasi sâng ùan lứq tễ máh santoiq thâi pai adóh ki?"

¹³ Yê-su ta-õi alói toâq parnai sacâm neq: "Khân nỡm aluang aléq ma Mpoaq cứq tâng paloõng tở bữn chóh, nỡ-ra Yiang Sursĩ rợq chíq

✧ 15:4 15:4 Loõh Tễ Ê-yip-tô 21:17; Lê-vi 20:9 ✧ 15:9 15:9 Ê-sai 29:13

nữm aluang ki. ¹⁴ Ngkíq, anhia chõỉ chanchóm ntróu tẽ alóỉ. Alóỉ la samoát riang cũai sũt moat ma yoc ẽ ayông cũai sũt canõh. Ngkíq alóỉ sapủl parnoi tâng prúng.”

¹⁵ Chơ Phi-er sễq tẽ Yê-su neq: “Sễq thâi atõng raloaih tẽ ỏc sacâm ki.”

¹⁶ Yê-su blóh alóỉ neq: “Nỏq anhia la tở bữn sapủh riang cũai canõh tê tở? ¹⁷ Anhia tở yũah sapủh sĩa? Crong sana mut tâng bỗq, lữn chu púng, chơ loõh na parnỏq. ¹⁸ Ma ngê cớp santoiq ntróu loõh tẽ bỗq, máh ngê ki loõh tẽ mút pahõm. Ngê ki táq yõn cũai cõt sâuq.

¹⁹ Máh ỏc sâuq ca chõng loõh tẽ mút cũai la neq: chanchóm ranáq sâuq, cachĩt cũai, cooc lacuoi tở la cayac noau, tở bữn lacuoi cayac ma bẻq parnoi, tutuoiq, thũ cũai, cớp lỏc acrieiq.

²⁰ Nheq ramứh nâi táq yõn cũai cõt lỏih. Ma khân cũai cha sana ma án tở bữn ariau atĩ, ỏc ki tở bữn lỏih ntróu.”

*Manoaq Mansẽm Tẽ Cruang Cana-an Sa-âm
Samoát Samoỉ
(Mac 7:24-30)*

²¹ Vót ki Yê-su loõh tẽ nỏtq ki, mut tâng cruang mpẽr vil Ti-rơ cớp vil Sadôn. ²² Bữn mansẽm tẽ tốp Cana-an ca ỏt tâng cruang ki toâq pở Yê-su, cớp pai casang lứq neq: “Ncháu ơi! Ncháu tẽ tống toiq puo Davĩt! Sễq Ncháu sarũiq táq cứq nứng. Con mansẽm cứq bữn a-ĩ hập lứq, bữn yiang sâuq payõh níc án.”

²³ Ma Yê-su tở bữn ta-õỉ án ntróu. Tốp rien tẽ Yê-su toâq pở Yê-su cớp pai neq: “Sễq thâi

ón mansẽm nài chu, yuaq án puai níc hái, rasẽq rasuong sa-ĩr lứq.”

²⁴ Yê-su ta-õi neq: “Yiang Sursĩ ón cứq toâq óng pỡ tốp I-sarel sâng. Alói la samoât riang charán cữu clóc rana.”

²⁵ Moâm Yê-su pai ngkíq, mansẽm ki toâq pỡ Yê-su cốp pai neq: “Cucốh Ncháu cứq ơi! Sẽq Ncháu chuai cứq nứng!”

²⁶ Ma Yê-su ta-õi neq: “Tỡ p̃ieiq ãt crớng sana carnẽn; chớ tời chíq yỗn acho cha.”

²⁷ Mansẽm ki ta-õi Yê-su, pai neq: “Lứq p̃ieiq Ncháu pai. Ma acho têq cha rabéq rayâl ca sarũoi pũn cachớng cha.”

²⁸ Chớ Yê-su ta-õi mansẽm ki: “Mớì la mansẽm sa-âm samoât samoi. Ramứh mớì sẽq, lứq cứq yỗn mớì bữn.”

Bo Yê-su pai ngkíq, con mansẽm ki cõt bán toâp.

Yê-su Táq Bán Clứng Cũai A-ĩ

²⁹ Yê-su loõh tẽ ntốq ki, pỡq cheq clóng Cali-lê ẽn. Chớ án chõn tacu tâng dũal. ³⁰ Clứng cũai toâq pỡ án. Alói dứng pỡ Yê-su máh cũai bữn sa-ũi ramứh a-ĩ neq: Cũai yỗt, cũai sũt moat, cũai ngong, cũai ralĩh, cốp clứng cũai a-ĩ canõh hỡ. Alói đớq máh cũai a-ĩ ki cheq ayũng Yê-su. Chớ Yê-su táq bán nheq máh cũai a-ĩ ki. ³¹ Máh cũai ki sâng dót lứq toâq alói hữm cũai ngong ma têq táq ntớng, cũai ralĩh ma cõt o loah, cũai yỗt ma têq pupỡq, cũai sũt ma cõt poang. Alói khẽn Yiang Sursĩ, la Yiang tốp I-sarel sang.

*Yê-su Siem Pôn Ngìn Náq
(Mac 8:1-10)*

³² Yê-su arô tốp rien tể án toâq pở án, cốp pai neq: “Cứq sâng sarũiq táq lứq chỏq máh cũai clứng nâi, cỗ alới ớt cốp cứq nheq pái tangái chơ, cốp alới ốq crơng sana cha. Cứq tở ểq yỗn alới chu púng miat sâng, cõh lơ alới dỏm veq tâng rana.”

³³ Tốp rien tể Yê-su blớh án neq: “Nỏq hái ể táq yỗn bữn crơng sana siem cũai clứng nâi, yuaq ntốq nâi yơng lứq tể cũai ớt?”

³⁴ Yê-su blớh loah alới neq: “Sếq lám bễng anhia bữn?”

Alới ta-ỡi neq: “Hếq bữn tapul lám bễng cốp bar pái lám sĩaq sâng.”

³⁵ Yê-su ớn cũai clứng ki tacu tâng cutểq.

³⁶ Chơ án ỉt tapul lám bễng cốp bar pái lám sĩaq ki. Án sa-ỡn Yiang Sursĩ yỗn bữn crơng cha nâi. Moâm ki án pĩh bễng cốp sĩaq avơi yỗn tốp rien tể án; chơ alới tampểq yỗn cũai clứng ki cha.

³⁷ Nheq tữh cũai ki cha pasâi nheq. Chơ tốp rien tể Yê-su parỏm loah sana clũi alới cha, bữn poân tapul crơo. ³⁸ Nheq tữh cũai ca cha ki, sám pỏn ngìn náq, noap ống cũai carsai samiang, tở bữn noap cũai mansẽm cốp carnẽn. ³⁹ Moâm ki Yê-su ớn cũai clứng ki chu. Chơ án chỏn tâng tuoc pỏq chu cruang Ma-cadan ễn.

16

*Tốp I-sarel Sếq Yê-su Táq Ranáq Salễh
(Mac 8:11-13; Luca 12:54-56)*

1 Bữn máh cũai tễ tộp Pha-rasi cớp tộp Sa-dusê toâq pỡ Yê-su. Alói yoc ẽ chim án. Ngkíq alói sễq muoi tếc tễ Yê-su, án lứq bữn chớc tễ Yiang Sursĩ, ma tỡ bữn. 2 Ma Yê-su ta-õi alói neq: “Bo moat mandang cheq ẽ pát, khân bữn sarõng cusâu, anhia pai: ‘Parnõ lứq phũac.’” 3 Cớp toâq tarựp paloõng mbõiq poang rừm-rừm, khân anhia hữm sarõng cusâu sĩa, anhia pai neq: ‘Tangái nài lứq mĩa choân.’” Ngkíq anhia dáng tếc tễ ramứl, mĩa tỡ la phũac, ma anhia tỡ bữn dáng ntróu tếc Yiang Sursĩ yõn anhia dáng tễ ngê án tâng dõi nài. 4 Cũai tâng dõi nài loài lứq, cớp alói tỡ ẽq trĩh Yiang Sursĩ. Alói sễq tễ cớq muoi tếc salễh, ma cớq tỡ bữn táq yõn. Alói bữn chớ tếc salễh tễ Yô-na, la cũai tang bõq Yiang Sursĩ tễ mbốq.”

Chớ Yê-su loõh tễ alói, cớp pỡq chu canõh ẽn.

Yê-su Atõng Tễ Ranáq Tộp Pha-rasi Cớp Tộp Sa-dusê Táq
(Mac 8:14-21)

5 Toâq tộp rien tễ Yê-su yang yáng tooh dờq clóng, alói khlĩr dừng bẽng. 6 Chớ Yê-su atõng alói neq: “Anhia õt yõn khểuq. Cớq anhia õt yong tễ crong táq yõn bẽng mi cõt pluoih tễ tộp Pha-rasi cớp tộp Sa-dusê.”

7 Alói ki sarhõng táq nờng loah parnai Yê-su pai. Cớp alói manoaq atõng manoaq neq: “Án atõng ngkíq, yuaq hái tỡ bữn dừng bẽng.”

8 Từ Yê-su sâng alói pai ngkíq, án atõng ẽn alói neq: “Dót oiq, anhia tỡ bữn sa-âm samoát

samoi! Nỗq anhia sarhống tễ ốq bễng cha? ⁹ Nỗq anhia tở yũah sapúh? Anhia sanhữ ma tở bữn tễ sỡng lám bễng cứq khoiq siem yỗn sỡng ngin náq cũai cha? Bo ki anhia parỗm loah bữn sếq crưo clữi tễ cũai ki cha? ¹⁰ Cớp anhia sanhữ ma tở bữn tễ tapul lám bễng cứq siem yỗn pỗn ngin náq cũai cha? Bo ki anhia parỗm loah bữn sếq crưo clữi tễ cũai ki cha? ¹¹ Toàq cứq atỡng anhia tễ crỡng táq yỗn bễng mi cõt pluoih tễ tộp Pha-rasi cớp tộp Sa-dusê, nỗq anhia tở bữn dáng ốc ki la parnai sacâm sâng?”

¹² Moâm Yê-su pai ngkíq, tộp rien tễ án dáng Yê-su tở bữn lứq atỡng tễ crỡng táq yỗn bễng mi cõt pluoih. Ma án atỡng tễ ngê tộp Pha-rasi cớp tộp Sa-dusê atỡng.

Phi-er Ngin Yê-su

(Mac 8:27-30; Luca 9:18-21)

¹³ Toàq Yê-su mut tâng cruang cheq vil Sê-sarê Phi-lip, án blớh tộp rien tễ án neq: “Máh cũai pai cứq Con Yiang Cốt Cũai la noau?”

¹⁴ Alói ta-ỡi neq: “Bữn cũai pai thâi la Yang ca đốq táq batẽm. Bữn cũai pai thâi la Ê-li. Cớp bữn cũai canốh ễn pai thâi la Yê-ramia, tở la manoaq tang bỗq Yiang Sursĩ.”

¹⁵ Yê-su blớh loah alói neq: “Ma anhia ễn pai cứq la noau?”

¹⁶ Chơ Si-môn Phi-er ta-ỡi Yê-su neq: “Thâi la Crít, án ca Yiang Sursĩ rườh đốq chuai amoong cũai. Thâi la Con Yiang Sursĩ, án ca tamooing mantái.”

17 Chơ Yê-su atỡng loah Phi-er neq: “Bổn lứq mới, Si-môn con Yô-na! Ốc nâi tở bữn tể cũai atỡng, ma ốc nâi Mpoaq cứq tâng paloỡng yỗn mới đáng. 18 Cứq atỡng mới, mới la samoât riang tamáu, ngkíq mới bữn ramứh Phi-er ễn.* Cóp cồ nhơ ốc mới ngin ki, cứq yỗn sa-ữi náq cũai mut tâng tốp sa-âm cứq. Chóc tể yiang sâuq tở têq riap ntróu tốp ki. 19 Cứq yỗn mới bữn chóc tâng tốp Yiang Sursĩ sốt.† Ngkíq ramứh ntróu mới pruam, lứq Yiang Sursĩ pruam ramứh ki tê. Cóp ramứh ntróu mới tở bữn pruam, Yiang Sursĩ tở bữn pruam ramứh ki tê.”

20 Moâm Yê-su pai ngkíq, án patâp tốp rien tể án chõi yỗn noau canõh đáng án la Crít, án ca Yiang Sursĩ rườh đợq chuai amoong cũai.

*Yê-su Atỡng Tể Án Chũuq Túh Coat Cóp Cuchit
(Mac 8:31-9:1; Luca 9:22-27)*

21 Vớt tể ki Yê-su tabốq atỡng raloaih lứq yỗn tốp rien tể án đáng. Án pai neq: “Cứq cóq pợq chu vil Yaru-salem. Ồt ntốq ki cứq cóq chũuq sa-ữi ramứh túh coat. Mách cũai sốt nheq sâu, máh cũai sốt tốp tểng rit sang Yiang Sursĩ, cóp máh cũai yống rit, alóí ễ táq cứq. Chơ alóí cachit chíq cứq, ma catâm tangái pái cứq yuor tamoong loah.”

22 Moâm ki Phi-er dững Yê-su loõh cóp án. Chơ án sươq Yê-su neq: “Ncháu cứq ơi! Cứq sẽq

* **16:18** 16:18 Tâng parnai Créc, ramứh Phi-er parlong loah la ‘tamáu’. † **16:19** 16:19 Tâng parnai Créc rana nâi pai: ‘Cứq yỗn mới bữn con cachũo.’

Yiang Sursĩ chuai yõn máh ọc nâi chõĩ yõn toâq pữ Ncháu!”

²³ Yê-su pính mieiq cốp atõng chóc Phi-er neq: “O yiang Satan, mới õt coah clĩ cứq! Mới ẽ catáng cứq, tở yõn táq moâm ranáq cứq! Mới tở bữn chanchóm tẽ ranáq Yiang Sursĩ! Ma mới chanchóm tẽ ngê cūai sâng!”

²⁴ Moâm ki Yê-su atõng tốp rien tẽ án neq: “Khân bữn cūai aléq yoc ẽ puai cứq, cốp án táh chíq ngê án bữm. Cốp án ỉt dõĩ aluang sangcáng án bữm, cốp cốp án puai cứq. ²⁵ Cūai aléq ma paséq rangứh án bữm, cūai ki lứq pút rangứh án. Ma cūai aléq ma chũuq pút rangứh án cõ tian án puai ngê cứq, rangứh cūai ki lứq tở nai pút. ²⁶ Khân cūai aléq ma bữn túc palẽc crong cróu tâng dõĩ nâi, ma án táh chíq rangứh án bữm, ntróu la kia yõn án? Cốp acán ntróu cūai têq ralêq loah yõn rangứh án? ²⁷ Nỡ-ra Con Yiang Cõt Cūai lứq toâq loah parnơi cốp ranẽng Yiang Sursĩ, cốp án bữn chóc ang-ữr tẽ Mpoaq án tâng paloõng. Bo ki án yõn nheq tữh cūai bữn cõng puai loah máh ranáq alóĩ khoiq táq. ²⁸ Cứq atõng anhia samoât lứq, bữn cūai tayứng ntốq nâi sanua, alóĩ tở yũah cuchĩt toau toâq alóĩ bữn hữm Con Yiang Cõt Cūai táq sốt.”

17

*Roáp Yê-su Cõt Mpha Ễn
(Mac 9:2-13; Luca 9:28-36)*

¹ Vót tapoát tangái ẽn Yê-su dững Phi-er, cốp alói bar nác sêm ai Yacõ cốp Yang, chõn nững án tâng cóh sarõih. Ông alói põn nác toáp õt ngki. ² Ngkíq Yê-su samblót cõt roáp mpha ẽn yáng moat alói pái nác ki. Mieiq án claq samoát riang moat mandang. Cốp tampác án cõt cloc sarbal moat. ³ Cốp alói pái nác ki hữm Mõi-se cốp Ê-li táq ntõng cốp Yê-su. ⁴ Chơ Phi-er atõng Yê-su neq: “Ncháu ơi! Hái õt nài la o lứq. Khân Ncháu ẽ bữn, ki hếq ẽ táq pái lám nloâh, muoi lám yõn Ncháu, muoi lám yõn Mõi-se, cốp muoi lám ẽn yõn Ê-li.”

⁵ Bo Phi-er noâng pai, bữn ramủl cloc sễng clũom catáng alói. Cốp bữn sường sabau atõng tễ ramủl ki neq: “Nài la Con cứq, án ca cứq ayooq lứq. Ntróu án táq, lứq cứq bũi nheq. Ntróu án atõng anhia, cóq anhia tamúng cốp trĩh án.”

⁶ Tử alói pái nác tốp rien tễ Yê-su sâng sường ki, alói pũp muoi tatúp tâng cutếq. ⁷ Yê-su toâq satoaq alói ki, cốp án pai neq: “Anhia yuor tayứng! Chõi ngcõh ntróu!”

⁸ Ngkíq alói tapoang achõn, hữm ống manoaq Yê-su sâng.

⁹ Bo alói ki sễng tễ cóh, Yê-su patáp alói pái nác ki neq: “Anhia chõi atõng yõn noau canõh dáng máh ramủh anhia khoiq hữm toau toáp tangái cứq, la Con Yiang Cõt Cũai, cuchit, chơ tamoong loah tễ ping.”

¹⁰ Chơ tốp rien tễ Yê-su blớh án neq: “Nốq cũai yống rit pai Ê-li cóq toâq nhũang Crĩt?”

11 Yê-su ta-ôi loah alói ki neq: “Lứq Ê-li toâq nhũang, đởq atức dũ ramứh yỗn tamái loah.

12 Ma cứq atởng anhia, lứq Ê-li khoi q toâq chơ, cớp cũai tở bữn dáng tở la saccoal án. Ma ranáq ntrớu noau yoc ẽ táq chớq án, ki lứq alói khoi q táq chơ. Nỡ pra alói ẽ táq machớng ki tê chớq cứq, Con Yiang Cốt Cũai.”

13 Moâm ki, alói tốp rien tễ Yê-su dáng Yê-su pai Ê-li la sacâm tễ Yang ca táq batêm.

*Yiang Sâuq Payốh Con Samiang
(Mac 9:14-29; Luca 9:37-43a)*

14 Bo alói ki chu loah pở cũai cứng, ki bữn manoaq samiang toâq pở Yê-su. Án sacỏh racỏl, cớp án pai neq: 15 “Ncháu ơi! Cứq sễq Ncháu sarũiq táq con samiang cứq, yuaq con cứq bữn a-ĩ yủh casong. Toâq án mứh án dỏm tâng ùih tở la tâng dỡq. 16 Cứq khoi q dững án pở tốp rien tễ Ncháu chơ, ma alói ki tở têq táq bán.”

17 Ngkíq Yê-su ta-ôi neq: “Anhia cũai ơi! Máh anhia ca ỏt tâng dỡi nâi, lứq anhia tở bữn sa-âm, cớp anhia loái lứq. Noâng máh léq dũn cứq ỏt cớp anhia? Cớp noâng dũn máh léq, cứq cóq chũuq tanhữr anhia tở bữn sa-âm cứq? Dững asuoi con ki toâq pở cứq!”

18 Chơ Yê-su sườq yiang sâuq yỗn án loỏh chíq tễ tở con ki. Tữ yiang sâuq loỏh tễ tở con ki, con ki cớt bán.

19 Vớ tễ ki, Yê-su ỏt parnỏi cớp ớng tốp rien tễ án. Alói blớh Yê-su neq: “Nỏq hếq ma tở riap tuih aloỏh yiang sâuq ki?”

20 Yê-su ta-õi alói neq: “Ốc ki la cõ anhia tở bữn lứq sa-âm. Cứq atởng anhia samoât lứq, khân anhia lứq sa-âm, lứq pai ốc sa-âm anhia toâr máh muoi ốc cuplốq lavứng sâng, ki têq anhia ớn cóh nâi neq: ‘Cứq ớn mới pữq tể ntốq nâi pữq ốt chu ntốq canỏh ki ển!’ Khân anhia ma bữn ốc sa-âm ngkíq, lứq cóh ki pữq. Khân anhia ma sa-âm samoât samoi, ki ranáq ntrứu anhia yoc ể táq, lứq cõt ranáq ki. ²¹ Cũai aléq yoc riap tuih aloỏh yiang sâuq máh nâi, cóq cũai ki câu samoât samoi cóp ót cha sana cõ yoc ể chanchỏm tể ngê Yiang Sursĩ.”*

*Yê-su Atởng Sĩa Tể Án Chũuq Cuchĩt
(Mac 9:30-32; Luca 9:43b-45)*

²² Bo nheq tốp rien tể Yê-su rôm tâng cruang Cali-lê, Yê-su atởng alói neq: “Cheq chơ noau chiau cứq, Con Yiang Cõt Cũai, pữ atĩ cũai sớt. ²³ Lứq alói cachĩt cứq, ma catâm tangái pái cứq yuor tamoong loah.”

Ngkíq tốp rien tể án sâng ngua lứq.

Yê-su Yỗn Práq Thễq

²⁴ Bo Yê-su cóp tốp rien tể án toâq pữ vil Cabê-na-um, ki cũai tốp Dống Sang Toâr chát máh cũai I-sarel cóq yỗn práq chuai tâng Dống Sang. Alói toâq pữ Phi-er cóp alói blớh án neq: “Thâi mới yỗn práq pữ dống sang tê, ma tở bữn?”

²⁵ Phi-er ta-õi neq: “Lứq án yỗn tê.”

* **17:21** 17:21 Sa-õi tâm saráq tể mbốq tở bữn bữn rana 21 nâi.

Tữ Phi-er mut tâng đống, Yê-su blóh toáp án neq: “Si-môn ơi! Ntróu mới chanchóm, máh puo tâng dôi nâi parôm ít práq tễ noau? Alói ít práq tễ cruang alói bữm, tở la tễ cruang ca alói khoiq chíl riap?”

²⁶ Phi-er ta-õi Yê-su neq: “Lúq alói ít tễ cruang canốh.”

Ngkíq Yê-su pai ễn: “Khân ngkíq, lúq máh cũai ốt tâng cruang bữm, ki alói tở bữn yỗn práq ntróu.† ²⁷ Ma hái tở ểq alói ca parôm práq ki sâng ngua cóp hái. Ngkíq mới pỏq tabáih sĩaq tâng đởq clóng. Sĩaq tễ dâu mới bữn ki, mới cáh bỗq. Chơ mới ít muoi ốc práq tễ bỗq án. Práq ki dũ yỗn hái yỗn práq thểq Đống Sang ki. Chơ mới đừng achu yỗn alói ca parôm práq thểq.”

18

Noau Toâr Clữi Nheq Tễ Canốh?

(Mac 9:33-37, 42-48; Luca 9:46-48; 17:1-2)

¹ Bo ki tốp rien tễ Yê-su toáp pở án cóp blóh neq: “Tâng tốp Yiang Sursĩ sốt, noau toâr hỡn nheq tễ canốh?”

² Yê-su arô manoaq carnễn cóp yỗn án tayứng mpúng dĩ tốp alói. ³ Chơ Yê-su pai neq: “Cúq atống anhia samoât lúq, khân anhia tở bữn ralêq mút cóp cõt samoât riang carnễn nâi, lúq anhia tở têq mut tâng tốp Yiang Sursĩ sốt. ⁴ Cũai alêq ma asềng tở yỗn cõt samoât riang carnễn nâi, cũai ki cõt toâr clữi nheq tễ canốh tâng tốp

† **17:26** 17:26 Yê-su sacâm Đống Sang Yiang Sursĩ la samoât riang cruang án bữm.

Yiang Sursĩ sốt. ⁵ Cóp cũai aléq ma roap manoaq carnẽn máh nâi cõ án sa-âm cứq, cũai ki roap đéh cứq tê.

⁶ “Cũai aléq ma radững manoaq carnẽn ca khoi q sa-âm cứq, yõn tở bữn sa-âm noâng cứq, o lứq la noau alẽu tamáu toâr tâng tacong án cóp apõng án tâng đõq mut, nhũang án ẽ toâq radững carnẽn ki calõih táh cứq. ⁷ Coat lứq yõn cũai tâng dõi nâi, yuaq bữn sa-ữi ramứh ẽ radững alõi táq lôih. Máh ramứh ki lứq cõt, ma bap lứq toâq pỡ cũai ca radững cũai canõh táq lôih.

⁸ “Ngkíq, khân atĩ tở la ayững anhia ma radững anhia táq lôih, cóq anhia cõh voang chíq atĩ tở la ayững ki. Khaq anhia tamoong cóp bữn mut tâng ntốq Yiang Sursĩ sốt bữn atĩ tở la ayững talút, saláng bữn dũ bar lám atĩ tở la ayững ma Yiang Sursĩ voang anhia tâng põng sarloac. ⁹ Cóp khân ớc moat anhia ma radững anhia táq lôih, cóq anhia culáiq voang táh chíq ớc moat ki. Khaq anhia pút muoi ớc moat ma bữn tamoong, saláng bữn dũ bar ớc moat ma Yiang Sursĩ voang anhia tâng põng sarloac.”

*Yê-su Sacâm Charán Cũu Pút Ma Ramóh Loah
(Luca 15:3-7)*

¹⁰ “Anhia nhêng o! Chõi mumat muoi noaq aléq tẽ máh carnẽn nâi. Yuaq cứq atõng anhia neq: Máh ranẽng Yiang Sursĩ tâng paloõng bán kĩaq níc carnẽn ki. Máh ranẽng ki õt níc yáng moat Mpoaq cứq tâng paloõng. ¹¹ Con Yiang Cõt

Cũai toađ pở cutêq nâi, cỗ ẽ chuai amoong máh cũai clóc rana.*

¹² “Nỏq anhia chanchóm? Khân bữn manoaq samiang bữn muoi culám cũu, ma khân muoi lám cũu án clóc rana, ntróu cũai ki táq? Lứq án đởq takêh chít takêh lám tâng lểng, chơ án chõn toáp tâng cớh đởq chuaq ravoát muoi lám cũu ca khoiđ clóc rana ki. Lứq tở? ¹³ Cứq atởng anhia samoát lứq, khân án ramóh loah cũu ki, án lứq sâng bũi hỡn tể cũu takêh chít takêh lám ca tở bữn pứt. ¹⁴ Machớng ki tẽ Mpoaq anhia tâng paloỏng tở ẽq yỏn pứt muoi noaq tể carnễn nâi.”

Yê-su Atởng Tể Sẻm Ai Ca Táq Lỏih

¹⁵ “Khân bữn manoaq sẻm ai ma táq lỏih chỏq mới, cớq mới pỏq sỏoq cớp atởng án, ỏng anhia bar náq sâng. Khân án tamứng santoiđ mới, ki án cớt loah sẻm ai mới. ¹⁶ Ma khân án tở bữn tamứng santoiđ mới, cớq mới đứng muoi tở la bar náq ẻn, chơ pỏq loah pở án. Táq ngkíq anhia puai phẻp rit Yiang Sursẻ khoiđ patáp, đởq yỏn bar pái náq ẻn atởng yỏn dáng raloaih án bữn lỏih.✧ ¹⁷ Ma khân án tở bữn tamứng tẽ bar pái náq ki, chơ anhia atởng yỏn nheq tữh tốp sa-âm dáng tẽ. Cớp khân án tở bữn trẻh tốp sa-âm, chơ anhia táq chỏq cũai ki ariang án la cũai tở bữn sa-âm, tở la ariang án la cũai parỏm práq thẻq.

¹⁸ “Cứq atởng anhia samoát lứq, ramứh ntróu anhia pruam, lứq Yiang Sursẻ pruam ramứh ki

* **18:11** 18:11 Sa-ửi tâm saráq tể mbỏq tở bữn bữn rana 11 nâi.

✧ **18:16** 18:16 Patáp Loah 19:15

tê. Cóp ramúh ntróu anhia tở bữn pruam, Yiang Sursĩ tở bữn pruam ramúh ki tê. ¹⁹ Cóp lứq samoât cứq atỡng anhia tê, khân bữn bar nác ốt tâng cốc cutểq nâi, ma pruam muoi mút sểq muoi ramúh ntróu tể Yiang Sursĩ, Mpoaq cứq tâng paloỡng lứq yỗn anhia bữn ọc ki. ²⁰ Yuaq toâq bar pái nác ốt rôm parnoi yoc ể puai ngê cứq, cứq lứq ốt parnoi cóp alói.”

Yê-su Atỡng Tể Cũai Tu Práq

²¹ Moâm ki Phi-er toâq pở Yê-su cóp blóh án neq: “Ncháu ơi! Khân sểm ai cứq táq lôih chóc cứq, sểq trỗ cứq cóq táh lôih án? Tapul trỗ péq tở, Ncháu?”

²² Yê-su ta-ôi loah án neq: “Cứq tở bữn pai ống tapul trỗ sâng. Ma cóq anhia táh lôih án tapul chít trỗ tapul.”

²³ “Yiang Sursĩ táq sốt la samoât riang manoaq cũai puo. Puo ki ể blóh loah práq tể cũai tu án. ²⁴ Dâu lứq noau dững pở puo, cũai ca tu án tở dáng sểq trieu práq. ²⁵ Cũai ki tở bữn ntróu ể culáh práq puo. Ngkíq puo ớn noau dững chểq chíq án, cóp chểq dểh con lacuoi án yỗn cốt sũl cũai canốh. Cóp noau chểq dểh mun án hỡ. Nheq práq kia ki, chơ ít culáh práq tu puo. ²⁶ Ma cũai tu ki sacốh racól yáng moat puo, cóp án pai neq: ‘Sểq cucốh puo. Sểq puo chỗi cartál yũah. Hểq sểq sâi sa lua cút voai, chơ hểq lứq culáh dũ yỗn puo.’ ²⁷ Tữ puo ki sâng cũai ki cuap ngkíq, án sâng sarũiq táq chóc cũai ki. Chơ án táh nheq máh práq cũai ki tu án. Cóp án yỗn cũai ki chu.

28 “Ma từ cũai ki loõh tẽ puo, án ramóh manoaq yóu ca tu án. Yóu ki tu án bĩq práq sâng. Ma án cháp tacong yóu ki, cóp pai neq: ‘Mới culáh toáp práq mới tu cứq.’ 29 Cũai tu án ap tâng cutẽq, cóp sễq cuap án neq: ‘Mới chõ cartál yũah. Cứq sễq sâi sa lua cút voai, chơ cứq lứq culáh dũ yõn mới.’ 30 Ma án tở pruum. Án yõn noau cõp cũai tu án, dững kháng tâng cuaq toau toâq cũai ki culáh dũ nheq práq án. 31 Toâq cũai canõh ca táq ranáq puo, hữm án táq ngkíq, alóí sâng ngua lứq. Chơ alóí chu atõng puo. 32 Ngkíq puo arô loah cũai ki. Án pai chóc cũai ki neq: ‘Mới la cũai sâuq la-õq. Cứq táh nheq máh práq mới tu cứq cõ mới cuap cứq. 33 Ma nõq mới tở bữn ayooq táq yóu machóng cứq ayooq táq mới?’ 34 Puo ki sâng cutâu lứq. Chơ án ớn noau chóc cũai ki tâng cuaq tũ toau cũai ki culáh dũ nheq práq puo ki.”

35 Chơ Yê-su atõng ẽn neq: “Machóng ki tê Mpoaq cứq tâng paloõng ẽ táq chóc anhia, khân anhia tở bữn táh lôih yõn sễm ai anhia tẽ mứt pahõm anhia.”

19

Yê-su Atõng Tẽ Cũai Táh Lacuoi (Mac 10:1-12)

1 Moâm Yê-su atõng santioiq ki, án loõh tẽ cruang Cali-lê; chơ mut pở cruang Yudê ẽn yáng tooh crõng Yô-dan. 2 Ớt ngki bữn clững cũai puai án, cóp Yê-su táq bán nheq ramứh cũai ki bữn a-ĩ.

3 Bữn cũai tễ tộp Pha-rasi toâq pỡ Yê-su yoc ẽ chim án. Alói blớh án neq: “Puai phễp rit hái, têq cũai samiang táh lacuoi án khân án sâng yoc, ma tỡ bữn?”

4 Yê-su ta-ỡi loah alói: “Lứq anhia khoiq doc chơ tâng tâm saráq Yiang Sursĩ án pai neq: ‘Dâu lứq Yiang Sursĩ tễng cũai samiang cớp cũai mansẽm.’[✧]

5 Cớp Yiang Sursĩ pai ẽn neq:

‘Yuaq ngkíq cũai samiang ẽ yoah tễ mpiq mpoaq, chơ õt parnõi cớp lacuoi án ẽn.

Ngkíq alói bar náq lacuoi cayac cõt máh muoi noaq sâng.’[✧]

6 Alói tỡ bữn cõt noâng bar náq. Ma alói cõt manoaq sâng. Ngkíq, cỗ Yiang Sursĩ amóh alói yỗn cõt lacuoi cayac, tỡ têq cũai aléq caryoah yỗn cõt ratáh.”

7 Cũai Pha-rasi ki blớh Yê-su ẽn neq: “Ma Mũi-se khoiq patâp hếq, khân cũai aléq yoc ẽ táh lacuoi, án cóq táq choâiq ratáh yỗn cũai canõh dáng. Ngkíq án têq táh lacuoi án.”[✧]

8 Ma Yê-su ta-ỡi alói neq: “Cỗ tian anhia bữn mút pahõm coang lứq, cớp tỡ ẽq tamứng parnai Yiang Sursĩ, ngkíq yuaq Mũi-se patâp anhia têq táh lacuoi. Ma tễ dâu Yiang Sursĩ tễng túc culám khám ramứh, án tỡ bữn yỗn táq ngkíq. ⁹ Ngkíq cúq atõng anhia neq: Cũai aléq táh lacuoi, ma lacuoi án tỡ bữn bếq parnõi cớp samiang canõh,

✧ 19:4 19:4 Saráq Tễ Dâu 1:27; 5:2 ✧ 19:5 19:5 Saráq Tễ Dâu 2:24 ✧ 19:7 19:7 Patâp Loah 24:1-4

ma án ãt mansẽm canõh ẽn, án táq lòih samoát án cooc lacuoi noau tê.”

¹⁰ Tõp rien tẽ Yê-su atõng án neq: “Khân lacuoi cayac ma tõ têq ratáh, khaq chõ ãt noâng lacuoi cayac.”

¹¹ Yê-su ta-õì alóì neq: “Máh santoiq cứq atõng anhia nài, tõ bữn dũ náq cũai riap ãt noap santoiq nài. Ông alóì ca Yiang Sursĩ chuai sâng riap ãt santoiq nài. ¹² Bữn cũai tõ ẽq ãt lacuoi yuaq tõ alóì tõ bữn o tẽ tangái mpiq alóì canõt. Bữn cũai canõh tõ ẽq ãt lacuoi yuaq bữn noau khoiq lát alóì. Cóp bữn cũai canõh tõ ẽq ãt lacuoi yuaq alóì yoc ẽ táq ranáq Yiang Sursĩ nheq rangứh rahõ alóì. Cũai aléq rơi ãt noap máh santoiq nài, yõn cũai ki ãt noap.”

Yê-su Câu Yõn Carnẽn
(Mac 10:13-16; Luca 18:15-17)

¹³ Bữn cũai dừng máh carnẽn toáq pỡ Yê-su ẽq Yê-su satoaq atĩ tâng carnẽn ki, cóp câu yõn alóì. Ma tõp rien tẽ Yê-su sươq máh cũai ca dừng carnẽn ki. ¹⁴ Yê-su pai neq: “Anhia yõn carnẽn ki toáq pỡ cứq. Chõ catáng alóì, yuaq tâng tõp Yiang Sursĩ sớt bữn ống cũai ca bữn mút pahõm samoát carnẽn.”

¹⁵ Moâm Yê-su satoaq atĩ tâng máh carnẽn ki, chơ án pỡq tẽ ntốq ki.

Cũai Póng Ca Sốc
(Mac 10:17-31; Luca 18:18-30)

16 Bữn manoaq samiang toâq pỡ Yê-su. Án blớh Yê-su neq: “Thâi oi! Ranáq o ntróu cóq cúq táq đợc têq cúq bữn tamoong mantái?”

17 Yê-su ta-ôi án neq: “Nốq mới blớh cúq tễ ranáq o? Ổng Yiang Sursĩ toâp lứq o. Khân mới yoc ẽ bữn tamoong mantái, cóq mới trỉh nheq ọc Yiang Sursĩ patâp.”

18 Cũai samiang ki blớh loah neq: “Ốc patâp ntróu?”

Yê-su ta-ôi án neq: “Chỗi cachĩt cũai; chỗi cooc lacuoi tỡ la cayac noau; chỗi tutuoiq; chỗi táq ntông lauq; 19 yám noap mpiq mpoaq;✧ cóp ayooq yóu machống mới ayooq tồ mới bữm.”✧

20 Cũai póng ki ta-ôi loah neq: “Dũ ọc patâp ki cúq khoiq trỉh chơ. Ma ọc ntróu ễn cúq tỡ yũah táq?”

21 Yê-su atống loah án neq: “Khân mới yoc ẽ táq yỗn dĩ nheq, ki cóq mới pỡq chệq nheq máh mun mới, chơ ít práq ki chuai yỗn máh cũai cadĩt. Khân mới táq ngkíq, mới lứq bữn mun ngoaih tâng paloống. Chơ mới toâq puai cúq.”

22 Moâm Yê-su pai ngkíq, cũai póng ki pỡq tễ ki cóp án sâng ngua lứq, cỗ án la cũai sốc bữn.

23 Moâm ki Yê-su atống tốp rien tễ án neq: “Cúq atống anhia samoât lứq, coat lứq yỗn máh cũai sốc mut tâng tốp Yiang Sursĩ sốt. 24 Cóp cúq atống anhia ễn neq: Charán lac-da ma luaiq hống srúm, khễ hỡn tễ cũai sốc mut tâng tốp Yiang Sursĩ sốt.”

✧ 19:19 19:19 Loõh Tễ Ê-yip-tô 20:12-16; Patâp Loah 5:16-20

✧ 19:19 19:19 Lê-vi 19:18

²⁵ Tữ tồp rien tễ Yê-su sâng ngkiq, alói sâng dót lứq cốp alói blóh neq: “Khân ngkiq, noau têq mut tâng tồp Yiang Sursĩ sôt?”

²⁶ Yê-su nhêng chu alói cốp atông alói neq: “Cũai tở têq táq bữm ranáq ki, ma Yiang Sursĩ têq táq nheq tữh ranáq.”

²⁷ Phi-er ta-ôi Yê-su neq: “Hêq khoiq táh nheq dũ ramứh hêq bữn, yuaq hêq puai thâi. Ngkiq nỡ-ra hêq bữn roap cóng ntrớu?”

²⁸ Yê-su ta-ôi alói neq: “Cứq atông anhia samoât lứq, tâng dôi tamái, bo cứq Con Yiang Cốt Cũai tacu tâng ntốq cứq sôt, bo ki muoi chít la bar náq anhia ca puai cứq, lứq bữn tacu tâng ntốq cứq sôt, đợq rasữq muoi chít la bar tồp cũai I-sarel. ²⁹ Cốp khân cũai aléq táh dống, táh sễm ai sễm ổi, táh mpiq mpoaq, táh con acái, tở la táh sarái nia, cồ án ễ puai ngê cứq, cũai ki lứq bữn loah hỡn tễ máh ramứh án táh tễ nhũang. Cốp chumát cũai ki bữn tamoong mantái hỡ. ³⁰ Ma sa-ữi náq cũai ca toâr sanua, chumát alói cốt cacót ễn. Cốp sa-ữi náq cũai ca cacót sanua, chumát alói cốt toâr ễn.”

20

Yê-su Sacâm Tễ Cũai Táq Ranáq Tâng Nương Palai Nho

¹ “Yiang Sursĩ táq sôt la samoât riang cũai ncháu nương nho. Tễ cláih lứq án pỡq chuaq cũai tuthễ táq ranáq tâng nương án. ² Ncháu ki pruum yỗn cóng pỡ cũai tuthễ ki muoi tangái muoi ọc práq. Chơ án ớn alói pỡq táq ranáq

tâng nưong án. ³ Toâq mandang cháh, án pǝq chuaq sĩa cũai tuthẽ yǝn táq ranáq tâng nưong án. Án pǝq tâng dǝng, chơ án ramóh máh cũai tayúng ngki tǝ bǝn táq ranáq ntróu. ⁴ Ngkíq án atǝng alóí neq: ‘Anhia pǝq táq ranáq tâng nưong cúq. Cúq yǝn anhia bǝn cóng tẽ máh ranáq anhia táq.’

⁵ “Ngkíq alóí ki pǝq. Toâq mandang toâng cóp mandang priang, ncháu ki pǝq sĩa chuaq cũai tuthẽ cóp ớn noau pǝq táq tâng nưong án. ⁶ Cóp toâq moat mandang ralóh, ncháu ki pǝq sĩa pǝ dǝng. Án ramóh cũai canóh ẽn ca tǝ bǝn táq ranáq ntróu tẽ. Chơ án blóh máh cũai ki neq: ‘Nǝq nheq tangái anhia ốt níc nnâi, tǝ bǝn táq ntróu?’

⁷ “Alóí ki ta-ǝi neq: ‘Cǝ tǝ bǝn noau arô hếq yǝn tuthẽ.’

“Ngkíq ncháu ki pai chóq alóí neq: ‘Chơ, anhia pǝq táq tâng nưong cúq tẽ.’

⁸ “Toâq tabũ khiq cheq sadâu, ncháu ki ớn ranẽng án neq: ‘Pǝq arô máh cũai tuthẽ cóp yǝn práq cóng pǝ alóí. Nhũang lứq, án yǝn alóí ca toâq táq ntun. Moâm ki, yǝn alóí ca toâq táq nhũang ẽn.’

⁹ “Alóí ca táq ranáq bo mandang ralóh toâq pǝ ncháu; chơ ncháu yǝn alóí bǝn muoi noaq muoi ốc práq. ¹⁰ Ngkíq máh cũai ca toâq táq ranáq nhũang, alóí chanchóm alóí bǝn práq sa-ũĩ hǝn tẽ cũai ca táq ntun. Ma tũ alóí toâq pǝ ncháu, ncháu ki yǝn alóí bǝn muoi noaq muoi ốc práq tẽ. ¹¹ Moâm alóí ỉt práq, chơ alóí rasuon cóp

ncháu ki. ¹² Alói pai neq: ‘Máh cūai toâq táq ntun, alói táq mahõĩ sâng. Ma hếq, ki hếq táq nhứp bữ. Hếq chĩuq tiang phũac cớp chĩuq lakéh nheq tangái. Ma nốq ncháu yõn práq cóng hếq machớng alói ki.’

¹³ “Ma ncháu ki ta-õĩ manoaq tễ alói ki neq: ‘Yóu ơi! Cứq tở bữn lỏp anhia. Anhia khoiủ pruam cớp cứq chớ, anhia táq muoi tangái, cứq yõn anhia muoi ỏc práq. ¹⁴ Ngkĩq anhia ãt práq cóng anhia, chớ anhia chu. Khãn cứq ẽ yõn máh cūai ca toâq táq ntun lĩ-ralĩ cớp anhia, ¹⁵ ki tềq cứq táq ngkĩq cớp práq cứq, ma tở bữn? Nốq anhia sâng ngua toâq anhia hữm cứq táq ranáq o?’ ”

¹⁶ “Ngkĩq, alói ca ntun thánq, nữ-ra alói lứq bữn nhũang. Cớp alói ca nhũang sanua, nữ-ra alói ntun thánq.”

*Yê-su Atõng Tễ Án Chĩuq Túh Coat
(Mac 10:32-34; Luca 18:31-34)*

¹⁷ Bo Yê-su chõn chu vil Yaru-salem, án dững ống tốp rien tễ án sâng pỏq cớp án. Bo alói pỏq tâng rana, Yê-su atõng alói neq: ¹⁸ “Anhia tamứng! Hái chõn pỏ vil Yaru-salem. Ớt ngki noau ẽ chiau Con Yiang Cốt Cūai pỏ atĩ máh cūai sớt tốp tềng rit sang Yiang Sursĩ cớp máh cūai yống rit. Alói ki ẽ anoat án cóq cuchĩt. ¹⁹ Chớ alói ẽ chiau án pỏ cūai tở cõn cūai I-sarel hữ. Cūai ki ayê ra-ac án, proaih án, cớp tềh án tâng aluang sangcáng. Ma catâm tangái pái, án yuor tamõng loah.”

*Bar Lám Con Samiang Sê-badê
(Mac 10:35-45)*

²⁰ Moâm ki, lacuoi Sê-badê cốp bar náq con samiang án toâq pở Yê-su. Mansêm ki sacốh racól yáng moat Yê-su cốp sễq muoi ramứh tễ Yê-su. ²¹ Yê-su blớh án neq: “Ramứh ntróu mới yoc ễ bữn?”

Mansêm ki ta-ỡi neq: “Sễq thâi yỗn bar lám con cứq nâi tacu manoaq coah atoam, manoaq coah avêr thâi toâq thâi cốt sốt.”

²² Ma Yê-su ta-ỡi alới pái náq ki neq: “Anhia tở dáng dểh ốc anhia sễq! Rơi tở, anhia nguaiq muoi tangan cốp cứq?”*

Alới bar náq ki ta-ỡi án neq: “Hếq rơi.”

²³ Chơ Yê-su atởng loah alới neq: “Lứq nỡ-ra anhia cóq nguaiq muoi tangan cốp cứq tê. Ma cứq tở tềq yỗn anhia tacu coah atoam cốp coah avêr cứq. Ranáq nâi ống Mpoaq cứq toâp tềq rườh.”

²⁴ Tữ muoi chít náq canốh tâng tốp rien tễ Yê-su khoiқ sâng ranáq nâi, alới ũan lứq chóq bar náq sểm ai ki. ²⁵ Ngkíq Yê-su arô tốp ki toâq pở án. Cốp án atởng alới neq: “Anhia khoiқ dáng chơ cũai sốt tâng dỡi nâi, alới yoc cũai proai táq sũl alới; chơ alới padâm cốp táq túh coat lứq cũai proai. ²⁶ Ma anhia chỗi táq samoât ngkíq. Cũai aléq yoc ễ cốt toâr tâng tốp anhia, cóq án cốt ayũng atĩ anhia. ²⁷ Cốp cũai aléq ma yoc ễ cốt toâr clữi nheq tễ canốh tâng tốp anhia, cóq án

* **20:22** 20:22 Tữ Yê-su pai ‘nguaiq muoi tangan’, án sacâm tễ ‘chũq túh coat’.

cốt sũl anhia. ²⁸ Machóng ki tê, Con Yiang Cốt Cũai khoiq toâq tở ẽq noau hâu án, ma án yoc ẽ hâu cũai canõh. Cóp án pláih rangũh án chũuq cuchĩt tang yõn nheq tũh cũai têq bũn tamoonq.”

*Yê-su Táq Bán Bar Náq Cũai Sũt Moat
(Mac 10:46-52; Luca 18:35-43)*

²⁹ Bo Yê-su cóp tốp rien tẽ án loõh tẽ vil Yê-ri-cô, bũn cứng cũai puai án. ³⁰ Bũn bar náq samiang sũt moat õt tacu kãng rana. Tũ alóı sâng Yê-su pũq pha cheq alóı, alóı sabau casang lứq neq: “Ncháu tẽ tống toiq Davĩt ơ! Sẽq Ncháu sarũiq táq hếq nứng!”

³¹ Mách cũai cứng ki nhôp alóı bar náq cũai sũt ki, cóp atõng alóı neq: “Chõ tabõq!”

Ma alóı sabau casang lứq ẽn: “Ncháu tẽ tống toiq Davĩt ơ! Sẽq Ncháu sarũiq táq hếq nứng!”

³² Ngkíq Yê-su tangũt. Án arô bar náq ki cóp blóh alóı neq: “Ramũh ntróu anhia yoc cứq táq yõn anhia?”

³³ Alóı ta-õı neq: “Ncháu ơ! Sẽq Ncháu táq yõn moat hếq cốt blang!”

³⁴ Yê-su sâng sarũiq táq alóı, chơ án satoaq atĩ tâng moat alóı. Bo ki toáp moat alóı cốt blang. Chơ alóı puai Yê-su.

21

*Yê-su Mut Tâng Vil Yaru-salem
(Mac 11:1-11; Luca 19:28-40; Yang 12:12-19)*

¹ Tũ alóı cheq ẽ toâq vil Yaru-salem, khoiq toâq vil Bê-phayê õt tâng palic dũal O-li-vê, Yê-su ớn

bar nác tốp rien tễ án neq: ² “Anhia mut tâng vil yáng moat anhia ki. Bo anhia toâq ramóh vil, anhia ramóh muoi acán aséh đến cớp con án, noau chốq đờq tâng lác ngki. Anhia leh cớp tếc bar lám charán ki đững pỡ cớq. ³ Khân bữn noau blóh anhia neq: ‘Nốq anhia táq ngkíq?’ ki anhia ta-ỡi neq: ‘Ncháu hái yoc ễ mian. Moâm án mian, chơ án đững culáh loah yỗn anhia.’ ”

⁴ Mách ramứh nâi rap̄ieiq sântoiq cũai tang bỗq Yiang Sursĩ khoiq pai tễ mbỗq neq:

⁵ “Cớq anhia pau atỡng cũai proai tâng vil Yarusalem neq:

‘Anhia nhêng ki! Puo anhia ntôm ễ toâq pỡ anhia.

Án la cũai asễng tỗ.

Cớp án tacu tâng aséh đến, la aséh lơ-lơ.’ ”*✧

⁶ Ngkíq alới bar nác tốp rien tễ Yê-su pỡq táq samoât Yê-su khoiq ớn alới. ⁷ Alới đững pỡ Yê-su con cớp acán aséh đến ki. Cớp alới sữn tampác alới tâng cloong aséh ki. Chơ Yê-su chõn ốt tâng aséh ki. ⁸ Clứng lứq cũai sữn tampác alới tâng rana. Bữn cũai mut tâng arurih catráiq déh rambũ đờq sữn tâng rana hỡ. ⁹ Án ca pỡq nhũang, cớp án ca puai ntun, alới pruum triau casang lứq neq: “Ô-sana! Lứq khễn án ca tễ tống toiq puo Davĩt! Sễq Yiang Sursĩ yỗn ốc bốn pỡ cũai ca toâq nhơ ramứh Ncháu. Ô-sana! Lứq khễn Yiang Sursĩ!”*✧

✧ 21:5 21:5 Sa-chari 9:9 * 21:9 21:9 Sântoiq ‘ô-sana’ parlong loah la ‘chuai amoong’, tỡ la ‘sa-ỡn lứq’, tỡ la ‘khễn’. ✧ 21:9 21:9 Ūat Khễn 118:25-26

¹⁰ Bo Yê-su mut tâng vil Yaru-salem, neq tũh cũai ốt tâng vil ki parlóng nhêng, cốp alóí blóh neq: “Cũai nâi la noau?”

¹¹ Cũai cứng ki ta-õi neq: “Nâi la Yê-su. Án la cũai tang bỗq Yiang Sursĩ tễ vil Na-sarết, cruang Cali-lê.”

Yê-su Mut Tâng Dống Sang Toâr

(Mac 11:15-19; Luca 19:45-48; Yang 2:13-22)

¹² Yê-su mut tâng nchõh Dống Sang Toâr. Cốp án tuih aloõh neq tũh cũai chẻq chỡng tâng dống sang. Án cutól cachơng noau lẻq práq cốp cachơng noau tacu chẻq chỡm tariap. ¹³ Án atõng alóí neq: “Tâng tâm saráq Yiang Sursĩ tễ mbỗq khoiқ pai neq:

‘Noau dỏq dống cứq la dống câu sẻq.’☆

Ma anhia khoiқ táq dống nâi cõt ariang cựp yõn cũai savẻng mut tooq!”

¹⁴ Moâm ki, bữn máh cũai sũt cốp cũai yỏt toâq pỏ Yê-su tâng Dống Sang Toâr. Chờ Yê-su táq bán alóí ki. ¹⁵ Ma máh cũai sỏt tốp tẻng rit sang Yiang Sursĩ, cốp máh cũai yỏng rit, alóí sâng cutâu lứq tâng mút tử alóí hũm Yê-su táq ranáq salẻh lứq, cốp tử alóí sâng carnẻn triau cupo casang lứq neq: “Ô-sana! Lứq khẻn án ca tễ tẻng toiқ puo Davít!”

¹⁶ Ngkíq alóí blóh Yê-su neq: “Thâi sâng ma tở bữn máh carnẻn nâi triau cupo?”

☆ **21:13** 21:13 Ê-sai 56:7; Yê-ramia 7:11

Yê-su ta-õi alói neq: “Lứq cứq sâng. Nỗq riang pai anhia tở nai doc tâng tâm saráq Yiang Sursĩ? Án khoiq atỡng neq:

‘Yiang Sursĩ ơi, anhia táq yỗn bỗq carnễn cacót lứq,

dểh alói ca noâng pu tóh ũat khễn anhia.’ ”✧

17 Moâm ki Yê-su loỏh tể alói, cớp pỡq chu vil Bê-thani ễn. Sadâu ki án bẻq tâng vil ki.

*Yê-su Táq Yỗn Nỡm Aluang Cốt Roỏh
(Mac 11:12-14, 20-24)*

18 Poang tarựp parnỡ, bo Yê-su pỡq tâng rana chu loah pỡ vil Yaru-salem, án sâng panhieih.

19 Án hữm nỡm tarúng kễng rana, chơ án pỡq cheq nỡm aluang ki. Án hữm ống sala miat, tở bữn palâi ntrứu. Ngkíq án atỡng nỡm aluang ki neq: “Chumat mới tở bữn cốt palâi noâng!”

Bo ki toáp nỡm aluang ki cốt roỏh.

20 Tữ tộp rien tể Yê-su hữm ranáq nâi, alói sâng dót lứq cớp alói blớh án neq: “Nỗq nỡm aluang nâi cốt roỏh chái lứq?”

21 Yê-su ta-õi neq: “Cứq atỡng anhia samoât lứq, khân anhia sa-âm samoât samơi cớp tở bữn bữn mút catơn-tơn, anhia tẻq táq machớng cứq khoiq táq chỏq aluang nâi tẻ. Cớp anhia tẻq táq ranáq canỏh hỡ. Tẻq anhia ớn cóh nâi neq: ‘Mới ravih cớp sapỉl asểng chu dỡq mut.’ Chơ cóh ki lứq ravih. 22 Khân anhia sa-âm samoât samơi, ramứh ntrứu anhia câu sẻq, lứq anhia bữn ramứh ki.”

*Noau Blóh Yê-su Tê Chóc Án
(Mac 11:27-33; Luca 20:1-8)*

²³ Yê-su mut loah pở nchõh Dõng Sang Toâr. Bo án atõng máh cũai tâng ki, bữn máh cũai sốt tốp tềng rit sang Yiang Sursĩ cớp máh cũai sốt nheq sâu, alóí toâq pở ki tê, cớp blóh án neq: “Tê léq thâi bữn chóc táq ranáq salễh nâi? Noau yõn thâi bữn chóc nâi?”

²⁴ Yê-su ta-õỉ alóí neq: “Cứq ể blóh anhia muoi ramứh tê. Khân anhia ma ta-õỉ cứq, ki cứq atõng tê anhia noau yõn cứq bữn chóc đõq táq ranáq nâi. ²⁵ Ranáq batễm Yang táq, tể léq án bữn chóc táq ranáq ki, tể Yiang Sursĩ tở la tể cũai?”

Chơ alóí manoaq sarhõng manoaq neq: “Khân hái ta-õỉ án pai: ‘Ranáq batễm nâi toâq tể Yiang Sursĩ,’ ngkếq án blóh loah hái neq: ‘Khân ngkíq, nõq anhia tở bữn sa-âm Yang?’ ²⁶ Ma khân hái ta-õỉ án pai: ‘Ranáq batễm nâi chõng toâq tể cũai,’ ki hái ngcõh cũai proai, yuaq alóí sa-âm Yang la cũai tang bõq Yiang Sursĩ.”

²⁷ Ngkíq alóí ta-õỉ Yê-su neq: “Hếq tở dáng.”

Chơ Yê-su ta-õỉ loah alóí neq: “Chơ! Cứq tở bữn atõng tê yõn anhia dáng noau yõn cứq bữn chóc táq máh ranáq nâi.”

Parnai Sacâm Tể Bar Náq Con Samiang

²⁸ “Ntróu anhia chanchóm tể parnai sacâm nâi? Bữn manoaq, án bữn bar lám con samiang. Mpoaq ki toâq pở án ca ai, cớp ớn án neq: ‘Con ơi! Tangái nâi mới pởq táq ranáq tâng nưong hái, nơ ai.’ ²⁹ Con ki ta-õỉ neq: ‘Cứq tở ểq pởq

táq.’ Ma ntun ẽn án chanchóm loah; chơ án pờq táq tâng nưong ki.

³⁰ “Chơ mpoaq ki toâq pờ án ca a-ẽm ẽn, cớp ớn án machóng ki tê. Con ki ta-õĩ neq: ‘Ớq.’ Ma án tõ bữn pờq.

³¹ “Bar náq con samiang ki, aléq lứq trĩh cớp puai mút pahõm mpoaq?”

Alóĩ ta-õĩ Yê-su neq: “Án ca ai.”

Chơ Yê-su atõng ẽn neq: “Cứq atõng anhia samoât lứq, máh cũai parõm práq theq cớp máh mansẽm chéq tở, lứq alóĩ bữn mut tâng tởp Yiang Sursĩ sót nhũang anhia. ³² Yuaq Yang khoiq toâq apáh anhia rana tanoang o, ma anhia tõ bữn sa-âm án. Ma máh cũai parõm práq theq cớp máh mansẽm chéq tở, alóĩ lứq noap santoiq Yang. Anhia khoiq hữm chơ máh ranáq ki, ma noâng anhia tõ bữn ngin lôih lêq cõt mút tamái ẽn, cớp anhia tõ bữn noap santoiq Yang.”

Parnai Sacâm Tẽ Manoaq Chóh Palâi Nho Tâng Nưong

(Mac 12:1-12; Luca 20:9-19)

³³ “Anhia tamúng muoi parnai sacâm canõh ẽn neq: Bữn manoaq cũai chóh voar nho tâng nưong án. Án táq cantruang pẽr nưong ki. Án pítq prúng; chơ chĩp tamáu đởq pát đởq nho tâng ki. Cớp án táq sũ tâng nưong ki. Moâm ki án yõn cũai canõh táq đở nưong án. Alóĩ pruum ndõm cớp mpẽq máh palâi. Chơ án pờq cruang canõh. ³⁴ Toâq catũ palâi nho chĩn, cũai ncháu ki ớn máh sũl án toâq ít pún án tẽ alóĩ ca táq đở nưong. ³⁵ Ma cũai táq đở nưong ki

cốp máh cũai sũl ncháu. Án ca manoaq, alói toân. Manoaq ẽn, alói cachĩt. Manoaq ẽn, alói tám chók tamáu. ³⁶ Chơ ncháu ki ớn cũai sũl canõh ẽn toâq, toâq cứng hõn tẽ nhũang. Ma alói ca táq dõ nưong ki táq chók máh cũai sũl ki machóng nhũang sĩa. ³⁷ Toâq parsốt thánq, ncháu ki ớn con samiang án ẽn toâq pở cũai táq dõ nưong ki. Án chanchóm neq: ‘Lứq alói yám noap con samiang cứq.’ ³⁸ Ma tử cũai táq dõ nưong ki hũm con ncháu nưong toâq, alói sarhống neq: ‘Án nâi la con tống ncháu. Hâi! Hái cachĩt chíq án. Ngkíq nheq mun án chu pở hái!’ ³⁹ Chơ alói cốp con ncháu, âc sadõh aloõh án tẽ nưong, cốp cachĩt loâng án.

⁴⁰ “Ngkíq, toâq ncháu ki pởq chu nưong, ntrớu án ẽ táq chók alói táq dõ nưong án?”

⁴¹ Cũai ki ta-õi Yê-su neq: “Lứq án cachĩt máh cũai sâuq ki. Chơ án yõn cũai canõh ẽn táq dõ nưong án. Toâq ngư palâi nho chĩn, cũai canõh ki lứq tampẽq yõn ncháu nưong bũn pún án.”

⁴² Chơ Yê-su atõng loah cũai ki neq: “Nốq riang pai anhia tở nai doc tâng tâm saráq Yiang Sursĩ khoiq pai neq:

‘Cốc tamáu cũai táq đống khoiq táh,

tamáu ki noau hũm o hõn tẽ tamáu canõh.

Chơ noau ít cốp chĩp bân soq đống.

Ranáq nâi Ncháu hái toâp khoiq táq,

la ranáq salẽh lứq án táq yáng moat hái.’†☆

† **21:42** 21:42 Puai tẽ ranáq alói táq, tamáu aléq noau chĩp tâng soq, tamáu ki táng đống yõn cõt khâm. Tamáu ki Yê-su sacâm tẽ tở án toâp. ☆ **21:42** 21:42 Ủat Khẽn 118:22-23

⁴³ Ngkíq cúq atõng anhia neq: Yiang Sursĩ tở bữn yõn anhia mut tâng tốp án sốt, ma án yõn cũai canõh ên mut. Mách cũai ki ẽ táq ranáq o samoât riang cutẽq amia palâi o. ⁴⁴ Cũai aléq ma dóm tâng tamáu nâi, án khat loâng. Ma khân tamáu nâi satooh p̄ieiq tở cũai aléq, cũai ki dươiq thánq.” ‡

⁴⁵ Tữ máh cũai sốt tốp tẽng rit sang Yiang Sursĩ cốp máh cũai Pha-rasi sâng Yê-su atõng máh parnai sacâm ki, alớí dáng Yê-su sacâm nâi pai chu alớí. ⁴⁶ Alớí chuaq ngê ẽ cốp Yê-su, ma alớí ngcõh cũai proai, yuaq máh cũai sa-âm Yê-su la cũai tang bỗq Yiang Sursĩ.

22

Yê-su Sacâm Tẽ Puo Táq Rabẽng Yõn Con (Luca 14:15-24)

¹ Yê-su atõng sĩa toâq parnai sacâm canõh ên neq: ² “Yiang Sursĩ táq sốt la samoât riang puo thrũan racoâiq yõn con samiàng án. ³ Puo ki ớn máh ranẽng án p̄õq coâiq máh cũai ca án khoiq mơi, yõn toâq hâu racoâiq. Ma máh cũai ki tở ẽq toâq hâu. ⁴ Ngkíq puo ki ớn ranẽng canõh ẽn, cốp patâp alớí neq: ‘Anhia atõng máh cũai ca khoiq mơi chơ neq: “Puo hẽq khoiq thrũan racoâiq chơ. Ntroõq tól cốp ntroõq con plúm lứq khoiq án kiac moâm chơ; cốp dũ ranáq la án khoiq thrũan moâm chơ. Ngkíq sễq mơi anhia toâq hâu racoâiq ki.” ’

‡ **21:44** 21:44 Sa-ữi tâm saráq tẽ mbỗq tở bữn bữn rana 44 nâi.

5 “Ma máh cūai ca khoiq án mơi, alóí tở bữn tamúng. Alóí yoc lứq táq óng ranáq alóí sâng. Án ca pởq táq sarái. Án ca pởq chẻq chỡng. 6 Máh cūai canỏh cớp chíq ranẻng puo ki. Alóí nhỏp, alóí toân, cớp alóí cachít táh ranẻng ki. 7 Ngkíq puo ki sâng ũan lứq. Chớ án ón tahan án pởq cachít loah máh cūai khoiq cachít ranẻng án. Cớp máh tahan ki chỡng máh vil alóí hỡ. 8 Chớ puo arỏ loah máh ranẻng án, cớp patáp alóí neq: ‘Ranáq racoái q khoiq thrũan moâm nheq chớ. Ma máh cūai cứq khoiq mơi ki, tở pẻiq yỏn alóí toâq hâu racoái q nâi. 9 Sanua anhia pởq dũ ravẻh rana. Cūai alẻq anhia ramỏh, anhia mơi cūai ki yỏn toâq hâu racoái q nâi.’ 10 Ngkíq máh ranẻng puo ki loỏh pởq tâng rana. Cūai alẻq alóí ramỏh, alóí dửng cūai ki toâq hâu racoái q puo táq. Alóí dửng máh cūai sâuq cớp máh cūai o hỡ. Ngkíq tâng clống đống puo bữn tadát moang cūai.

11 “Toâq puo mut tâng clống máh cūai toâq hâu racoái q, án hữm muoi noaq tở bữn sỏp au cới noau pởq cha racoái q. 12 Chớ án pai chỏq cūai ki neq: ‘Yớu ơi! Nỏq mới toâq hâu racoái q ma tở bữn sỏp au noau đốq hâu racoái q.’ Ma cūai ki tở dáng ta-ỡi ntrớu. 13 Chớ puo ki ón ranẻng án neq: ‘Anhia chỏq ayửng aỉ án, cớp takẻl chíq án yáng tiah, tâng nỏq canám. Nỏq ki noau nhiam nhít cớp carửot canẻng tabang cỏ sâng túh arức lứq.’ ”

14 Chớ Yê-su pai ẻn neq: “Bữn clửng lứq cūai Yiang Sursỉ arỏ, ma bữn bẻaq náq sâng án rườh.”

*Yê-su Atông Tể Práq Thêq
(Mac 12:13-17; Luca 20:20-26)*

¹⁵ Vót ki tốp Pha-rasi pờq sarhống cớp chichuaq ralíh êq Yê-su táq ntông lóih. ¹⁶ Alóí ón cũai tể tốp alóí cớp tể tốp Hê-rôt toàq pờ Yê-su. Mách cũai ki atông Yê-su neq: “Thâi ơi! Hêq dáng chơ thâi lứq cũai tanoang. Cớp thâi atông ngê Yiang Sursĩ p̄ieiq lứq. Yáng moat thâi nheq tữh cũai la lĩ-ralĩ nheq. Yuaq ngkíq thâi tở bữn yám noap ống cũai bữn chớc. ¹⁷ Ngkíq hêq sêq thâi atông hêq nứng. Ntróu thâi chanchóm, p̄ieiq ma tở bữn hái cóq muap práq thêq pờ puo Rô-ma?”*

¹⁸ Ma Yê-su dáng alóí chim án, êq án tở dáng ẽ ta-õì ntróu. Ngkíq án pai chóq alóí neq: “Anhia la ẽm bĩq parnai sâng! Nỏq anhia chuaq ralíh chóq cứq? ¹⁹ Anhia yõn cứq nhêng práq thêq ki!”

Chơ alóí dứng yõn án nhêng muoi ốc práq. ²⁰ Yê-su blóh alóí neq: “Roâp anâi cớp chĩr anâi samoât noau?”

²¹ Alóí ta-õì án: “Puo Rô-ma.”

Chơ Yê-su atông alóí neq: “Crong puo Rô-ma, ki anhia culáh loah yõn puo Rô-ma, cớp crong Yiang Sursĩ, cóq anhia culáh loah yõn Yiang Sursĩ.”

²² Bo alóí sâng Yê-su ta-õì ngkíq, alóí sâng dót lứq. Chơ alóí loõh tể Yê-su, pờq nttóq canõh ẽn.

*Tốp Sa-dusê Blóh Yê-su Tể Cũai Tamoong Loah
(Mac 12:18-27; Luca 20:27-40)*

* **22:17** 22:17 Puo Rô-ma noau đõq Sê-sa.

23 Tangái ki bữn máh cũai tể tốp Sa-dusê toaq pở Yê-su. Tốp Sa-dusê pai cũai khoiq cuchit tở tềq tamong loah. 24 Alói ki atông Yê-su neq: “Thâi ơi! Mũi-se khoiq chĩc atông yỗn hếq neq: ‘Khân manoaq samiang cuchit, ma án tở yũah bữn con, manoaq tể sểm ai án cóq siem lacuoi án, đởq patông loah yỗn án ca khoiq cuchit.’”

25 Dũi mbỏq bữn tapul náq sểm ai ỡt cóp hếq. Án ca ai clúng khoiq ít lacuoi. Ma án cuchit tở yũah bữn con. Ngkíq a-ểm ndĩ án, cóq siem lacuoi ai án. 26 Cóp machóng ki tề tể a-ểm ndĩ toau toaq a-ểm ralỏh. Nheq alói sểm ai ki siem lacuoi ai, cóp alói cuchit tề. 27 Parsót tháng mansểm ki la cuchit tề. 28 Tữ cũai cuchit tamong loah, mansểm ki cởt lacuoi noau, yuaq alói tapul náq sểm ai ndởm nheq mansểm ki?”

29 Yê-su ta-ỡi alói neq: “Anhia táq ntởng tở pỡieiq, yuaq anhia tở bữn dáng raloaih tể parnai Yiang Sursĩ noau chĩc tể mbỏq, cóp anhia tở dáng dểh chỏc toâr lứq tể Yiang Sursĩ. 30 Tữ cũai cuchit tamong loah, alói tở bữn ratoi noâng cởt lacuoi cayac. Ma alói ỡt tâng paloông machóng tốp ranểng Yiang Sursĩ tề. 31 Ma tể ranáq cũai cuchit chớ ma tamong loah, nỏq riang pai anhia tở nai doc parnai Yiang Sursĩ atông anhia neq: 32 ‘Cứq la Yiang Sursĩ A-praham sang, I-sac sang, cóp Yacóp sang.’”

✧ 22:24 22:24 Patập Loah 25:5 ✧ 22:32 22:32 Loỏh Tể Ê-yip-tỏ 3:6

Hái dáng cũai cuchĩt tở têq sang Yiang Sursĩ. Ông cũai tamoonq sâng têq sang án.”

³³ Tở cũai cứng sâng Yê-su pai ngkiq, alói sâng dót lứq tễ máh santoiq án atỡng.

Ốc Ntróu Yiang Sursĩ Patâp Toâr Clũi Nheq Tễ Canõh

(Mac 12:28-34; Luca 10:25-28)

³⁴ Toâq tốp Pha-rasi sâng Yê-su khoiq ta-õi táq yõn tốp Sa-dusê lúng bõq, ngkiq alói rôm sarhõng. ³⁵ Bữn manoaq tễ cũai ki la thâi atỡng phễp rit I-sarel. Án toâq cốp blóh cõ ẽ chim Yê-su. ³⁶ Án blóh neq: “Thâi ơi! Tâng phễp rit hái, ốc patâp ntróu toâr clũi nheq tễ ốc canõh?”

³⁷ Yê-su ta-õi án neq: “Cóq anhia ayooq Yiang Sursĩ, la Ncháu anhia, nheq tễ mút pahõm, nheq tễ rangúh rahõ, cốp nheq tễ sarnóm anhia.✧

³⁸ Ốc patâp nâi toâr clũi nheq tễ ốc canõh.

³⁹ Cốp ốc patâp bar clũi tễ canõh la neq: ‘Cóq anhia ayooq yóu machóng anhia ayooq tồ anhia bữm.’✧

⁴⁰ Khân bữn bar ốc patâp nâi, ki bữn dũ chơ nheq ramúh phễp rit Yiang Sursĩ yõn na Mõi-se, cốp nheq parnai cũai tang bõq Yiang Sursĩ atỡng.”

Santoiq Blóh Tễ Manoaq Crĩt

(Mac 12:35-37; Luca 20:41-44)

⁴¹ Bo tốp Pha-rasi rôm sarhõng, Yê-su blóh alói neq: ⁴² “Ntróu anhia chanchóm tễ manoaq Crĩt? Án la tễ tống toiq noau?”

✧ 22:37 22:37 Patâp Loah 6:5 ✧ 22:39 22:39 Lê-vi 19:18

Alói ta-õi neq: “Án la tẽ tổng toiq puo Davĩt.”

⁴³ Ngkíq Yê-su blóh ẽn neq: “Khân ngkíq, ki nõq Raviei Yiang Sursĩ yõn puo Davĩt dõq Crĩt la Ncháu? Yuaq tẽ mbõq puo Davĩt khiq pai neq:
⁴⁴ ‘Yiang Sursĩ atõng chõq Ncháu cứq neq:

“Mới tacu coah atoam cứq†

toau toâq tangái cứq chiau alói ca yoc ẽ cachĩt mới,

õt pũn talang ayũng mới.” *☆

⁴⁵ Khân Davĩt dõq Crĩt la Ncháu, ki nõq têq Davĩt dõq cũai tẽ tổng toiq án bũm la Ncháu?”

⁴⁶ Moâm Yê-su pai ngkíq, ki tở bũn noau têq ta-õi muoi ọc ntrầu. Cóp tẽ tangái ki tở bũn noau khõn blóh nõng án.

23

Yê-su Sươq Cũai Chõĩ Táq Machõng Cũai Yõng Rit Cóp Cũai Pha-rasi

(Mac 12:38-40; Luca 11:39-52; 20:45-47; 13:34-35)

¹ Moâm ki Yê-su atõng máh cũai cứng cóp tốp rien tẽ án neq: ² “Cũai yõng rit cóp cũai Pha-rasi, alói ẽ pláih Mõi-se cõt cũai atõng anhia. ³ Ngkíq, cóq anhia trĩh cóp puai samoât máh santoiq alói atõng anhia. Ma anhia chõĩ tũoiq máh ranáq alói táq, yuaq alói pai ống bõq, ma alói tở bũn lứq táq. ⁴ Alói atõng anhia yõn puai phẽp rit coat lứq, samoât riang alói yõn anhia dõl cõng

† **22:44** 22:44 Puai phẽp rit cũai I-sarel, khân cũai aléq ma alói yoc ẽ yám noap lứq samoât, ngkíq alói yõn cũai ki õt coah atoam alói. ☆ **22:44** 22:44 Ủat Khẽn 110:1

ntâng. Ma atĩ alóí tở bữn acốq chuai ntróu công ntâng tễ anhia. ⁵ Dũ ranáq alóí táq, alóí ẽq cũai canốh hữm. Alóí chốq parnai Yiang Sursĩ tâng hốp ngcâr. Chơ alóí chốq hốp ki tâng ngcống cóp tán tâng caliac. Cóp alóí táq cuti rampóh tâng au tuar alóí. ⁶ Alóí yoc ẽ tacu coah pống toâq noau mơi alóí toâq cha. Cóp alóí yoc ẽ bữn cachơng tacu o clũĩ nheq tễ canốh tâng đống sang. ⁷ Alóí ẽq cũai canốh tabởp o chốq alóí bo ốt cóp cũai cứng. Cóp alóí ẽq noau đốq alóí la Thâi. ⁸ Ma anhia chổĩ ẽq cũai canốh đốq anhia la Thâi, yuaq anhia bữn ống muoi noaq Thâi sâng, cóp anhia la lĩ-ralĩ nheq samoât sễm ai. ⁹ Cóp anhia chổĩ đốq cũai tâng cutẽq nâi la Mpoaq anhia, yuaq anhia bữn ống muoi noaq Mpoaq sâng, án ca ốt tâng paloống. ¹⁰ Cóp anhia chổĩ ẽq cũai canốh đốq anhia la cũai Sốt, yuaq anhia bữn ống muoi noaq Sốt sâng. Án la Crít. ¹¹ Khân bữn cũai tâng tốp anhia ma yoc ẽ cốt toâr clũĩ nheq tễ cũai canốh, cóq cũai ki cốt sũl anhia. ¹² Cũai aléq ma achốn tở bữm, nỡ-ra cũai ki lứq cốt cacót. Cóp cũai aléq ma asềng tở bữm, nỡ-ra cũai ki lứq cốt toâr.

¹³ “Bap lứq toâq pỡ anhia cũai yống rit cóp cũai Pha-rasi, la cũai táq nan sâng! Yuaq anhia catáng tở ẽq cũai mut tâng tốp Yiang Sursĩ sốt. Anhia tở ẽq mut, cóp anhia catáng cũai canốh tở yốn alóí bữn mut!

¹⁴ “Bap lứq toâq pỡ anhia cũai yống rit cóp cũai Pha-rasi, la cũai táq nan sâng! Yuaq anhia lóp máh đống cán cumai, cóp anhia câu santoiq

cuti ẽq noau pai anhia la tanoang o. Yuaq ngkĩq, chumát tót anhia ntàng hõn tẽ cũai canõh.*

15 “Bap lứq toàq pữ anhia cũai yõng rit cốp cũai Pha-rasi, la cũai táq nan sâng! Yuaq anhia táq nheq rangũh rahõ ẽq cũai canõh táh chíq ngê tiaq alói, chơ puai ngê anhia ẽn. Ma toàq alói puai ngê anhia, anhia táq yõn alói cõt sàuq clũĩ tẽ anhia ẽn; pĩeiq lứq Yiang Sursĩ apõng anhia tâng põng sarloac.

16 “Bap lứq toàq pữ anhia ca samoát riang cũai sũt moat, ma yoc ayõng cũai canõh. Anhia atõng cũai canõh neq: ‘Khân cũai aléq thể dũan ma taléq ramũh Dõng Sang Toâr, ki santoiq cũai thể dũan ki tở bũn ntróu. Ma khân cũai aléq thể dũan ma án taléq ramũh yẽng tâng Dõng Sang Toâr, cũai ki cóq lứq táq.’ 17 O cũai sacũl cốp ariang sũt moat ơi! Ốc aléq la toâr hõn? Yẽng tâng Dõng Sang Toâr, tở la dõng sang ca táq yõn yẽng ki cõt o yáng moat Yiang Sursĩ? 18 Cốp anhia atõng neq hõ: ‘Khân cũai aléq thể dũan, ma án taléq ramũh prõng tâng Dõng Sang Toâr, parnai cũai thể dũan ki tở bũn ntróu. Ma khân cũai aléq thể dũan ma taléq ramũh crõng sang tâng prõng ki, cũai ki cóq lứq táq.’ 19 Anhia la samoát riang cũai sũt moat! Aléq la toâr hõn? Crõng chiau sang tâng prõng sang, tở la prõng ca táq yõn crõng ki cõt o yáng moat Yiang Sursĩ? 20 Ngkĩq, khân cũai aléq thể dũan ma taléq ramũh prõng, la machõng án khoiq thể

* 23:14 23:14 Sa-ũĩ tâm saráq tẽ mbóq tở bũn bũn rana 14 nãi.

chóq cớng sang tâng prông ki tê. ²¹ Cóp khân cũai aléq thể dũan ma taléq ramứh Dống Sang Toâr, la machớng án khoi q thể dũan chóq Yiang Sursĩ tê, yuaq Dống Sang ki la dống sang Yiang Sursĩ. ²² Cóp khân cũai aléq thể dũan ma taléq ramứh paloỏng, la machớng án khoi q thể dũan chóq Yiang Sursĩ tê, yuaq Yiang Sursĩ ớt tâng paloỏng.

²³ “Bap lứq toâq pỡ anhia cũai yớng rit cóp cũai Pha-rasi, la cũai táq nan sâng! Yuaq anhia chiau sang yỏn Yiang Sursĩ muoi pún tể bát bai asai sakieu anhia, ma anhia tỡ bữn trữh máh ốc toâr hỡn tể rit ki tâng phễp rit Yiang Sursĩ. Ốc toâr ki la neq: Cóp anhia táq ranáq tanoang tapứng, cóq bữn mút pahỏm sarũiq táq cũai canỏh, cóp cóq táq pĩei q lứq yỏn cũai canỏh têq noap anhia. Cứq tỡ bữn yỏn anhia táh ranáq chiau sang ki, ma máh ramứh toâr hỡn, cóq lứq anhia táq. ²⁴ Anhia la ariang cũai sũt moat ma yoc ayông cũai canỏh! Anhia yỏq ỉt anhui tể dỡq nguai q, ma khân bữn charán lac-da, ki anhia lữn toâp.”†

²⁵ “Bap lứq toâq pỡ anhia cũai yớng rit cóp cũai Pha-rasi, la cũai táq nan sâng! Yuaq anhia bữn mút pahỏm samoât tangan cóp padien noau ariau ẻq bráh ớng yáng tiah sâng, ma tâng clống bữn moang nhợp. Nhợp ki la sacâm tể anhia rapỏn cóp anhia cha nguai q la-ớq. ²⁶ Ở máh

† **23:24** 23:24 Yê-su sacâm ốc ki la neq: ‘Anhia ẻ viaq tỡ ẻq táq ranáq lờih tỡ bữn toâr ntrớu. Ma máh ranáq lờih toâr, ki anhia táq toâp.’

cūai Pha-rasi, anhia la sanốq cūai sūt! Nhũang lứq cóq anhia ariau tangan yỗn bráh yáng clống voai. Khân anhia táq ngkíq, yáng tiah tangan lứq cõt bráh tê!

²⁷ “Bap lứq toàq pỡ anhia cūai yống rit cóp cūai Pha-rasi, la cūai táq nan sâng! Anhia la samoât riang ping cumuiq noau asa táq bráh o lứq. Yáng tiah ping ki la o cóp nêuq lứq, ma tâng clống ping ki bữn nhang cūai cuchĩt cóp nsóq príng-príng thánq. ²⁸ Anhia la machống ki tê. Anhia ẽq cūai canốh pai anhia la tanoang o, ma mút pahỡm anhia bữn moang ốc lôih, cóp anhia táq nan sâng.

²⁹ “Bap lứq toàq pỡ anhia cūai yống rit cóp cūai Pha-rasi, la cūai táq nan sâng! Anhia táq ping o yỗn cūai tang bỗq Yiang Sursĩ tẽ mbỗq. Cóp anhia táq yỗn nêuq lứq máh ping cūai tanoang o. ³⁰ Cóp anhia đốq pai neq hỡ: ‘Khân hếq ma ốt muoi prôq cóp achúc achiac hếq tẽ mbỗq ki, hếq tỡ bữn táq machống alóí ki bo alóí cachĩt chíq cūai tang bỗq Yiang Sursĩ.’ ³¹ Toàq anhia pai ngkíq, anhia ngin, anhia la cūai tống toiq cūai ca khoiq cachĩt cūai tang bỗq Yiang Sursĩ tẽ mbỗq. ³² Âu, anhia pỡq toàp! Anhia táq yỗn moâm máh ranáq achúc achiac anhia! ³³ Anhia la cūai ca bữn mút pahỡm loài lứq, pla riang cusân. Lứq anhia tỡ têq viaq vót tẽ Yiang Sursĩ rablớh anhia cóp takẽl anhia tâng pống sarloac. ³⁴ Ngkíq cứq atống anhia neq: Nỡ-ra cứq ốn máh cūai tang bỗq canốh, máh cūai rangoaiq lứq, cóp máh cūai atống phễp rit toàq

pở anhia. Bữn cũai tễ tồp ki, anhia ẽ cachĩt cớp tẻh tâng aluang sangcáng. Án ca anhia ẽ toản tâng đống sang. Cớp án ca anhia ẽ tuih aloỏh tễ vil nài ớt pở vil ki. ³⁵ Ngkíq tột alới ca khoiq cachĩt cũai tanoang o tâng cutểq nài, Yiang Sursĩ ẽ yỏn anhia tamprêc tẻ tột ki, yuaq anhia la tống toiq alới ki. Tột ki bữn tễ tangái alới cachĩt Aben la cũai tanoang o tễ mbỏq, cớp toau toỏq alới cachĩt Sa-chari la con samiang Ba-rachi. Anhia khoiq cachĩt chíq Sa-chari tâng clống Đống Sang Toỏr cheq cớp prông sang. ³⁶ Cúq atởng anhia samoỏt lứq, đũ ramứh tột ki toỏq pở anhia ca ớt tâng đỏi nài!

³⁷ “O cũai tâng vil Yaru-salem, cũai tâng vil Yaru-salem ơi! Anhia la cũai đốq cachĩt cũai tang bỏq Yiang Sursĩ, cớp anhia tám chỏq tamáu máh cũai Yiang Sursĩ ớn yỏn toỏq pở anhia. Bữn sa-ủi trổ chơ cúq yoc parỏm pachứm nheq tẻh anhia samoỏt riang ntruoi atu cutrốc arỏ con án yỏn ớt nhựp khlap. Ma anhia tở ểq! ³⁸ Sanua cúq tở bữn clách clo noâng đống sủ anhia. ³⁹ Cúq atởng anhia neq: Tẻ nài chumát anhia tở bữn hữm noâng cúq, toau toỏq tangái anhia pai neq: ‘Bốn lứq án ca toỏq nhơ ramứh Ncháu hái.’ ”☆

24

*Yê-su Atởng Tẻ Noau Talỏh Đống Sang Toỏr
(Mac 13:1-2; Luca 21:5-6)*

1 Từ Yê-su loõh tễ Dõng Sang Toâr, chơ tayáh tâng rana, tốp rien tễ án toâq pờ án cớp sadoi yõn án nhêng chu dõng sang ki. 2 Yê-su atõng alới neq: “Anhia hữm máh dõng toâr ntốq nâi tỡ? Chumát tamáu noau táq dõng toâr nâi tỡ bữn ratót noâng parnoi. Án ratáh nheq.”

*Yê-su Atõng Tễ Ốc Túh Coat Toâq Pờ Cũai
(Mac 13:3-13; Luca 21:7-19)*

3 Bo Yê-su tacu tâng dũal O-li-vê, ớng tốp rien tễ án sâng toâq pờ án. Alới blớh án neq: “Thâi ơi! Sễq thâi atõng hếq, noâng maléq dũn ranáq nâi toâq? Bữn tếc ntrớu sapáh yõn hếq dáng thâi toâq loah pờ cutếq nâi cớp tangái parsót?”

4 Yê-su ta-õi alới neq: “Cóq anhia ớt yõn khếuq. Chõi yõn noau phếq anhia. 5 Chumát bữn sa-ũi náq toâq cưỡ ramứh cứq, cớp pai neq: ‘Cutỗ cứq nâi toâp la Crít!’ Cớp alới phếq cứng cũai. 6 Từ anhia sâng parhan noau rachíl cheq-cheq yơng-yơng, anhia chõi croốq ntrớu. Ranáq nâi cóq toâq nhũang voai. Ma tỡ yũah toâq tangái parsót thánq. 7 Tốp nâi ể rachíl ratáq cớp tốp ki; cruang nâi ể rachíl ratáq cớp cruang ki. Bữn sa-ũi ntốq ốq sana cha. Cớp bữn sa-ũi ntốq cutếq rachâu cớp cacut. 8 Máh ramứh nâi mbõiq cõt trở dâu. Noâng bữn sa-ũi ramứh túh coat ển ể toâq.

9 “Tâng máh tangái ki, noau ể chiau anhia pờ atĩ cũai sâuq yõn alới cachĩt anhia. Cớp nheq tữh cũai lứq kêt anhia cũ tian anhia puai ngê cứq.

10 Bo ki, bữn sa-ũi náq cũai khoiq puai ngê cứq,

alói táh chíq ngê cứq, yuaq tờ rơi puai noâng. Alói manoaq cauq manoaq yỗn cũai sốt cachit. Cóp alói manoaq kêt manoaq. ¹¹ Bữn sa-ữi náq cũai toađ cóp pai alói la cũai tang bỗq Yiang Sursĩ. Ma alói pai lauq sâng ẽ radững cứng cũai sarlốq cóp alói. ¹² Yuaq ngê sấuq pỡq pláh dũ ntốq, ngkíq cũai ca manoaq ayooq manoaq tẽ nhũang cõt tờ bữn ayooq noâng. ¹³ Ma máh cũai ca rơi tanhĩr toau sốt dỡi tamoonq, Yiang Sursĩ lứq chuai amoonq alói. ¹⁴ Parnai o tẽ Yiang Sursĩ táq sốt, bữn cũai atỡng pláh dũ cruang tâng cutểq nãi, đốq yỗn nheq tửh cũai têq dáng. Moâm ki, lứq toađ tangái parsốt thánq.”

Yê-su Atỡng Bữn Sa-ữi Ramứh Túh Coat Toađ Pỡ Cutểq Nãi

(Mac 13:14-23; Luca 21:20-24)

¹⁵ “Nỡ-ra anhia lứq hữm máh ranáq, Daniel la cũai tang bỗq Yiang Sursĩ, khiq pai tẽ mbốq. Daniel pai saccoaiq, lứq bữn cũai đốq tâng Đống Sang Toađ crong nhọp cóp ốc lỏih ca Yiang Sursĩ tờ ểq hữm. (Cũai aléq doc santoiq nãi, cóq chanchóm yỗn samoat.) ¹⁶ Tangái ki, máh cũai tâng cruang Yudê, cóq lúh chỏn ỏt tâng cóh ẽn. ¹⁷ Án ca ỏt nhượ curũm đống, chỏi chỏn ỉt noâng crong tẽ đống. ¹⁸ Án ca ỏt tâng sarái, chỏi chu ỉt noâng tampác tẽ đống. ¹⁹ Tâng tangái ki, tỏiq bap lứq alói ca ỏt mumiaq cóp apu con. ²⁰ Ngkíq, cóq anhia câu sểq chỏi yỗn anhia lúh tâng casai sangết, cóp câu chỏi yỗn anhia lúh tâng Tangái Rlu. ²¹ Tâng tangái ki bữn túh coat hỡn tẽ dẫu

Yiang Sursĩ tẽng paloõng cutẽq toau toâq sanua. Cóp nõ-ra tõ bữn túh coat noâng riang tangái ki.

²² Khân Yiang Sursĩ tõ bữn arũiq loah máh tangái ki, lứq tõ bữn noau tẽq tamoong noâng. Ma cõ án yoc ẽ chuai máh cũai án khoiq ruroh, ngkíq án arũiq loah máh tangái ki.

²³ “Khân noau atõng anhia neq: ‘Nâi! Án ca õt nâi la lứq Crĩt!’ tõ la ‘Tíh! Án ca õt pỡ ki la lứq Crĩt!’ anhia chõi noap santoiq ki. ²⁴ Yuaq nõ pra bữn cũai tõ cõn lứq Crĩt, cóp tõ cõn lứq cũai tang bõq Yiang Sursĩ, toâq pỡ nâi. Alói ẽ táq tẽc salẽh cóp táq rit liaq lứq đõq thũ phẽq anhia. Khân tẽq, alói yoc ẽ rakiaug cũai ca Yiang Sursĩ khoiq ruroh. ²⁵ Nhẽng samoât! Cứq atõng anhia yõn dáng nhũang tẽ ranáq ki tõ yũah toâq.

²⁶ “Ngkíq, khân bữn noau atõng anhia neq: ‘Tíh! Bữn manoaq Crĩt õt tâng ntõq aiq ki!’, anhia chõi pỡq chu ntõq ki. Tõ la khân alói pai neq: ‘Tíh! Manoaq Crĩt õt tooq tâng đõng ki!’, anhia chõi noap. ²⁷ Yuaq cứq Con Yiang Cõt Cũai toâq la samoât riang lalieiq lacang tẽ púp moat mandang loõh toâq púp moat mandang pát.

²⁸ “Ntõq léq bữn cũai cuchĩt, ntõq ki lứq bữn calang srủh rỏm cha sâiq cumuiq ki.”

Yê-su Atõng Tẽ Con Yiang Cõt Cũai Toâq Loah Pỡ Cutẽq Nâi

(Mac 13:24-27; Luca 21:25-28)

²⁹ Yê-su atõng ẽn neq: “Vót tẽ máh tangái túh coat lứq ki, moat mandang tõ bữn claq noâng, cóp rliang casâi tõ bữn tráh noâng. Mantõr

satooh tẽ paloõng. Cóp máh ramúh bữn chóc tâng paloõng rachâu nheq. ³⁰ Tâng tangái ki tâng paloõng bữn tếc tẽ Con Yiang Cốt Cũai. Chơ dĩ ramúh cũai tâng cutẽq nâi nhiam u-õĩ yuaq alóĩ sâng ngcõh. Alóĩ hữm cứq Con Yiang Cốt Cũai, toâq mpúng dĩ ramúh, bữn chóc toâr cốp roâp ang-ữr lứq. ☆ ³¹ Cứq ẽ ớn ranẽng tẽ paloõng plóng lavia yõn casang lứq, đõq parõm dĩ náq cũai ca cứq khoiқ rườh tẽ cu angia cốp tẽ dĩ nõtq pũn paloõng cutrúq nâi.”

*Yê-su Sacâm Tẽ Aluang Tarúng
(Mac 13:28-31; Luca 21:29-33)*

³² “Anhia tamúng cứq sacâm tẽ nõm aluang tarúng. Khân abẽng aluang ki noâng nhuam, ki án báiq lacứp loah sala nhuam. Ngkíq anhia dáng khoiқ cheq ẽ toâq casâi phũac. ³³ Machóng ki tẽ, khân anhia hữm nheq máh ramúh nâi toâq, anhia lứq dáng Con Yiang Cốt Cũai cheq ẽ toâq chơ. Án khoiқ tamốc ngoah toong. ³⁴ Cứq atõng anhia samoât lứq, nheq tữh cũai tâng dĩ nâi tỡ bữn pút nhũang nheq ramúh ki toâq. ³⁵ Chumat paloõng cốp cutẽq cõt pút nheq, ma santoiқ cứq atõng tỡ nai pút.”

*Noau Tỡ Bữn Dáng Tangái Aléq Con Yiang Cốt Cũai Toâq Loah
(Mac 13:32-37; Luca 17:26-30, 34-36)*

³⁶ “Tỡ bữn noau dáng tangái léq tỡ la bo léq ranáq ki toâq. Máh ranẽng Yiang Sursĩ tâng paloõng, cốp Con Yiang Sursĩ la tỡ bữn dáng tẽ

☆ **24:30** 24:30 Daniel 7:13

tangái ki. Ông Mpoaq cứq toâq dáng tangái ki. ³⁷ Con Yiang Cốt Cũai toâq loah pở cutêq nâi la samoât riang dôi Nô-ê tễ mbốq. ³⁸ Tâng dôi Nô-ê, nhũang raloâm đởq toâq, máh cũai tâng dôi ki cha nguaiq bũi óh lứq. Alói ỉt con lacuoi mantoat tễ nling toau toâq tangái Nô-ê chôn tâng tuoc. ³⁹ Alói tở bữn dáng ntróu thánq ramứh ễ toâq pở alói. Ma bo raloâm đởq ki toâq, chơ đởq ki sakết đừng nheq alói. Tangái Con Yiang Cốt Cũai toâq loah pở cutêq nâi la machóng ki tê. ⁴⁰ Bo ki bữn bar náq samiang ốt tâng sarái. Ranềng Yiang Sursĩ đừng chíq manoaq, ma manoaq ễn án yỗn ốt loah tâng sarái ki. ⁴¹ Cóp bo ki bữn bar náq mansêm ốt cuclóh saro. Ranềng ki đừng chíq manoaq, ma manoaq ễn án yỗn ốt loah ngki. ⁴² Ngkíq cóq anhia trỗl níc yuaq anhia tở dáng tangái ntróu Ncháu anhia toâq loah pở anhia. ⁴³ Cóq anhia sanhữ yỗn samoât tễ ốc nâi: Khân cũai ncháu đống ma dáng bo léq cũai savềng ễ mut tutuoiq tâng đống án, cũai ncháu đống ki trỗl níc tở yỗn cũai savềng tềq mut tutuoiq tâng đống án. ⁴⁴ Ngkíq cóq anhia thữan acoan níc tê, yuaq anhia tở dáng bo léq cứq, Con Yiang Cốt Cũai, toâq loah. Cứq lứq toâq bo tangái anhia tở bữn chanchóm ntróu pai cứq toâq.”

Yê-su Atông Tễ Sũl O Cóp Sũl Tở Bữn O
(Luca 12:41-48)

⁴⁵ “Khân bữn cũai sũl rangoiq cóp táq ranáq o níc, ki ncháu đống lứq chón án yỗn táq sôt nhêng salíq máh sũl canốh. Ntróu ncháu ón

siem, sũl ki lứq siem ramứh ki. ⁴⁶ Khân sũl ki táq p̄ieiq nheq máh ranáq ncháu án ón táq, án sâng bũi lứq bo ncháu án chu! ⁴⁷ Cứq atớng anhia samoát lứq, nỡ-ra ncháu ki yỗn sũl ki kĩaq nhềng nheq máh mun án. ⁴⁸ Ma khân sũl ki táq sâng, cõh lơ án chanchóm tâng mút án neq: ‘Noâng dũn, ki nỏq ncháu cứq chu.’ ⁴⁹ Ngkíq án toân máh cũai táq ranáq ncháu án, cớp án cha nguaiq yỗn bũl plêc riang cũai canỏh tê. ⁵⁰ Bữn muoi tangái ncháu ki chu, ma sũl ki tỡ bữn dáng tangái lếq, cớp án tỡ bữn chanchóm ntrứu thánq tể óc ki. ⁵¹ Ngkíq ncháu ki tráh tỡ sũl ki toâq pla dau. Cớp ncháu yỗn sũl ki ớt parnơi cớp cũai táq nan. Ntốq ki noau nhiam cớp carừot canễng tabang cõ sâng túh coat lứq.

25

Yê-su Atớng Parnai Sacâm Tể Muoi Chít Náq Cũai Cumũr

¹ “Yiang Sursĩ táq sớt la samoát riang muoi chít náq cumũr cantrĩng. Alói ỉt chóp tóu, chơ alói pỏq crỏq án ca racoaiq lacuoi. ² Sỡng náq cumũr ki la sacũl, ma sỡng náq ẽn la rangoaiq. ³ Alói ca sacũl, ki dũng tê chóp tóu, ma alói tỡ bữn dũng tóu carlũi. ⁴ Ma alói ca rangoaiq, ki alói dũng chóp tóu cớp dũng tóu carlũi tâng bẽ canỏh hỡ. ⁵ Ngkíq án ca racoaiq lacuoi, yũt lứq toâq. Chơ máh cumũr ki, án ca bẻq tũt, án ca bẻq langêth thánq.

⁶ “Toâq muoi mpứt noau arô casang lứq neq: ‘Ki! Án ca racoaiq lacuoi khoiq toâq chơ! Anhia

põq ramóh án!’⁷ Nheq muoi chít náq cumũr ki tamõ, cõp alõi thũan chõp tóu alõi.⁸ Alõi ca sacũl pai chõq alõi ca rangoaiq neq: ‘Sẽq anhia kĩa h tóu anhia yõn hẽq nũng, yuaq chõp tóu hẽq khoiq nheq tóu chõ.’⁹ Ma alõi ca rangoaiq ta-õi neq: ‘Hẽq tở tẽq kĩa mỗ. Ngcõh tóu hẽq tở bũn dũ yõn anhia cõp hẽq. Pĩeiq lủq la anhia põq chõng tẽ cũai chẽq tóu.’¹⁰ Ma bo alõi põq chõng, án ca racoaiq lacuoi toaq. Chõ sõng náq ca noang bũn tóu, alõi bũn mut hâu racoaiq án ca ít lacuoi. Chõ noau catáih chíq toong.

¹¹ “Vót ki, alõi ca põq chõng tóu ki chu. Alõi arõ neq: ‘Ai tamái ời! Ai tamái ời! Pớh toong yõn hẽq mut tẽ!’¹² Ma ai tamái ki ta-õi neq: ‘Củq atõng anhia samoat lủq, củq tở dáng anhia.’ ”

¹³ Chõ Yê-su pai ẽn: “Ngkĩq cóq anhia õt trở níc, yuaq anhia tở bũn dáng tangái lẻq cõp bo lẻq Con Yiang Cõt Cũai toaq loah pữ cutẽq nãi.

Yê-su Atõng Parnai Sacâm Tẽ Pái Náq Cũai Táq Ranáq
(Luca 19:11-27)

¹⁴ “Yiang Sursĩ táq sõt la samoat riang manoaq samiang põq tamoi pữ cruang yõng. Bo án cheq ẽ põq, án arõ cũai táq ranáq án, cõp án chiau yõn máh cũai ki kĩaq práq mun án.¹⁵ Cũai rangoaiq lủq, án yõn sõng nẽn. Cũai rangoaiq padam, án yõn bar nẽn. Ma cũai bũn rangoaiq bĩq, ki án yõn õng muoi nẽn sâng* Chõ án põq tamoi.¹⁶ Án ca roap sõng nẽn, án põq chẽq

* **25:15** 25:15 Puaì kia práq tâng dõì ki, án yõn sa-ũì hõn tẽ kia práq nẽn sanua.

chống toập. Chơ án bữn lơi sỡng nễn. ¹⁷ Án ca roap bar nễn, án táq machóng ki tê. Cóp án bữn lơi bar nễn. ¹⁸ Ma án ca roap ống muoi nễn, án pítq prúng tâng cutẽq. Chơ án tứp práq ki.

¹⁹ “Dũn cumo ralua casâi, ncháu ki pít chu. Án blóh loah tẽ máh práq án khoiq yỗn pỡ alói. ²⁰ Cũai ca khoiq roap sỡng nễn, án dũng atoâq sỡng nễn ễn pỡ ncháu án. Cóp án pai neq: ‘Ncháu ơi! Ncháu khoiq yỗn cứq sỡng nễn, ma sanua cứq bữn lơi sỡng nễn ễn.’ ²¹ Ncháu ki ta-ỡi án: ‘Máh ranáq mới táq la pĩeiq nheq. Cóp mới la cũai táq ranáq o cóp pĩeiq lứq. Mới khoiq táq o lứq tâng ramứh cacót nâi. Ngkít cứq yỗn mới ndỡm sa-ũi ramứh toâr ễn. Cóp cứq yỗn mới bữn ốc bũi ỡn ỡt parnỡi cóp cứq.’ ²² Cũai ca khoiq roap bar nễn, án dũng atoâq bar nễn canốh pỡ ncháu án. Cóp án pai neq: ‘Ncháu ơi! Ncháu khoiq yỗn cứq bar nễn, ma sanua cứq bữn lơi bar nễn ễn.’ ²³ Ncháu ki ta-ỡi án neq: ‘Máh ranáq mới táq la pĩeiq nheq. Cóp mới la cũai táq ranáq o cóp pĩeiq lứq. Mới khoiq táq o lứq tâng ramứh cacót nâi. Ngkít cứq yỗn mới ndỡm sa-ũi ramứh toâr ễn. Cóp cứq yỗn mới bữn ốc bũi ỡn ỡt parnỡi cóp cứq tê.’ ²⁴ Ntun ki, cũai ca khoiq roap muoi nễn, án toâq tê cóp pai neq: ‘Ncháu ơi! Cứq dáng mới pasêq lứq práq mới. Mới tỡ bữn táq, ma mới ẽ ít. Mới tỡ bữn choat, ma mới ẽ sot. ²⁵ Ngkít cứq ngcốh, chơ cứq dũng tứp práq mới tâng cutẽq. Sanua cứq culáh loah yỗn ncháu práq ncháu.’ ²⁶ Ncháu ki

ta-đi án neq: ‘Mói la cũai loai cốp aloah lứq. Mói khoiq dáng chơ cừq tở bữn táq, ma cừq ít. Cừq tở bữn choat, ma cừq sot. ²⁷ Khân ngkíq, o hỡn la mới yỗn cũai canỏh voaq práq cừq. Chơ toaq tangái cừq chu loah, cừq bữn práq ki cốp bữn loi hỡ. ²⁸ Ngkíq sanua, cóq ít chíq práq tễ cũai nái, chơ yỗn pỡ án ca khoiq bữn muoi chít nển ki. ²⁹ Yuaq án ca bữn sa-ữi, ki cừq yỗn án bữn sa-ữi lứq ển, toau clữi tác clữi cha. Ma án ca tở bữn bữn ntrứ, ki cừq yỗn án ỏq loang. ³⁰ Ma cũai ca táq tở bữn loi ntrứ, cóq takễ aloỏh án tễ ntốq nái, yỗn án ỏt tâng ntốq canám. Ntốq ki noau nhiam nhit cốp carừot canẻng tabang cỗ sâng túh arức lứq.’ ”

Con Yiang Cốt Cũai Rablỏh Nheq Tữh Cũai

³¹ “Tữ Con Yiang Cốt Cũai toaq loah cốt Puo yỗn nheq tửh cũai, bo ki án tacu tâng cachơng sỏt, cachơng ki ỏng Puo sâng tẻ tacu. Roáp án ang-ữr, cốp máh ranẻng Yiang Sursĩ toaq cốp án tẻ. ³² Nheq tửh cũai ể rỏm yáng moat án, cốp án ể cayoah nheq tửh cũai cốt bar tốp, samoat riang cũai mantán cayoah cũu cốp mbẻq. ³³ Chơ án yỗn máh cũu ỏt yoah atoam án, cốp án yỗn máh mbẻq ỏt yoah avêr án. ³⁴ Chơ Puo ki atởng alớ ca ỏt coah atoam án neq: ‘Mpoaq cừq lứq yỗn anhia bữn ỏc bỗn sa-ữi. Anhia mut táq sỏt tâng ntốq Yiang Sursĩ khoiq thừan đỏq mun yỗn anhia. Mun nái án thừan đỏq yỗn anhia tễ tangái án tẻng túc ramứh tâng paloỏng cốp tâng cutẻq. ³⁵ Bo cừq sâng panhieih, anhia khoiq siem

cứq yỗn bữn cha. Bo cứq khlac đởq, anhia khoiđ yỗn cứq nguaiđ. Bo cứq la cũai tamoi liađ, anhia khoiđ tabỗp tabẻh cứq, cớp yỗn cứq mut tẻng đởng anhia. ³⁶ Bo cứq ỏq tampẻc, anhia khoiđ yỗn cứq bữn tampẻc. Bo cứq a-ỉ, anhia khoiđ pỏq clẻh cớq. Bo cứq ỏt tũ tẻng cuađ, anhia khoiđ toẻq sa-ỏh cứq.’ ³⁷ Chẻ alỏi ca tanoang o ki blỏh neđ: ‘Nchẻu ỏi! Bo lẻq hẻq hữm Nchẻu panhieih cớp hẻq chửm siem Nchẻu? Tở la Nchẻu khlac đởq cớp hẻq yỗn Nchẻu nguaiđ? ³⁸ Bo lẻq hẻq hữm Nchẻu la cũai tamoi liađ, cớp hẻq tabỗp tabẻh o Nchẻu, cớp yỗn Nchẻu mut tẻng đởng hẻq? Tở la Nchẻu ỏq tampẻc, cớp hẻq yỗn Nchẻu bữn tampẻc? ³⁹ Cớp bo lẻq hẻq hữm Nchẻu a-ỉ tở la ỏt tũ tẻng cuađ, ma hẻq pỏq sa-ỏh Nchẻu?’ ⁴⁰ Ngkẻđ Puo ki ta-ỏi loah neđ: ‘Cứq atởng anhia samoẻt lửq, bo anhia tẻq mẻh ranẻq ki chỏq sẻm ai cứq ca tở bữn noah rachuai, nẻi la machỏng anhia tẻq chỏq cứq tẻ!’

⁴¹ “Moẻm ki, Puo ki atởng alỏi ca ỏt coah avẻrẻn ẻn neđ: ‘Anhia priang yẻng tẻ cứq, yuađ Yiang Sursẻi khoiđ pupap anhia chẻ. ẻn yỗn anhia ỏt tẻng ntỏq bữn ửiẻh blử mẻtẻi nẻc, la ntỏq Yiang Sursẻi khoiđ thừẻn đởq yỗn yiang Satan cớp mẻh ranẻng yiang ki. ⁴² Bo cứq sẻng panhieih, anhia tở bữn yỗn cứq sana cha. Bo cứq khlac đởq, anhia tở bữn yỗn cứq nguaiđ. ⁴³ Bo cứq la cũai tamoi liađ, anhia tở bữn tabỗp tabẻh o cứq, cớp tở bữn yỗn cứq mut tẻng đởng anhia. Bo cứq ỏq tampẻc, anhia tở bữn yỗn cứq bữn tampẻc. Bo cứq a-ỉ cớp ỏt tũ tẻng cuađ, anhia

tở bữn pởq clo cớp toađ sa-óh cứq.’⁴⁴ Chơ alóí ki blóh Puo neq: ‘Ncháu ơi! Bo léq hếq hữm Ncháu panhieih, tở la khlac đởq, tở la cớt tamoi liaq, tở la ởq tampác tác, tở la a-ĩ cớp ớt tữ tâng cuaq, ma hếq tở bữn chuai Ncháu?’⁴⁵ Ngkíq Puo ki ta-ỡi loah alóí neq: ‘Cứq atởng anhia samoât lứq, bo anhia tở bữn chuai máh cũai tở bữn noau rachuai, la machớng anhia tở bữn chuai cứq tẻ.’⁴⁶ Chơ tởp alóí ca tở bữn rachuai, cóq alóí mut tâng ntốq tởiq bap lứq. Ma máh cũai tanoang o, alóí bữn mut tâng ntốq bữn tamoong mantái níc.”

26

Cũai Sốt Sarhống Ê Cachĩt Yê-su (Mac 14:1-2; Luca 22:1-2; Yang 11:45-53)

¹ Tữ Yê-su atởng moâm nheq parnai ki, án atởng tởp rien tẻ án neq: ² “Anhia khoiq dáng chơ, noâng bar tangái ẻn tởp I-sarel ẻ cha bữi sanhữ Tangái Loỏh.* Tangái ki la tangái noau chiau cứq, Con Yiang Cớt Cũai, yỏn cũai tẻh cứq tâng aluang sangcáng.”

³ Bo ki máh cũai sốt tởp tẻng rit sang Yiang Sursĩ cớp máh cũai sốt nheq sâu, alóí rôm sarhống tâng đớng cũai sốt nheq tẻ rit sang Yiang Sursĩ. Ramứh án la Cai-pha. ⁴ Alóí sarhống đởq chuaq ngẻ ẻ cớp cớp cachĩt Yê-su, ma alóí tở ẻq cũai canỏh dáng. ⁵ Alóí pai neq: “Hái tở tẻq

* **26:2** 26:2 Tangái ki alóí sanhữ tangái Yiang Sursĩ chuai yỏn alóí loỏh tẻ cruang Ê-yip-tỏ tẻ mbỏq.

táq ngkíq tâng tangái cha bũi, yuaq ngcõh cũai
clững táq choac tâng vil.”

*Manoaq Mansẽm Tõh Dõq Phuom Tâng Tõ Yê-
su*

(Mac 14:3-9; Yang 12:1-8)

⁶ Bo Yê-su õt tâng vil Bê-thani, án õt tâng dõng
Si-môn, la cũai a-ĩ tut tẽ nhũang. ⁷ Chơ bữn
manoaq mansẽm toâq pỡ Yê-su. Án dững muoi
lám bẽ noau táq toâq tamáu bữn ramứh a-labat.
Tâng bẽ ki bữn dõq phuom kia ntâng lứq. Bo
Yê-su õt chi-cha, mansẽm ki tõh dõq phuom tâng
plỡ Yê-su. ⁸ Tữ tốp rien tẽ Yê-su hữm mansẽm
ki táq ngkíq, alới sâng cutâu mút, cớp alới pai
neq: “Nõq mansẽm nâi táq ngkíq, cớp palõ miat
mun? ⁹ Khân chẻq dõq phuom nâi, bữn sa-ũi
práq. Têq ỉt práq ki chuai máh cũai cadĩt!”

¹⁰ Yê-su sâng alới pai ngkíq, chơ án atõng alới
neq: “Nõq anhia táq yõn mansẽm nâi ngua?
Mansẽm nâi táq ranáq o lứq yõn cứq. ¹¹ Máh
cũai cadĩt õt níc cớp anhia. Ma cứq tỡ bữn õt
mantái níc cớp anhia. ¹² Mansẽm nâi khoi q tõh
dõq phuom tâng tõ cứq, thữan dõq yõn noau
túp cứq tâng ping. ¹³ Cứq atõng anhia samoât
lứq, tâng dũ ntõq chũop cớc cutẻq nâi, toâq
noau atõng parnai o tẽ Yiang Sursĩ, lứq noau
atõng dẻh ranáq mansẽm nâi táq hỡ dõq cũai
sanhữ loah án.”

Yuda Pruam Chẻq Chíq Yê-su
(Mac 14:10-11; Luca 22:3-6)

14 Vót ki Yuda I-cari-ôt, án la tẽ tốp muoi chít la bar náq, án toâq pỡ cũai sớt tốp tềng rit sang Yiang Sursĩ. 15 Cóp án atõng alóí neq: “Khân cúq chiau Yê-su pỡ atĩ anhia, ki ntróu anhia yõn cúq?”

Ngkíq alóí pruum yõn án pái chít ọc práq. 16 Moâm ki, Yuda chuaq ngê yoc ẽ chéq chíq Yê-su.

*Yê-su Ồt Cha Parnơi Cóp Tốp Rien Tẽ Án
(Mac 14:12-21; Luca 22:7-14, 21-23; Yang
13:21-30)*

17 Tâng máh tangái tốp I-sarel cha bũi sanhữ Tangái Loõh, nheq tapul tangái alóí cha bẽng tỡ bữn pluoih. Tâng tangái muoi, tốp rien tẽ Yê-su toâq pỡ án cóp blóh neq: “Ntốq léq thâi yoc hếq pỡq thữan yõn thâi cha pêl bũi?”

18 Yê-su ta-õi alóí neq: “Anhia mut tâng vil, anhia ramóh manoaq ca ndõm dõng. Anhia pai chóq án neq: ‘Thâi pai khoiq cheq ẽ toâq tangái Yiang Sursĩ anoat yõn cúq. Cúq cóp tốp rien tẽ cúq yoc ẽ cha pêl bũi Tangái Loõh tâng dõng mới.’ ”

19 Ngkíq tốp rien tẽ Yê-su pỡq táq samoât Yê-su patâp alóí. Cóp alóí thữan cha pêl bũi tâng dõng ki.

20 Toâq nhứm-nhứm Yê-su tacu cha parnơi cóp muoi chít la bar náq tốp rien tẽ án. 21 Bo alóí chi-cha, Yê-su atõng alóí neq: “Cúq atõng anhia samoât lúq, bữn manoaq tẽ tốp anhia chéq chíq cúq.”

22 Nheq tữh tốp rien tễ án sâng nguá lứq, cớp chữ manoaq alóí blóh Yê-su neq: “Cứq ma tở bữn, Ncháu?”

23 Yê-su ta-đi alóí neq: “Án ca tốq bễng muoi tangan cớp cứq, lứq án ki toâp chềq cứq. 24 Con Yiang Cốt Cũai cóq cuchit puai tâng tâm saráq Yiang Sursĩ khoiq atỡng tễ án. Ma bap lứq cũai ca chềq Con Yiang Cốt Cũai! P̄ieiq lứq la mpiq án chõỉ canốt!”

25 Yuda, án ca chềq Yê-su blóh neq: “Cứq ma tở bữn, thâi?”

Yê-su atỡng án neq: “Lứq p̄ieiq ariang mới pai.”

*Alóí Cha Nguaiq Sanhữ Tở Cớp Aham Yê-su
(Mac 14:22-26; Luca 22:15-20; Cờ-ntô Muoi
11:23-25)*

26 Bo alóí chi-cha, Yê-su ãt bễng. Án sa-ỡn Yiang Sursĩ, chơ án p̄ĩh bễng ki cớp avoi yỗn máh tốp rien tễ án. Án pai neq: “Anhia roap cha; nâi la tở cứq.”

27 Vót ki án ãt tangan ẽn. Án sa-ỡn Yiang Sursĩ; chơ án avoi yỗn tốp rien tễ án, cớp án pai neq: “Nheq tữh anhia nguaiq. 28 Nâi la aham cứq ca loỏh táq tếc Yiang Sursĩ par-ữq parnai tamái yỗn nheq tữh cũai. Nho tễ aham cứq Yiang Sursĩ táh lôih yỗn cũai. 29 Cứq atỡng anhia neq: Cứq tở bữn nguaiq noâng đởq palâi nho nâi yỗn toau toâp tangái cứq nguaiq đởq nho tamái parnoi cớp anhia tâng ntóq Mpoaq cứq sốt.”

30 Moâm alóí ùat muoi cansái khẽn, chơ alóí loỏh tễ ki, chõn tâng dũal O-li-vê ẽn.

Yê-su Atông Nhũang Tễ Ranáq Phi-er Táq
(Mac 14:27-31; Luca 22:31-34; Yang 13:36-38)

³¹ Bo ki Yê-su atông alóí neq: “Sadâu nâi toáp neq tữh anhia lứq táh cứq. Tâng tâm saráq Yiang Sursĩ khoiq pai neq:

‘Cứq yỗn noau cachĩt chíq cũai mantán cũu;
 chơ tốp cũu cứq cõt pláh chap neq.’[✧]

³² Ma toáp cứq tamoong loah, cứq pờq nhũang anhia pờ cruang Cali-lê.”

³³ Phi-er atông Yê-su neq: “Khân neq tữh cũai canõh táh thâi, cứq lứq tở bữn táh mỗ!”

³⁴ Yê-su atông loah án neq: “Cứq atông mới samoât lứq, tâng sadâu nâi toáp, nhũang ntruoi tacar, mới lứq calõih cứq pái trõ.”

³⁵ Ma Phi-er ta-õĩ neq: “Khân noau cachĩt cứq cốp thâi, la thõĩ. Cứq tở bữn calõih mỗ!”

Cốp neq tữh tốp ki pai machóng Phi-er tê.

Yê-su Câu Tâng Nương Kê-t-se-manê
(Mac 14:32-42; Luca 22:39-46)

³⁶ Chơ Yê-su cốp tốp rien tễ án toáp pờ ntốq nương Kê-t-se-manê. Yê-su atông tốp rien tễ án neq: “Anhia ốt tacu nâi nơ. Cứq pờq câu pờ ki.”

³⁷ Ngkíq Yê-su dững Phi-er cốp bar náq sễm ai con Sê-badê pờq nứng án. Mbõiq ki Yê-su sâng túh ngua lứq. ³⁸ Án atông alóí pái náq ki neq: “Mút cứq sâng ngua lứq, tở rơi tamoong noâng. Anhia ốt acoan nâi. Anhia trõĩ cốp cứq.”

³⁹ Tữ Yê-su pờq bĩq ễn, án ap tâng cutễq muoi tatúp, cốp án câu neq: “O Mpoaq cứq ơ! Khân mới sâng pĩeiq, cứq sễq mới ayốq tangan túh

✧ 26:31 26:31 Sa-chari 13:7

coat nâi yõn vót tẽ cúq. Ma cúq tỡ ẽq puai rangúh cúq bữm, ma ẽ puai óng rangúh mới sâng.”

⁴⁰ Chơ Yê-su chu loah pỡ pái náq ca rien tẽ án. Án ramóh alóí bẻq. Chơ án blóh Phi-er neq: “Nỏq mahúiq la anhia tỡ rơi trồỉ cớp cúq? ⁴¹ Cớq anhia tamỡ cớp câu sẻq chỏi yõn noau radừng anhia táq lỏih. Mứt pahỡm anhia la bán rẻng, ma sac sảiq anhia la ieuq.”

⁴² Yê-su pỡq trỏ bar ẻn câu pỡ ki sĩa. Án câu neq: “Mpoaq cúq ơi! Khân mới tỡ bữn ayỏq tangan túh coat nâi yõn vót tẽ cúq, ma mới yõn cúq cớq nguaiq, ki cúq pruam puai óng rangúh mới sâng.”

⁴³ Chơ Yê-su chu loah pỡ pái náq ca rien tẽ án. Án ramóh alóí bẻq sĩa. Alóí tỡ rơi culian; acỡr moat alóí acứp níc.

⁴⁴ Yê-su pỡq sĩa tẽ alóí, cớp án pỡq câu cõt trỏ pái. Án câu machóng santoiq tẽ nhũang ki.

⁴⁵ Chơ án chu loah pỡ tốp rien tẽ án cớp án pai neq: “Nỏq noâng anhia bẻq cớp rlu níc? Ngu cúq khoiq cheq toảq chơ. Noau khoiq chẻq Con Yiang Cõt Cũai, pỡ atĩ cũai lỏih. ⁴⁶ Yuor tayứng! Háỉ pỡq! Anhia nhẻng, án ca chẻq cúq khoiq toảq chơ!”

Noau Cớp Yê-su

(Mac 14:43-50; Luca 22:47-53; Yang 18:3-12)

⁴⁷ Bo Yê-su noâng atỡng alóí, Yuda la manoaq tẽ tốp muoi chít la bar náq, án toảq cớp cũai clứng. Máh cũai ki toảq tẽ cũai sớt tốp tẻng rit

sang Yiang Sursĩ, cốp cũai sốt nheq sêu. Alói dững dau cốp cuan. ⁴⁸ Án ca chéq Yê-su khoiq atông tếc yỗn máh cũai cứng ki dáng. Án khoiq atông alói neq: “Khân anhia hữm cứq hữn aléq, lứq cutõ án oiq anhia ẽ bữn. Chơ anhia cốp án!”

⁴⁹ Ngkíq Yuda toâq toâp pỡ Yê-su, cốp án pai neq: “Bán tê thài.”

Chơ án hữn Yê-su.

⁵⁰ Yê-su atông án neq: “Yóu ơi! Ranáq ntrầu mới ẽ táq, ki mới táq chái!”

Chơ noau toâq yống cốp cốp Yê-su.

⁵¹ Bữn manoaq tẽ tốp puai Yê-su thot dau tẽ sor. Án tránh manoaq sũl cũai sốt nheq tẽ rit sang Yiang Sursĩ, p̄ieiq ta-õh muoi coah cutũr. ⁵² Yê-su atông án neq: “Mới chóq loah dau mới tâng sor. Cũai aléq yống dau, cũai ki cuchĩt loah na dau. ⁵³ Mới dáng ma tỡ bữn, khân cứq yoc, têq cứq sêq tẽ Mpoaq cứq yỗn án ớn hỡn tẽ muoi chít la bar vian ranẽng án tẽ paloõng toâq chuai cứq? ⁵⁴ Ma khân cứq táq ngkíq, ki tỡ bữn rap̄ieiq noâng máh santoiq Yiang Sursĩ khoiq pai tâng tâm saráq án tẽ mbốq. Saráq ki atông tẽ máh ranáq nài cóq toâq.”

⁵⁵ Chơ Yê-su blóh máh cũai cứng ki ẽn: “Nốq anhia toâq pỡ nài dững dau cốp cuan ẽ cốp cứq? Anhia chanchóm cứq la cũai savẽng tỡ? Cu rangái cứq ớt atông tâng Dống Sang Toâr, ma anhia tỡ bữn cốp cứq. ⁵⁶ Ma ranáq nài táq yỗn cõt rap̄ieiq máh santoiq tâng tâm saráq Yiang Sursĩ khoiq atông nhor tẽ cũai tang bỗq Yiang Sursĩ tẽ mbốq.”

Chơ máh tốp rien tễ Yê-su lúh táh chíq án.

Yê-su Tayúng Yáng Moat Cũai Sốt

(Mac 14:53-65; Luca 22:54-55, 63-71; Yang 18:13-14, 19-24)

⁵⁷ Ngkíq alóí cốp Yê-su cốp dững án pở dống Cai-pha, la cũai sốt nheq tễ rit sang Yiang Sursĩ. Nheq tửh cũai sốt nheq sâu, cốp cũai yống rit, toâq rôm pở ntốq ki tê. ⁵⁸ Phi-er puai cutuaih ntun clĩ Yê-su. Án mut tâng nchõh dống cũai sốt nheq tễ rit sang Yiang Sursĩ. Án tacu parnơi cốp ranêng cũai sốt ki, yoc ẽ dánh ntróu alóí ẽ táq chók Yê-su. ⁵⁹ Ngkíq máh cũai sốt tốp tềng rit sang Yiang Sursĩ cốp cũai bữn chóc canõh, alóí chuaq cũai ca têq pai apót Yê-su. Alóí yoc ẽ cachĩt Yê-su. ⁶⁰ Bữn sa-ũĩ cũai toâq tũn apót Yê-su, ma tở bữn lứq. Sốt ki tở bữn ramóh muoi ọc tở o ntróu tễ Yê-su. Ntun thág bữn bar náq ẽn toâq apót Yê-su. ⁶¹ Alóí pai neq: “Cũai nâi pai: ‘Têq cúq talõh Dống Sang Toâr Yiang Sursĩ. Chơ cúq táq loah pái tangái la moâm toâp.’ ”

⁶² Ngkíq án ca sốt nheq tễ rit sang Yiang Sursĩ, án yuor tayúng cốp blóh Yê-su neq: “Máh cũai nâi cauq mới, lứq samoât mới pai ngkíq tở? Cốp ntróu mới yoc ẽ ta-õĩ loah chók alóí ki?”

⁶³ Ma Yê-su õt savưl sâng. Án tở bữn pai ntróu. Chơ án ca sốt nheq tễ rit sang pai ẽn neq: “Cúq arô ramứh Yiang Sursĩ, án ca tamoong mantái, nhơ ramứh án cúq ớn mới thể dũan cốp hếq, lứq mới la Crĩt, Con Yiang Sursĩ, ma tở bữn?”

⁶⁴ Yê-su ta-ôi án neq: “Lứq p̄ieiq ariang mới pai. Ma cứq atõng loah anhia neq: Chumát anhia lứq hữm Con Yiang Cốt Cũai tacu coah atoam Yiang Sursĩ Sốt Toâr Lứq, cốp án toâq mpững dĩ ramứl tâng paloõng.”✧

⁶⁵ Ngkíq án ca sốt nheq tẽ rit sang Yiang Sursĩ háq tampác án bữm, táq tếc án sâng ngua lứq. Cốp án pai chóq nheq tữh cũai ki neq: “Án nâi pai ngkíq, la máh án acrieiq Yiang Sursĩ chơ. Choam hái ẽ blóh noâng cũai canõh. Anhia khoiq sâng chơ parnai án pai. ⁶⁶ Nổq anhia chanchóm tẽ ọc ki?”

Alóí ki ta-ôi neq: “Lứq p̄ieiq án cóq cuchĩt!”

⁶⁷ Chơ alóí cuchóh tâng mieiq Yê-su, cốp chooc án. Ma bữn cũai canõh tapáh án, ⁶⁸ cốp blóh neq: “Crĩt ơi! Khân mới la lứq cũai tang bỗq Yiang Sursĩ, âu mới atõng hếq, noau chooc mới?”

Phi-er Calõih Yê-su

(Mac 14:66-72; Luca 22:56-62; Yang 18:15-18, 25-27)

⁶⁹ Phi-er ốt tacu tâng nchõh. Bữn manoaq mansẽm táq ranáq yõn cũai ndõm nheq tẽ rit sang Yiang Sursĩ, toâq pỡ Phi-er cốp pai neq: “Mới la cũai ca ốt cốp Yê-su, cũai tẽ cruang Cali-lê.”

⁷⁰ Ma Phi-er calõih Yê-su yáng moat nheq cũai ki neq: “Cứq tỡ sapúh mới pai.”

⁷¹ Chơ án pỡq pỡ ngoah toong viang. Bữn mansẽm canõh ễn hữm án, cốp pai chóq máh

cũai ốt cheq ki neq: “Cũai nâi ốt cốp Yê-su, la cũai tễ vil Na-sarết.”

⁷² Ma Phi-er calõih Yê-su sĩa, cốp án thể dũan: “Cứq tở dáng noau án ki!”

⁷³ Mahõi bar ễn, bữn máh cũai ốt cheq ki toãq pỡ Phi-er, cốp pai neq: “Lứq samoât mới la tễ tốp ki tê, yuaq samũong mới ỉn cũai ki.”

⁷⁴ Ma Phi-er thể dũan cloc plỡ cloc sóc. Cốp án ta-õi suon níc neq: “Cứq tở nai hũm, tở nai dáng cũai ki!”

Bo ki toãp ntruoi tacar. ⁷⁵ Chơ Phi-er sanhữ loah máh santoiq Yê-su khoiq atõng án neq: “Nhũang ntruoi tacar, mới lứq calõih cứq pải trõ.”

Ngkíq Phi-er loõh tễ ki; chơ án nhiam la-õq lứq.

27

Yê-su Tayúng Yáng Moat Phi-lat

(Mac 15:1; Luca 23:1-2; Yang 18:28-32)

¹ Toãq poang tarựp parnỡ, mbõiq rừm-rừm, nheq tữh cũai sốt tốp tễng rit sang Yiang Sursĩ, cốp nheq máh cũai sốt nheq sâu, alõi sarhõng cốp chuaq ngê ẽ cachĩt Yê-su. ² Alõi chỏq Yê-su cốp dũng án pỡ atĩ Phi-lat cũai Rô-ma, án ca sốt tâng cruang ki.

Yuda Yác, Án Chỏq Panũar Tâng Tacong Án Bữm

(Ranáq Táq 1:18-19)

³ Tữ Yuda, án ca khoiq chẻq Yê-su, sâng cũai sốt pai: Yê-su cóq cuchĩt, ngkíq án sâng ngua

lúq cõ tẽ ranáq án khoiq táq. Chơ án dững culáh loah pái chít ọc práq pở máh cũai sôt tộp tềng rit sang Yiang Sursĩ, cớp máh cũai sôt nheq sáu.
⁴ Án pai neq: “Cứq khoiq táq lôih yuaq cứq khoiq chềq manoaq ca tở bữn lôih ntrứu.”

Ma alới ta-ỡi Yuda neq: “Ớc ki tở bữn ntrứu cớp hếq. Tam mới!”

⁵ Ngkíq Yuda voang táh práq ki tâng Dống Sang Toâr. Chơ án loõh yác, chớq panũar cớp sarót tacong bữm.

⁶ Máh cũai sôt tộp tềng rit sang Yiang Sursĩ, alới tởiq ít práq ki, cớp alới pai neq: “Práq nâi la kia tẽ aham cũai. Ngkíq puai phếp rit hái tở tềq đởq práq nâi tâng Dống Sang Toâr.”

⁷ Chơ alới sarhống. Moâm ki alới chỡng muoi tâm cutểq toâq práq ki. Cutểq ki alới chỡng tẽ cũai Chiang táq adéh toâq cutểq tabát. Alới chỡng tâm cutểq ki ien túp cũai tẽ cruang canõh ca cuchĩt pở ki. ⁸ Ngkíq toau tangái nâi noau amúh cutểq ki la Tâm Cutểq Aham Cũai Cuchĩt.
⁹⁻¹⁰ Ngkíq cõt rapĩeiq máh santoiq Yê-ramia, la cũai tang bởq Yiang Sursĩ, khoiq pai neq: “Noau ít pái chít ọc práq cớp chỡng muoi tâm cutểq tẽ cũai Chiang táq adéh cutểq tabát ariang Ncháu cứq ớn cứq táq. Pái chít ọc práq ki la kia cũai I-sarel anoat yõn rangúh án.”[☆]

*Phi-lat Blớh Yê-su
 (Mac 15:2-5; Luca 23:3-5; Yang 18:33-38)*

¹¹ Yê-su ốt tayúng yáng moat Phi-lat la cũai Rô-ma, sốt tâng cruang ki. Phi-lat blóh Yê-su neq: “Mói la lứq puo tộp I-sarel tở?”

Yê-su ta-õi neq: “Lứq pñeiq mới pai.”

¹² Ngkíq máh cũai sốt tộp tềng rit sang Yiang Sursĩ, cốp cũai sốt nheq sâu, alóí cauq Yê-su. Ma Yê-su tở bữn ta-õi ntróu. ¹³ Chơ Phi-lat blóh ên: “Mói sâng ma tở bữn noau cauq mới sa-ũĩ ramứh?”

¹⁴ Ma Yê-su tở bữn ta-õi muoi ọc ntróu. Ngkíq cũai sốt ki sâng dót lứq.

Noau Rươh Yê-su Cóq Chũuq Cuchĩt

(Mac 15:6-15; Luca 23:13-25; Yang 18:39-19:16)

¹⁵ Toâq tangái cũai I-sarel rôm cha bũi sanhữ Tangái Loỏh, alóí bữn rit cũai sốt cruang ki acláh manoaq cũai tũ puai pahỏm cũai proai rươh yoc ẽ acláh. ¹⁶ Bo ki bữn manoaq cũai tũ, ramứh Baraba. Dũ náq dáng nheq ramứh án. ¹⁷ Ngkíq, bo cũai cứng ốt rôm ngki, Phi-lat blóh alóí neq: “Cũai aléq anhia yoc cứq acláh yỏn anhia, Baraba tở la Yê-su, án ca noau đởq Crít?”

¹⁸ Phi-lat dáng samoât lứq máh cũai sốt ki ũan lứq cốp Yê-su yuaq cũai proai alóí yoc ẽ puai Yê-su. Yuaq ngkíq alóí đứng Yê-su toâq pở án.

¹⁹ Bo Phi-lat tacu tâng ntốq án sữq, lacuoi án cớiq parnai pở án neq: “Mói chõĩ táq ntróu chóq cũai ki, yuaq án tở bữn táq lỏih ntróu. Tabũ mahái cứq rláu mpáu tể án, chơ tangái nâi cứq sâng croỏq lứq.”

²⁰ Ma nheq cũai sốt tộp tềng rit sang Yiang Sursĩ, cốp máh cũai sốt nheq sâu, alóí ỏn máh

cūai cứng ki sêq tể sốt yỗn acláh Ba-raba, ma cachĩt Yê-su. ²¹ Án ca sốt ki blóh cūai cứng neq: “Tể bar náq cūai nâi, anhia yoc cứq acláh noau?”

Alói ta-ôi: “Ba-raba!”

²² Phi-lat blóh ển neq: “Khân ngkíq, ntróu anhia ểq cứq táq chóq Yê-su, án ca noau đọq Crĩt?”

Alói ta-ôi: “Téh án tâng aluang sangcáng!”

²³ Phi-lat blóh loah ển: “Nốq? Ntróu án táq lôih chóq anhia?”

Ma alói ta-ôi casang hỡn tể nhũang ển neq: “Téh án tâng aluang sangcáng!”

²⁴ Tữ Phi-lat dáng án tở têq táq ntróu đọq chuai Yê-su, cớp án ngcõh cūai cứng ki táq choac lứq ển, ngkíq án ỉt đờq, chơ án ariau aĩ yáng moat alói, cớp án pai neq: “Nâi la cứq táq tếc, cứq tở bữn tột ntróu tể cūai nâi cuchĩt. Ốc ki tam anhia.”

²⁵ Nheq tữh cūai cứng ki ta-ôi loah neq: “Tột cūai ki cuchĩt sêq yỗn toâq pờ hếq cớp toâq pờ con acái hếq hỡ.”

²⁶ Chơ Phi-lat acláh Ba-raba yỗn cūai cứng ki. Ma Yê-su, Phi-lat yỗn noau proaih án. Vót ki án chiau Yê-su yỗn alói đững téh án tâng aluang sangcáng.

Tahan Ayê Ra-ac Yê-su

(Mac 15:16-20; Yang 19:2-3)

²⁷ Chơ, máh tahan Phi-lat đững Yê-su mut tâng đống noau đọq sữq cūai. Ntốq ki bữn tahan cứng lứq toâq ốt pờ Yê-su. ²⁸ Alói tũot tampác Yê-su, cớp alói asóp án au tuar santúm ểng.

²⁹ Alói táq carvang sarlia apung tâng plở án. Cóp alói yỗn án yống ralõng yoah atĩ atoam. Moâm ki alói sacõh racól yáng moat án cóp ayê ra-ac án, pai neq: “Cucõh noau casai puo I-sarel!”

³⁰ Alói cuchóh tâng tỗ Yê-su, cóp alói ìt ralõng toan tâng plở án. ³¹ Moâm alói ayê ra-ac án, chơ alói tũot au tuar cóp asóp loah tampác án bữm. Chơ alói dững aloõh án đợq téh án tâng aluang sangcáng.

*Noau Téh Yê-su Tâng Aluang Sangcáng
(Mac 15:21-32; Luca 23:26-43; Yang 19:17-27)*

³² Tữ alói loõh vót tễ vil, alói ramóh manoaq samiang tâng rana, ramứh Si-môn. Án la cũai tễ cruang Si-rên. Alói ếp án đõl aluang sangcáng Yê-su. ³³ Alói toâq pỡ ntốq ramứh Cô-cô-tha. Santoiq nâi parlong loah la ‘Ntốq Nghang Cantar Plở’. ³⁴ Ớt ntốq ki noau avơi yỗn Yê-su nguaiq blõng carchóc cóp cớng ntáng. Yê-su yễl, ma án tỗ bữn nguaiq.

³⁵ Chơ alói téh Yê-su tâng aluang sangcáng. Cóp alói tampẽq tampác án na séng anhúq, aléq bữn la thõi. ³⁶ Moâm ki alói tacu kĩaq Yê-su. ³⁷ Yoah pỡng plở Yê-su alói đợq muoi khlêc pian; cóp alói chĩc chũq neq: CŨAI NÂI LA YÊ-SU. ÁN LA PUO CŨAI I-SAREL. ³⁸ Noau téh bar náq cũai savẽng cheq Yê-su tê, manoaq coah atoam, manoaq coah avêr.

³⁹ Mách cũai pợq pha bân ki, alói culũt-culiau ayê ra-ac Yê-su. ⁴⁰ Alói pai neq: “Mớĩ nâi ơiq ca pai ẽ talõh đõng sang Yiang Sursĩ. Chơ mớĩ

táq loah pái tangái la môâm toáp. Âu sanua mới chuai amoong loah tở mới bữm. Khân mới lứq Con Yiang Sursĩ, ki mới sễng tễ aluang sangcáng ki.”

⁴¹ Cóp máh cũai sốt tốp tễng rit sang Yiang Sursĩ, máh cũai yống rit, cóp máh cũai sốt nheq sâu, tốp alói ayê ra-ac Yê-su tê. ⁴² Alói pai neq: “Cũai canỏh têq án chuai amoong, ma tở án bữm, tở hữm têq án chuai. Khân án lứq puo cũai I-sarel, yỏn án sễng bữm tễ aluang sangcáng ki. Khân ngkíq, hái lứq sa-âm án tê. ⁴³ Án sa-âm Yiang Sursĩ, cóp án pai án la Con Yiang Sursĩ. Khân lứq ngkíq, yỏn Yiang Sursĩ chuai amoong án sanua.”

⁴⁴ Cóp alói bar náq savễng ca noau téh tâng aluang sangcáng muoi prỏh cóp Yê-su, alói ayê ra-ac Yê-su tê.

Bo Yê-su Cheq Ễ Cuchĩt

(Mac 15:33-41; Luca 23:44-49; Yang 19:28-30)

⁴⁵ Tễ moat mandang toâng toau toáp moat mandang priang, cớt canám nheq tâng cruang ki. ⁴⁶ Toáp mandang priang Yê-su arô casang lứq neq: “Ê-li, Ê-li, lama-sabac-tani?” Santoiq nâi parlong loah la: “Yiang Sursĩ cứq ời! Yiang Sursĩ cứq ời! Nỏq mới táh chíq cứq?”[☆]

⁴⁷ Toáp cũai tayúng cheq ki sâng Yê-su arô, alói pai neq: “Án arô Ê-li!”

⁴⁸ Bữn manoaq tễ alói ki lúh ỉt muoi cốc aroâiq. Án alốq aroâiq ki tâng blống nhỏq, cóp

☆ **27:46** 27:46 Ừat Khẻn 22:1

án chỏq aroaiq ki tâng dũi. Chơ án avơi yỗn Yê-su yáp. ⁴⁹ Ma cũai canỏh pai neq: “Hái acoan voai. Hái nhêng Ê-li toạq chuai án, ma tỡ bữn!”

⁵⁰ Yê-su u-ỗi casang lứq ển, chơ án ta-ỏh rangứh.

⁵¹ Bo ki toập aroaiq noau yoang tâng Dổng Sang Toâr cớt raháq tể pỡng toạq pủn, cớt bar sarêc. Cutểq cacủt, cớp máh tamáu cớt pacháh.

⁵² Ping cumuiq riang noau pớh bữm, yỗn sa-ữi náq cũai ca puai ngê Yiang Sursĩ ca khoiq cuchĩt bữn tamoong loah. ⁵³ Vớտ Yê-su tamoong loah, máh cũai ca khoiq cuchĩt, alới loỏh tể ping, cớp alới mut tâng vil Yaru-salem. Tâng vil ki bữn cứng cũai hữm alới.

⁵⁴ Bo ki bữn manoaq sớt muoi culám tahan, án ớt kĩaq Yê-su. Nheq náq alới hữm cutểq cacủt, cớp alới hữm máh ramứh canỏh hỡ. Ngkĩq alới sâng ngcỏh lứq, cớp alới pai neq: “Lứq samoât cũai nái la Con Yiang Sursĩ!”

⁵⁵ Bữn sa-ữi náq mansểm ớt yớng tapoang nhêng chu Yê-su. Alới ki khoiq puai Yê-su tể cruang Cali-lê, cớp alới chửm siem án. ⁵⁶ Tâng tồp mansểm ki bữn Mari tể vil Mac-dala, Mari la mpiq Yacỡ cớp Yô-sê, cớp mpiq alới bar náq con samiang Sê-badê.

Noau Tứp Yê-su

(Mac 15:42-47; Luca 23:50-56; Yang 19:38-42)

⁵⁷ Toạq paloỏng nhứm-nhứm, bữn manoaq cũai sớt tể vil Ari-mathê toạq. Ramứh án la Yô-sep. Án la cũai rien tể Yê-su tể. ⁵⁸ Án toạq pỡ Phi-lat, cớp án sểq cumuiq Yê-su. Phi-lat ớn

noau yõn cumuiq Yê-su pở án. ⁵⁹ Ngkíq Yô-sep ãt cumuiq Yê-su, cớp án som toâq aroâiq tamái cớp cloc o lứq. ⁶⁰ Chơ án đợc cumuiq ki tâng ping tamái khong án; ping ki noau tốc tâng tamáu cõl. Chơ án vih tamáu catáng chíq ngoah ping. Moâm ki án chu. ⁶¹ Mari tễ vil Mac-dala, cớp Mari canõh ẽn, alới tacu tapoang nhêng chu ngoah ping.

Cũai Sốt Yõn Tahan Kĩaq Ping Yê-su

⁶² Mách tangái parnõ la tangái ntun tốp I-sarel thrũan táq lêq. Tangái ki máh cũai sốt tốp tềng rit sang Yiang Sursĩ cớp máh cũai Pha-rasi, alới pỡq chu Phi-lat. ⁶³ Alới pai chớq Phi-lat neq: “Achuaih ời! Hếq sanhữ bo cũai lauq ki noâng tamoong, án pai neq: ‘Cứq cuchĩt, ma vớt pái tangái cứq tamoong loah.’” ⁶⁴ Ngkíq, hếq sếq achuaih yõn noau kĩaq carsĩat ping ki toau toâq tangái pái. Chơ tốp rien tễ án tở têq pỡq ãt tuoíq tở cumuiq ki. Khân alới bữn tuoíq, ki alới lứq atõng cũai canõh neq: ‘Yê-su cuchĩt, chơ án tamoong loah.’ Khân alới pai Yê-su tamoong loah, ốc lauq ki ntâng hỡn tễ ốc lauq noau pai án la Crĩt.”

⁶⁵ Chơ Phi-lat ta-õi alới neq: “Anhia dững tahan pỡq kĩaq ping ki; tam rangứh anhia.”

⁶⁶ Ngkíq alới loõh tễ ki. Chơ alới pỡq cloaih ngoah ping ki yõn khâm lứq. Cớp alới ớn tahan kĩaq ping ki.

28

Yê-su Tamoong Loah

(Mac 16:1-10; Luca 24:1-12; Yang 20:1-18)

1 Vót Tangái Rlu, toâq tangái muoi tâng tón tamái, tarúp ki paloǒng poang mbǒiq rưm-rưm, Mari tễ vil Mac-dala cớp Mari canǒh pǒq clơ ping Yê-su. 2 Bo ki cutểq cớt cacút hập lứq, yuaq bữn ranểng Yiang Sursĩ sểng vih tamáu noau khoiq catáng ngoah ping Yê-su; chơ án tacu tâng tamáu ki. 3 Roâp ranểng ki la samoât riang lalieiq, cớp tampác án cloc ariang prểl príl. 4 Máh tahan kĩaq ping ki sâng ngcǒh lứq cớp cangcoaih. Alóí cớt samoât riang cũai cuchĩt.

5 Ranểng Yiang Sursĩ atǒng mansểm ki neq: “Anhia chǒi ngcǒh ntróu. Cứq dáng anhia chuaq Yê-su, án ca noau khoiq téh tâng aluang sangcáng. 6 Án tở bữn ốt nnâi noâng. Án khoiq tamooing loah chơ, samoât án khoiq pai tễ nhũang. Anhia toâq pở nâi, nhêng chu ntốq noau đǒq án tễ nhũang. 7 Chơ anhia pǒq cháí atǒng máh tǒp rien tễ án neq: ‘Yê-su khoiq tamooing loah chơ. Sanua án pǒq nhũang anhia pở cruang Cali-lê. Ớt ntốq ki anhia lứq bữn ramóh án!’ Cớq anhia sanhữ máh ốc cứq atǒng anhia.”

8 Ngkíq mansểm ki loǒh tễ ntốq ping ki. Nton alóí croǒq, nton alóí ỡn hỡ. Alóí lủh pǒq atǒng máh tǒp rien tễ Yê-su.

9 Bo alóí pǒq, alóí santar sâng Yê-su toâq ramóh alóí, cớp án cubán alóí neq: “Bán tễ anhia.”

Mansểm ki toâq pở Yê-su, kĩaq ayểng án, cớp sang án. 10 Chơ Yê-su atǒng alóí neq: “Anhia chǒi ngcǒh ntróu. Anhia pǒq atǒng sểm ai cứq

yõn alói pờq chu cruang Cali-lê. Ớt ntốq ki alói bữn ramóh cứq.”

Cũai Sốt Yõn Mách Tahan Bữn Práq

¹¹ Bo mansẽm ki pờq tâng rana, tahan ca kĩaq ping Yê-su chu pờ vil cốp atõng máh cũai sốt tốp tẽng rit sang Yiang Sursĩ, dáng tẽ dĩ ramứh alói khoiq hữm. ¹² Mách cũai sốt ki rôm sarhõng cốp máh cũai sốt nheq sâu. Chơ alói yõn práq sa-ũĩ pờ máh tahan kĩaq ki. ¹³ Cốp alói atõng tahan ki neq: “Yõn anhia pai tốp rien tẽ Yê-su toâq sadâu cốp ít tuoiq cumuiq Yê-su bo anhia bẻq. ¹⁴ Ma khân Phi-lat, án ca sốt cruang, sâng tẽ ramứh nâi, hẻq lứq rapai chuai anhia, yõn án tở bữn táq ntrớu chỏq anhia.”

¹⁵ Ngkíq máh cũai tahan ki ít práq, cốp alói táq puai riang máh parnai noau ớn alói. Toau toâq tangái nâi, bữn cũai I-sarel atõng ớc ki yõn parchia yõn cũai canõh dáng.

Yê-su Ramóh Tốp Rien Tẽ Án Tâng Cruang Cali-lê

(Mac 16:14-18; Luca 24:36-49; Yang 20:19-23; Ranáq Táq 1:6-8)

¹⁶ Muoi chít la muoi noaq tốp rien tẽ Yê-su, alói chõn pờ cóh tâng cruang Cali-lê pờ ntốq Yê-su khoiq patáp alói chơ. ¹⁷ Toâq alói hữm Yê-su, alói sang án; ma bữn án ca tở bữn sa-âm samoât samoi. ¹⁸ Yê-su toâq pờ alói cốp atõng alói neq: “Nheq máh ramứh chỏc tâng paloõng cốp tâng cutẻq, Yiang Sursĩ khoiq chiau yõn cứq chơ. ¹⁹ Ngkíq cóq anhia pờq atõng dĩ náq cũai

yõn cõt máh cũai rien tẽ cúq tê. Cóc anhia táq batẽm yõn alói nhơ ramứh Mpoaq, nhơ ramứh Con, cốp nhơ ramứh Raviei Yiang Sursĩ. ²⁰ Cóc anhia atõng alói yõn trĩh dũ ọc cúq khioq patâp anhia. Cốp lúq cúq ãt cốp anhia mantái níc, tẽ sanua toau toâq tangái parsốt.”

**Parnai Yiang Sursĩ - Kinh Thánh tiếng Bru
Bru, Eastern: Parnai Yiang Sursĩ - Kinh Thánh tiếng
Bru Bible**

copyright © 2015 Wycliffe Bible Translators, Inc.

Language: Eastern Bru

Contributor: Wycliffe Bible Translators, Inc.

All rights reserved.

2020-11-17

PDF generated using Haiola and XeLaTeX on 21 Feb 2024 from source
files dated 29 Jan 2022

2f74bcbe-d4f1-5386-8c30-29d0147bb706